



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



V, U.

206

Проф. Н. СУВОРОВЪ  Պրոֆ. Ն. ՍՈՒՎՈՐՈՎ.

280  
1008-ՍՈՒ ԵԿԵՂԵՑՈՒ

Ե Ի

ՊԵՏՈՒԹԵԱՆ ՅԱՐԱԲԵՐՈՒԹԻՒՆՆԵՐԸ

Ռուսերէնից քարգմանեց  
ՊԵՏՐՈՍ ՏԷՐ ՅԱՐՈՒԹԻՒՆԵԱՆ

Խմբագրութեամբ  
Ս. ՏԻԳՐԱՆԵԱՆԻ



Վ. Ա. Վ. Ա. Բ. Շ. Ա. Պ. Ա. Տ.  
Տպարան Մայր Արուայ Մբոյ Էջմիածնի

1902

348  
U-80

1 MAR 2010

Проф. Н. СУВОРОВЪ  Գրաձ. Ն. ՍՈՒՎՈՐՈՎ.

# ԵԿԵՂԵՑՈՒ

Ե Ի

## ՊԵՏՈՒԹԵԱՆ ՅԱՐԱԲԵՐՈՒԹԻՒՆՆԵՐԸ



*[Handwritten signature]*

Ռուսերէնից քարզմանց  
ՊԵՏՐՈՍ ՏԷՐ ՅԱՐՈՒԹԻՒՆԵԱՆ

1005  
20396

Խմբագրութեամբ

Ս. Տիգրանեանի



Վ. Ա. Ղ. Ա. Բ. Շ. Ա. Պ. Ս.

Տպարան Մայր Արուոյ Մերոյ Էջմիածնի

1902

ՀԱՅՈՑ ԱԶԳԱԳՐԱԿԱՆ ԸՆԿԵՐՈՒԹԵԱՆ  
ԿՈՂԿԱՍԱԳԻՏԱԿԱՆ — ՄԱՐԳԱՐԱՆԱԿԱՆ

**ԳՐԱԴԱՐԱՆ**

Երուանդ Լալայեանից

Дозволено Цензурою 27 Ноября 1901 г. г. Тифлисъ.

0 3 ANG 5115

Այս գրքիկը Եկեղեցական իրաւաբանութեան պրո-  
ֆէսոր (Մոսկուայի Համալսարանում) Ն. Սուվորովի  
«Учебникъ церковнаго права» դասագրքի 5-րդ մասի առա-  
ջին գլխի («Отношения между церковью и государствомъ») քաղցմանութիւնն է:

Թարգմանութիւնն արել է Պ. Տէր Յարութիւնեանը:  
Ես ուղղել եմ եւ խմբագրել այդ քաղցմանութիւնը, ու  
սեղ-սեղ, գլխաւորապէս նոյն դասագրքից փաղելով, մի  
փանի ծանօթութիւններ աւելացրել (Մ. Խ. ստորագրու-  
րեամբ), որով բնագրի մի փանի դարձուածքները գուցէ  
աւելի պարզ եւ հասկանալի դառնան:

**Սիրական Տիգրանեան:**

Ս. Էջմիածին, 1901 Նոյեմբեր:

07 AUG 2013



Ե Կ Ե Ղ Ե Յ Ո Ւ

Ե Ի

ՊԵՏՈՒԹԵԱՆ ՅԱՐԱՐԵՐՈՒԹԻՒՆՆԵՐԸ

§ 1 Քրիստոնեաների եւ պետական իշխանութեան յարաբերութիւնը ըստ Ս. Գրքի:

Աւետարանի մէջ յիշուած է Քրիստոսի այն իմաստալից խօսքը, որ ասուած է եղել ի պատասխան փարիսեցիների և հերովդիսեանների տուած հարցին: Սուքա հրէական ժողովրդի մէջ կազմուած էին երկու թշնամական կուսակցութիւն. փարիսեցիները ամենայն խստութեամբ պահպանուած էին հրէական հոգևոր օրէնքը՝ սկզբունքով թոյլ չտալով Ասածու ժողովրդին՝ ենթարկուել որ և է օտար իշխանութեան. հերովդիսեանները կողմնակից էին Հերովդէսին, որին հռովմը Հրէաստանի կառավարիչ էր նշանակել, հետևապէս սուքա կողմնակից էին և հռովմէական իշխանութեան: Հարցն այս էր, պէտք է արդեօք հռովմէական կայսրի իշխանութեանն ենթարկուել և այդ օրինաւոր համարել: Ս.յս հարցին պատասխան տալը՝ հարց զնոզների կարծիքով չափազանց դժուար էր. դրական պատասխանը Քրիստոսից պէտք է հեռացնէր ժողովրդի այն խումբը, որի համար թանկ էին Ասածու ընտրեալ ժողովրդի անկախութեան աւանդութիւնները. իսկ բացասական պատասխանը Նորա թշնամիների ձեռքը պէտք է զէնք տար, առիթ տալով մեղադրելու Նորան իշխանութեան դէմ խռովութիւն յարուցանելու: Բայց Քրիստոս

տոնն այնպէս պատասխանեց, որ ոչ փարիսեցիք և ոչ հե-  
 րովդիսեանները չլսեցին այն, ինչ բանի որ սպասում  
 էին. «Տուք զկայսերն կայսեր և զԱստուծոյն Աստուծոյ»  
 Ինչ որ կայսրինն է կայսրին տալ, հնազանդ լինել պետա-  
 կան իշխանութեան՝ քարոզեցին և Քրիստոսի աշակերտ-  
 ները: Այսպէս Պօղոս առաքեալը սովորեցնում էր քրիս-  
 տոնեաներին՝ հնազանդ լինել բարձր, իշխանութեան ոչ  
 միայն պատժի երկիւղից, այլ և խղճի դրդումից, որով-  
 հետև իւրաքանչիւր իշխանութիւն հիմնուում է Աստծուց  
 և աստուածային աշխարհակալութեան օրդան է, որ բա-  
 րիներին վարձատրում է և սուր է կրում չարերին պատ-  
 ժելու համար: Նոյն առաքեալը համոզում է քրիստոնեա-  
 ներին աղօթել թագաւորի և բոլոր կառավարիչների հա-  
 մար, թէպէտ առաջին քրիստոնեաները՝ աշխարհի շուտով  
 վերջանալու ակնկալութեամբ ապրելով, պատրաստ էին  
 հոովմէական աշխարհի պետին (Ներոնին) Յայանութեան  
 Նեոը, այսինքն հակաքրիստոս համարել: Նոյն կերպ և  
 միւս առաքեալ Պետրոսը պարտաւորեցնում էր քրիստո-  
 նեաներին յարգանք և հնազանդութիւն ցոյց տալ ինչպէս  
 կայսրին, նոյնպէս և ստորագրեալ կառավարիչներին, որոնք  
 ուղարկուած են նրա կողմից յանցաւորներին պատժելու,  
 իսկ բարութիւն անօդներին խրախուսելու: Սակայն առաքե-  
 ալները՝ այդքան բարձր գնահատելով պետական իշխա-  
 խանութեան առաքելութիւնը՝ արգարութիւն սերմանել  
 աշխարհի մէջ, միւս կողմից ցոյց են տալիս, որ անհրա-  
 ժեշտ է Աստծունը Աստծուն տալ: Այսպէս Պետրոս և Յով-  
 հաննէս առաքեալները՝ յիշելով Քրիստոսի պատուէրը—  
 քարոզել իւր աւետարանը, — մերժեցին հնազանդուել հրէ-  
 ական հոգեւոր իշխանութիւններին, որ արգելում էին նոցա  
 խօսել և սովորեցնել Քրիստոսի անունով: «Հնազանդել  
 պարտ է Աստուծոյ առաւել, քան մարդկան», ասում էին  
 առաքեալները: Այսպիսով Նոր կտակարանը՝ չջօշափելով  
 Եկեղեցու դէպի պետութիւնն ունենալէ յարաբերու-  
 թիւնները և դրանով նոցա փոխադարձ յարաբերութեան

կազմակերպման համար ընդարձակ ասպարէզ բանալով,  
 պարունակում է իւր մէջ պարզ ցուցմունք, թէ իւրաքան-  
 չիւր երիստոնեայ ինչպէս պէտք է վերաբերուի դէպի թէ  
 մարմնաւոր և թէ հոգեւոր իշխանութիւնը: Եթէ սրանց  
 հրամանը հակասող կլինի Աստծու կամքին, այնպէս որ  
 հրամանի կատարելը հնարաւոր կը լինի միայն Աստծու պա-  
 տուիրանի խախտմամբ, քրիստոնեան պարտաւոր է կա-  
 տարել վերջինը, և ոչ թէ առաջինը:

§ 2. Եկեղեցու դիրքը ներանոս նուովմէական  
 կայսրութեան մէջ:

Քրիստոնէութեան առաջին դարերը լի էին հոով-  
 մէական իշխանութեան կողմից քրիստոնեաների դէմ  
 յարուցած հալածանքներով, և տիեզերական պատմու-  
 թեան այդ երևոյթը նրանով աւելի նշանաւոր է, որ  
 հոովմում թողարուում և տանելի էին նուաճուած ազ-  
 դերի ամեն տեսակ և երբեմն յայտնի անբարոյական պաշ-  
 տամունքները, օրինակ Յիբելայի, Իսիդայի, Աստարայի,  
 Միհրի և Բահազի պաշտամունքները: Նշանաւոր է նոյնպէս  
 և այն փաստը, որ ամենից խիստ և սիստեմօրէն հալա-  
 ծանքներ քրիստոնեաների դէմ տեղի են ունեցել հոովմէա-  
 կան ոչ թէ վատ, այլ ամենալաւ կայսրների օրով: Ամենից  
 առաջին հալածանքները հրէշ կայսրների օրով (Ներոն  
 և Դոմեաիանոս) պատահական բնաւորութիւն ունէին և  
 որ և է որոշ կառավարչական ծրագրով չէին առաջ եկել:  
 Առաջինը, որ որոշ սիստեմ մտցրեց հոովմէական թագա-  
 ւորութեան կողմից քրիստոնեաների դէմ յարուցած հա-  
 լածանքների մէջ, Տրայանոսն էր, հրամայելով Բիւթանի-  
 այի և Պանտոսի կուսակալ (պրոկոնսուլ) Պլինիոս կրտսերին  
 քրիստոնեաների նկատմամբ հետևեալ պատուէրին հետե-  
 ւել. ի պաշտօնէ (ex officio) քրիստոնեաներին չփնտուել,



քայց մասնութեան դէպքում (ոչ անանուն) ազատ-  
 ցուածներին մահուան պատժի ենթարկել, եթէ նորա  
 քրիստոնէութիւնից չեն հրաժարուում և իրենց հեռանալը  
 գործով ցոյց չեն տալիս, այսինքն եթէ հռովմէական աս-  
 տուածներին չեն երկրպագում: Այս կարգը էական մա-  
 սով շարունակուեց մինչև 3-րդ դարի կէսը, երբ Դեկոս  
 կայսրը հրատարակեց մի հրովարտակ (էդիկտ), որով հրա-  
 մայում էր իշխանաւորներին պատիժ սպառնալով, որ  
 ամեն տեսակ միջոցներով ստիպեն քրիստոնեաներին մաս-  
 նակցել հեթանոս—հռովմէական պաշտամունքներին, ե-  
 պիսկոպոսներին մահուան պատժի ենթարկեն, փախչող  
 քրիստոնեաների դոյքը յարքունիս գրաւեն, իսկ երբ  
 փախստականները կը վերադառնան, ենթարկեն նոցա մա-  
 հուան պատժի: Դեկոսից յետոյ Վալերիանոսը հրատարա-  
 կեց մի օրէնք՝ հալածել հոգևորականութիւնը և առհա-  
 սարակ բոլոր հեղինակաւոր անձնաւորութիւններին, որոնք  
 կառավարութեան կարծիքով կարող էին իբրև նեցուկ  
 ծառայել այն կրօնի համար, որը պէտք էր արմատախիւ  
 անել: Խիստ սխտեմական և սաստիկ հալածանք սկսուեց  
 4-դ դարի սկզբում Դեոկլետիանոսի օրով, որն հրո-  
 մայեց քրիստոնեաների մօտից հաւաքել և այրել Ս.  
 Գիրքը, բանդել տաճարները, ազատ ծնուած քրիստո-  
 նեաներին ենթարկել անուանարկութեան (ինֆամիայ),  
 ստրուկներին զրկել ազատութիւն ստանալու յոյսից և  
 յետոյ՝ չբաւականանալով այդ համեմատաբար մեղմ մի-  
 ջոցներից, հրամայեց ոչնչացնել բոլոր այն քրիստոնեանե-  
 րին, որոնք մերժում էին հռովմէական աստուածներին  
 զօհ մատուցանել: Մի խօսքով հռովմէական միւս բոլոր,  
 նոյն իսկ անմիտ ու անբարոյական պաշտամունքների  
 նկատմամբ համբերամիտ եղած պետութիւնը յարձակուեց  
 քրիստոնեաների վրայ, ծանր հալածանքի ենթարկելով  
 այն մարդկանց, որ իրենց աստուածային Ուսուցչի և Նօ-  
 րա առաքեալների պատուէրի համաձայն միշտ պատրաստ  
 էին անկեղծ և առանց երեսպաշտութեան կայսրինը

կայսրին տալ, կատարել իրենց քաղաքացիական և հպա-  
 տակութեան բոլոր պարտականութիւնները և նայել պե-  
 տական իշխանութեան վրայ, ինչպէս աստուածային աշ-  
 խարհակալութեան օրգանի վրայ:

Առաջին հայեացքից տարօրինակ թուացող այս երե-  
 ւոյթի ամենախոր պատճառը կրօնականի և քաղաքականի,  
 նուիրականի և հանրայինի այն ձուլման մէջ է, որի շնոր-  
 հիւ հռովմէական պաշտամունքը համարուում էր իբրև  
 պետական կարգի հիւճը և դրա համար պէտք է պարտա-  
 ւորիչ կերպով տարածուէր հռովմէական կայսրութեան  
 բոլոր հպատակների մէջ: Ինչպէս հին հռովմէական աս-  
 տուածների պաշտամունքը, նոյնպէս էլ՝ առանձնապէս  
 կայսրութեան ժամանակ չափազանց ժողովրդականութիւն  
 վայելող կայսրների պաշտամունքը, այսինքն կայսրի կեն-  
 դանութեան ժամանակ նորա ոգուն երկրպագութիւն  
 տալը և ձևական կերպով նորան մահից յետոյ աստուած-  
 ների շարքում կարգելը, ծառայում էին հռովմէական  
 կայսրութեան վեհութեան գաղափարի արտայայտութեանը  
 և հետևապէս հռովմէական պաշտամունքին յարգանք  
 չտալը պէտք է պետութեան դէմ յանցանք համարուէր:  
 Հռովմէական պետութիւնը, ինչպէս և առհասարակ հին  
 աշխարհը, չէր ճանաչում պետական օրէնքից բարձր որ և  
 է նորմա, հրաման կամ օրէնք, և ոչ էլ անհատական  
 խղճի իրաւունք: Միւս բոլոր պաշտամունքներին հետևող-  
 ները հռովմէական աստուածներին երկրպագելիս չէին  
 զգում խղճի ճնշում, որովհետև հռովմէական պաշտա-  
 մունքը չէր ձգտում մարդուս ներքին աշխարհի վրայ իշ-  
 խել, տալով ցանկացողներին կատարեալ հնարաւորութիւն  
 հետևել ցանկացած պաշտամունքներին (եգիպտական,  
 փիւնիկական, փոիւզական և այլն), միայն թէ պաշտօնա-  
 կան կերպով հռովմէական կրօնին արտաքին յարգանք  
 մատուցուէր: Ընդհակառակը քրիստոնեաները, միշտ պատ-  
 րաստ լինելով կայսրինը կայսրին տալ, Աստծու պատուէրի  
 խանդարում էին համարում բացի ճշմարիտ Աստծուց որ

և է մէկին աստուածային երկրպագութիւն տալը, և մի-  
 ևնոյն ժամանակ չէին կարող յենուել որ և է պատմական  
 աւանդութեան վրայ, որ կարող լինէր յարգուել հռով-  
 մէացիներին, ինչպէս հրէական ժողովուրդը կարողացաւ  
 յենուել նման աւանդութիւնների վրայ: Հրէաները նոյն-  
 պէս անհնարին էին համարում իրախտել Եհովայի պատ-  
 ուէրը. «Ես եմ քո Տէր Աստուածը, չպէտք է այլ աս-  
 տուածներ ունենաս բացի ինձանից»: Բայց նախ՝ հռով-  
 մէացին, որպէս մի պահպանողական ժողովուրդ, որ յար-  
 գում էր ամեն մի աւանդական պատմական կարգ, չէր  
 կարողանում անտես առնել, որ թէպէտ հռովմէական  
 իշխանութեամբ հրէական պետութիւնը ոչնչացուած էր,  
 բայց հրէական կրօնը հին ժամանակներից ի վեր կապուած  
 է եղել առանձին ազգութեան և առանձին քաղաքական  
 կազմուածքի հետ: Երկրորդ՝ հրէական կրօնը պաշտում էին  
 միայն հրէաները. քիչ էր պատահում, որ այլ կրօններից  
 այդ կրօնը նորադարձներ գրաւէր՝ երկիւղ ազդելով հռով-  
 մէական պետութեան ներկայացուցիչներին: Քրիստոնէու-  
 թեան նկատմամբ չէր կարելի ասել ոչ այս և ոչ էլ այն: Քրիստոնէական համայնքները բազկացած էին զանազան  
 ազգութեան պատկանող անձերից և նոցա պատմական  
 անցեալը Օգոստոս և Տիրերթոս կայսրներից այն կողմը  
 չէր անցնում, որովհետև առաջինի օրով ծնուեց քրիստո-  
 նէական կրօնի Հիմնադիրը և երկրորդի օրով իրաչուեց  
 Յեսոյ՝ քրիստոնէութիւնը մեծ արագութեամբ էր տարած-  
 ւում, այնպէս որ պետական մարդիկ, որոնք հին հռով-  
 մէական կրօնի մէջ պետական կեանքի հիմք էին տես-  
 նում, անհնար էին համարում թոյլ տալ պետութեան  
 մէջ մարդկանց մի այնպիսի խումբ, որը սկզբունքով մեր-  
 ժում էր այդ կրօնը: Ուստի ամենալաւ կայսրները, որոնք  
 սխտեմաբար ձգտում էին հռովմէական կրօնի հիմունքի  
 վրայ հաստատել տատանուող պետական կարգը, մի և նոյն  
 ժամանակ քրիստոնէաներին սխտեմօրէն հալածողներն  
 էին: Իշխանութեան օրդանների համար քրիստոնէաների

դէմ քրէական դատ բաց անելու օրինական հիմք ծա-  
 ուայում էին lex Julia majestatis,<sup>1</sup> Կեսարի և Օգոստոսի  
 օրէնքները արգելուած ընկերակցութիւնների դէմ և  
 Մարկոս Աւրելիոսի հրովարտակը այն անձերի դէմ, որոնք  
 նոր հերձուածքներ են կազմում և անյայտ կրօններ ներ-  
 մուծում: Վեհութեան դէմ գործած յանցանքի մասին  
 եղած Յուլիոսի օրէնքը մահուան պատիժ կամ ունեց-  
 ուածքը յարքունիս գրաւել էր սպառնում այն մարդկանց,  
 որոնք հռովմէական ժողովրդի և նորա ապահովութեան  
 դէմ թշնամական ձեռնարկութիւններ էին հնարում. իսկ  
 որովհետև կրօնը և նուիրական իրաւունքը պատկանում  
 էին պետութեան հիմնական հաստատութիւններին (publi-  
 cum jus in sacris, in sacerdotibus, in magistratibus consistit),  
 ապա քրիստոնէաները, որոնց խիղճը արգելում էր մաս-  
 նակից լինել հռովմէական կրօնի արարողութիւններին,  
 կարող էին այդ օրէնքով դատի ենթարկուել, ևս առաւել  
 որ կայսերական պաշտամունքին չմասնակցելու ցանկու-  
 թիւնը մեծութեան դէմ վիրաւորանք էր համարում:  
 Յուլիոս Կեսարի և Օգոստոսի ընկերակցութիւններին վե-  
 բաբերեալ օրէնքները, թէպէտ քրիստոնէաներին ի նկատի  
 չունէին, բայց կարողացան սոցա վրայ ևս գործադր-  
 ուել, քանի որ առ հասարակ արգելում էին ընկերակ-  
 ցութիւնների ապօրինի կազմուելը և մեծութեան դէմ  
 գործած յանցանք համարելով այդ, սպառնում էին նոյն  
 պատժին ենթարկել: Իսկ Մարկոս Աւրելիոսի հրովարտա-  
 կը, ինչպէս ենթադրում են, ուղղակի քրիստոնէաների  
 դէմ էր ուղղուած: Մ.հասարակ եթէ քրիստոնէական  
 համայնքները առաջին Յ գարի ընթացքում կարողացան  
 երբեմն հանդստութիւն վայելել, այդ հնարաւոր եղաւ  
 մասամբ այն լուսաւոր ժամանակամիջոցներում, երբ հա-  
 լածանքները մեղմանում էին և նոյն իսկ դադարում. մա-  
 սամբ նաև հալածանքների ժամանակ, որչափ որ քրիս-

1 Յուլիոսի վեհութեան օրէնքը

տոնեաներին յաջողուամ էր կառավարութեան առաջ օրինաւոր ձև ստանալ իբրև ազքատ մարդկանց և թաղման ընկերակցութիւնների (collegia tenuiorum collegia funeraticia). սրանց կազմուելը թաղման նպատակի համար հռովմէական պետութեան մէջ չէր արգելուամ: Հալածանքները վերջացան, երբ իշխանութիւնը քրիստոնեաներին ոչնչացնելու իւր անդօրութիւնը խոստովանեցաւ: Այդ խոստովանութիւնը արտայայտուած է Գալերիոսի 311 թ. հրովարտակում, ուր յայտնուած էր, թէ քանի որ քրիստոնեաներին իրենց հայրենի կրօնին վերադարձնելու բոլոր ջանքերը ապարդիւն մնացին և որովհետև էլի լաւ է որ նրանք դոնէ մի կերպ աղօթեն պետութեան բարօրութեան համար, նրանց թոյլ է տրուամ պահել իրենց կրօնը, այն պայմանով, որ նրանք չը խախտեն եղած կարգերը: Դրանից 3 տարի յետոյ 313 թ. հրատարակուեց Կոստանդիանոսի և Լիկիանոսի Միլանի հրովարտակը, որի զօրութեամբ քրիստոնեաները ազատ եղան հեթանոսական աստուածպաշտութեանը մասնակցելուց, նոցա ընկերակցութիւնները թուլատրելի դառան՝ ստանալով իրաւունակութիւն, <sup>1</sup> և Մարկոս Աւրելիոսի հրովարտակը վերացուաւ:

§ 3. Պետութեան և եկեղեցու յարաբերութեան՝ բիւզանդական սիստեմի էական յատկանիւթները:

Միլանի հրովարտակը՝ քրիստոնէական պաշտամունքին ազատութիւն շնորհելով և մի և նոյն ժամանակ միւս բոլոր պաշտամունքները չսահմանափակելով՝ հռովմէական պետութեան հպատակներին անպայման և անսահման ազատութիւն շնորհեց այս կամ այն կրօնը ընդունելու և դաւանուելու: Բայց անսահման կրօնական ազատութեան այդ սկզբունքը գործնականօրէն չը իրագործուեց

1 Правоспособность.

որովհետև հռովմէական կայսրների աւանդական քաղաքականութեան հետ չէր հաշուում, և քրիստոնէական եկեղեցու նուիրապետութեան <sup>1</sup> մէջ յենարան չգըտաւ: Քրիստոնեայ կայսրները կամենում էին քրիստոնէական կրօնի մէջ պետական կեանքի նոյնպիսի ընդհանուր հիմք տեսնել, ինչպիսին հեթանոս կայսրները տեսնում էին հռովմ հեթանոս պաշտամունքի մէջ: Այստեղից ծագեց կայսրների ձգտումը կայսրութեան մէջ կրօնական միութիւն հաստատել: Սակայն այդ անհնարին էր ոչ նորա համար միայն, որ ժողովրդի մի մասը, մանաւանդ բարձր դասակարգի մէջ, հեթանոս մնաց, ինչպէս որ հրէաներն էլ իրենց կրօնը պահեցին, այլ և նորա համար, որ հէնց քրիստոնէութեան մէջ երևան եկան կրօնական մարի զանազան ուղղութիւններ: Ուստի յիշեալ ձգտումը պէտք է կրօնական ճնշում առաջ բերէր: Քրիստոնէութիւնը, և իսկապէս ընդհանրական քրիստոնէութիւնը, հռովմէական կայսրութեան մէջ պէտք է դառնար ոչ միայն ազատ դաւանելի կրօն, այլ բացառապէս տիրող կրօն: Յուլիանոսի օրով հեթանոսութեան վերականգնելը մի կարճատե միջնադէպ էր, որը պատմութեան ապագայ ընթացքի համար նշանակութիւն չունեցաւ: Քրիստոնեայ կայսրը, որ եկեղեցու կարգի գլուխ էր, նախապատրաստուած չէր եկեղեցու և պետութեան շըրջանները միմեանցից զանազանելու. ընդհակառակը՝ հաւատարիմ մնալով աւանդական, նուիրական իրաւունքի վրայ եղած հռովմէական հայեացքին, որով այդ իրաւունքը պետութեան juris publici (հանրային իրաւունքի) բաղկացուցիչ մասն էր համարուամ, նա քրիստոնէական եկեղեցու կրօնական հարցերը համարում էր պետական կարգի հարցեր, և դրանց լուծելու համար դիմում էր ստիպողական, սովորական միջոցների: Այն հայեացքը, թէ ստիպողութիւնը անհրաժեշտ է, ընդհանրապէս լիովին

1 Ierachia.

ընդունուեցաւ և եկեղեցու նուիրապետութեան կողմից՝ Պետութեան և եկեղեցու յարաբերութեան բիւզանդական սիստեմի էութիւնը, կամ ինչպէս Արևմուտքում ընդունուած է անուանել՝ բիւզանդականութիւնը (բիւզանտիստիզմ), որի հիմքերը գրել էր գեռ Կոստանդին Մեծը, հաստատել Թէոփորոս Մեծը, մանրամասն կերպով դարգացրել էր Յուստինոսը, և որոնք 10-րդ դարում հասել էին որոշ կատարելութեան և մշակութեան, կարելի է ներկայացնել հետևեալ կէտերով:

1. Պետութիւնը և եկեղեցին կազմում են մի մարմին—պետութիւն, միացած ընդհանուր քրիստոնէական կրօնով: Պետութեան և եկեղեցու օրգանական ձուլման շնորհիւ՝ ով որ չի պատկանում եկեղեցուն պետութեան մէջ գոյութիւն ունենալու իրաւունք չունի: De facto, ի հարկէ, պատմութեան մէջ երբէք գոյութիւն չէ ունեցել այնպիսի մի բոպէ, երբ եկեղեցա-պետական միութիւնը լիովին իրականացած լինէր, երբ բոլոր հպատակները առանց բացառութեան դաւանէին մի և նոյն կրօնը, իսկ բոլոր այլակրօնները առանց բացառութեան զրկուած լինէին քաղաքական իրաւունակութիւնից. բայց եկեղեցա-պետական միութիւնը մնաց միշտ իբրև իդէալ, որին կառավարութեան քաղաքականութիւնը ձգտում էր հասնել: Սակայն քանի որ աիեղերական ժողովների ժամանակ ուղղափառութիւնը մշակուած և որոշուած դաւանական ֆորմուլաների մի ամբողջութիւն չէր և կրօնական կուսակցութիւնների խիստ ընդհարման միջոցին կայսրները շատ անգամ անցնում էին սխալ մտածող կուսակցութեան կողմը, որը նոքա բարեմտօրէն ուղղափառութիւն էին համարում, ուստի եկեղեցա-պետական միութեան քաղաքականութիւնը այդպիսի դէպքերում պատճառ էր դառնում ուղղափառ եկեղեցին հալածելու: Այսպէս օրինակ, Կոստանդին Մեծի օրգու, Կոստանտինոսի օրով արիօսականութիւնը պետական կրօն էր, իսկ ուղղափառ վարդապետութեան հետևողները անընդհատ հալածանքի

էին ենթարկուում: Նոյնն էր և միաբնակ, միակամ և պատկերամարտ կայսրների օրով:

2. Կայսրը անձամբ ոչ մի սահման չէր դժուր եկեղեցական և պետական կարգի մէջ: Կոստանդին Մեծը իրեն անուանեց «արտաքին եպիսկոպոս», որպէս զի տարբերուի ներքին եպիսկոպոսներից, որոնք նուիրապետութեան բարձր ներկայացուցիչներն էին. իսկ եկեղեցական պատմագիր Նևսեբիոսը խօսելով Կոստանդին Մեծի այդ դարձուածքի մասին, նորան անուանեց ընդհանուր եպիսկոպոս: Յետոյ, ինչպէս կայսրները իրենց, նոյնպէս էլ եպիսկոպոսները և նոյն իսկ ժողովները կայսրներին անուանում էին թագաւոր — քահանայապետներ (βασιλεὺς ἀρχιερεῖς): Իսկ Լևոն Իսապրացին և Կոստանդին Կոպրոնիմոս կայսրները Պօղոս առաքեալի օրինակով իրենց էին վերագրում քրիստոնէական հաւատացեալ հօտը հովուելու առաքելութիւնը: Այդ բոլոր և նման դարձուածքների մէջ երևում է մի և նոյն միտքը, թէ կայսրը ոչ միայն եկեղեցական գործերի մասին է հոգում հաւասար պետականին, այլ և իրեն պատկանող պետական իշխանութեան բոլոր միջոցներով առաջնորդում է պետական կեանքը եկեղեցու հայեացքների համաձայն: Իրենց օրէնքներով կայսրները ձգտում էին նոյն նպատակին, որին ձգտում էր և եկեղեցին. այդ էր գոնէ իդէալը, որի իրագործման էր ուղղուած կառավարութեան քաղաքականութիւնը, թէպէտ իրականութիւնը կրկին լիովին չէր համապատասխանում այդ իդէալին: Նախ՝ մի քանի յարաբերութիւնների մէջ, օրինակ ամուսնական գործերում, պետութեան օրէնքութիւնը հազիւ հազ աստիճանաբար և շատ դանդաղ համաձայնեցնում էին եկեղեցու պահանջներին և հայեացքներին և, թէպէտ սկզբունքով անկասկածելի էր համարում, որ օրէնքների և կանոնների ընդհարման ժամանակ վերջինները գերադասուում են առաջիններից, բայց կայսրները չէին քաշում կանոնների անհամաձայն օրէնքներ հրատարակել. իսկ կանոնադէտները

չէին քաշուում բացատրել, որ կայսերական աւելի յետագայ օրէնքներով հնադոյն կանոնները վերացուում են: Երկրորդ, կայսրների կողմից հաւատի դաւանանքների հարցերին խառնուելու անյաջող յաճախակի փորձերը, հերետիկոս կուսակցութիւններին արած բացարձակ օժանդակութիւնը և միւս կողմից ընդհանրական վարդապետութեան և դորա հետևողների հալածանքները եկեղեցունուիրապետութիւնը հասցրին այն մտքին, որով կայսրների քահանայապետութիւնը բոլորովին մերժուում էր: Արդէն 4-րդ դարից սկսած նուիրապետութեան առանձին հեղինակաւոր ներկայացուցիչները սկսեցին ոչ միայն քահանայութիւնը (sacerdotium, ιερωσύνη) հակադրել կայսերական իշխանութեան (imperium βασιλεία), այլ սրանից բարձր դասել՝ համեմատելով, թէ ինչպէս հոգին գերազանց է մարմնից, ոգին նիւթից և երկնայինը երկրայինից, նոյնպէս էլ քահանայութիւնը առաւել է կայսրութիւնից: Նոյն միտքը արտայայտել էին Օսիա Կորգուբացին, Գրիգոր Նազիազանցին, Ամբրոսիոսը, Ոսկեբերանը և այլք: Միակամների վէճի ժամանակ Մաքսիմ խոստովանողը և Սոփրոնիոս Երուսաղէմացին, իսկ պատկերամարտութեան ժամանակ Յովհաննէս Դամասկացին և Թէոդոր Ստուդիտ հակառակելով կայսրի՝ հաւատի դողմաներին խառնուելուն, որոնցից նա ոչինչ չէր հասկանում, պահանջում էին կայսերական և եկեղեցական իշխանութեանց մէջ խիստ որոշում և նոյն իսկ պառակտում հաստատել. բայց մի և նոյն ժամանակ պարտաւորացնում էին, որ կայսրը եղած ուղղափառութիւնը պաշտպանէ: Արդէն Յուստինիանոսը ուշագրութիւն դարձրեց այն դարձուածքների (տէրմինոլոգիայ) վրայ, որ որոշում էին կայսրութիւնը քահանայութիւնից: Իւր 4-րդ նովելայի (օրէնքի) յառաջաբանում նա խօսում է երկու մեծ ձիրքերի, այն է քահանայութեան և կայսրութեան մասին, որ ի վերուստ տրուած են մարդկանց: Բայց Յուստինիանոսը հեռու էր այն մտքից, թէ նուիրապետութեան որ և է առանձին ներկայացուցիչ հա-



ւասար է կայսրին. աւելի ևս հեռու էր իր իրաւաստութեան, որպէս աշխարհական իշխանութիւն վարողից: Բահանայութիւնը Յուստինիանոսի խօսքերի համաձայն պէտք է ծառայէ աստուածպաշտութեան, իսկ կայսերական իշխանութիւնը մարդկանց համախմբութեան մէջ կարգ հաստատէ. այնպէս որ նոյն իսկ կրօնի դաւանանքների պահպանութեան և քահանայական պաշտօնի արժանավայել ընթացքի հողացողութիւնը կայսերական կառավարութեան շրջանի մէջ է մտնում: Գրգ դարի վերջում, այսպէս անուանուած Էպանազոգէի<sup>1</sup> մէջ (հրատարակուած է Վասիլ Մակեդոնացու օրով) նկատուում է քահանայութիւնն ու կայսրութիւնը միմեանցից տարբերելու գաղափարի յետագայ զարգացումը, որ կատարուել է բիւզանդական հողի վրայ: Եթէ Էպանազոգէն նոյն իսկ մնացած լինէր իբրև օրէնքի նախագիծ առանց օրէնքի ոյժ ստանալու, ինչպէս ենթադրում են մի քանի հեղինակաւոր բիւզանդագէտներ, դարձեալ պաշտօնական վկայագրի նշանակութիւն ունի, ևս առաւել որ ենթադրելու հիմքեր կան, թէ նշանաւոր Փոս պատրիարքը մասնակցել է Էպանազոգէն կազմելուն: Էպանազոգէի մէջ երկու յատուկ տիտղոս կայ, մէկը թագաւորի (περι βασιλέως), միւսը պատրիարքի համար (περι πατριάρχου):

Գրգ դարու վերջում, երբ Աղէքսանդրիայի, Անտիոքի և Երուսաղէմի՝ արևելեան այս երեք պատրիարքները, որ Կ. Պօլսին հաւասար իրենց նշանակութիւնը արդէն կորցրել էին, կայսրութեան սահմանից դուրս եկան, բիւզանդական օրէնսդիրը կարող էր խօսել միայն Պօլսի պատրիարքի մասին և նորան բիւզանդական քահանայութեան դուրս համարել: Իսկ այդ ժամանակ միակամների

5006

<sup>1</sup> Էպանազոգի—Էպանազոգէ—օրէնսդրութիւնը հրատարակուեց 884—886 թուին. սակայն տակաւին ստուգուած չէ, արդեօք պարտադիր օրէնքի, թէ լսկ օրինագծի զօրութիւն է ունեցել այդ: Մ. Խ.

և պատկերամարտների շփոթութիւնները կայսերական իշխանութիւնից անկախ քահանայութեան գաղափարի զարգացման համար շատ առիթ ներկայացրին. ևս առաւել, որ հերետիկոսութիւնների դէմ մարտնչողները, ինչպէս են Մաքսիմ խոստովանողը և Թէոդոր Ստուտիգը, հռովմի հետ սերտ հաղորդակցութիւն ունէին, ուր այդ ժամանակ արդէն շատ որոշ հայեացքներ էին կազմուել հոգևոր և աշխարհական իշխանութիւնների մասին (տես հետեւեալ §): Էպանագոգէն չի ճանաչում եկեղեցին և պետութիւնը ինչպէս 2 համախմբութիւններ, եկեղեցին և պետութիւնը կազմում են մէկ եկեղեցա—պետական կարգ, որի գլուխն են թագաւորը և պատրիարքը: Թագաւորը կառավարում է մարմինը, իսկ պատրիարքը հոգին: Թագաւորը հատուցանում է իւրաքանչիւրին իւր ծառայութեան համապատասխան, անխոնջ հոգ է տանում պետութեան եղած ոյժերը պահպանելու և կորածը վերադարձնելու կամ անհրաժեշտը ձեռք բերելու մասին: Թագաւորը պէտք է պաշտպանէ և կատարէ Ս. Կրքի բոլոր գրուածները, 7 սուրբ ժողովներից հաստատուածը, նոյնպէս և հռովմէական օրէնքները: Թագաւորը պէտք է աչքի ընկնի իւր ուղղափառութեամբ, բարեպաշտութեամբ, և երրորդութեան, Աստուծոյ որդու մարմնառութեան, Աստուածութեան երեք անձնաւորութեան համագոյակից լինելու, Քրիստոսի անմիասնական և անբաժանելի միաւորութեան, մի անձն և երկու բնութիւն, երկու կամք և երկու ազգեցութիւն ունենալու վերաբերեալ դաւանանքների նկատմամբ հռչակուի իւր աստուածային նախնաձախնդրութեամբ: Թագաւորը պէտք է բացատրէ նախկին օրէնքները և դրանց պահանքները լրացնէ՝ թոյլ տալով սովորոյթի գործադրութիւնը, բայց չթողնելով որ կանոններից որ և է հակառակ բան ներմուծուի: Քրիստոսի կենդանի պատկերն է պատրիարքը, որը ճշմարտութիւնը թէ գործով և թէ խօսքով երևան է հանում: Աստուծոց նորան յանձնուած մարդկանց նա պէտք է բարեպաշտու-

թեան և առաքինի կեանքի մէջ պահէ, բոլոր հերձուածողներին ըստ կարելոյն ուղղափառ դարձնէ և եկեղեցուն միացնէ, իսկ անհաւատներին հաւատի բերէ՝ ազդելով նոցա վրայ իւր վեհ, բոլորի համար ակներև և զարմանալի վարք ու բարքով: Պատրիարքի նպատակը նորան յանձնուած հոգիների փրկութիւնն է. միայն պատրիարքին է պատկանում մեկնաբանել, ինչ որ սուրբ հայրերն և ժողովներն հաստատել են: Թէ հեղինակը ինչպէս էր ներկայացնում իրեն եկեղեցա—պետական կարգի երկու մեծ իշխանութեանց համեմատական աստիճանը, կատարելապէս պարզ չէ: Ըստ երևոյթին՝ թագաւորը և պատրիարքը հաւասար բարձրութեան վրայ են կանգնած. բայց քանի որ թագաւորին յատկացուած է մարմնի մասին հոգալ, իսկ պատրիարքին հոգու մասին (իսկ թէ հոգին առաւել է մարմնից, այդ մի ակսիոմայ էր, որ ոչ մի կասկածի չէր ենթարկուում), որովհետև թագաւորը իրաւունք չունի կանոններին որ և է հակառակ բան ներմուծել, իսկ կանոնները միայն պատրիարքը կարող է մեկնաբանել՝ որպէս Քրիստոսի կենդանի պատկեր և ճշմարտութիւնը իւր մէջ կրող մի անձն, ապա այս բոլորից կարելի է եզրակացնել, որ պատրիարքին աւելի բարձր դիրք է տրուում քան թագաւորին: Էպանագոգէի գաղափարները, եթէ այդ ինչպէս օրէնսդրական կողէքս հրատարակուած և յայտարարուած էլ լինէր, Բիւզանդիայում իրենց համար գործնական հող չունեցան, և իրենք կանոնադէտներն էլ, ինչպէս օրինակ Բալթամանը իւր «պատրիարքական արտօնութիւնների մասին խորհրդածութիւններ»-ի և կանոնների մեկնութեան մէջ, այլ կերպ էին նկարագրում թագաւորի դիրքը՝ տալով սորան թէ վարդապետական և թէ քահանայական պատիւ՝ հոգալ հպատակների հոգու և մարմնի մասին և օրէնքներով կանոններ վերանորոգել: Էպանագոգէի գաղափարները գործադրուցան միայն միջանկեալ կերպով առանձին պատրիարքների գործունէութեան շրջանում, երբ հանգամանքները պատ-

ըրարքի համար լաւ ընթացք էին ընդունում, իսկ կայսրների համար անյաջող. բայց յամենայն դէպս այդ բաները ցոյց են տալիս, որ եկեղեցա—պետական մարմնի (օրդանիզմի) միութիւնը՝ գլուխ ունենալով քահանայութիւնը և կայսրութիւնը, Բիւզանդիայում էլ կարող էր հիէրոկրատիկ հայեացք յառաջ բերել:

3. Բիւզանդիայի եկեղեցա—պետական կարգի մէջ եպիսկոպոսները, ինչպէս բարձրագոյն ներկայացուցիչներ կղերի, որը պետութեան մէջ արտօնեալ դասակարգ դառաւ, ստացան պետական ընդարձակ դատաստանական և վարչական իրաւազօրութիւն: Թէպէտ այն ընդարձակ իրաւասութիւնը քաղաքացիական գործերի վերաբերմամբ, որ Կոստանդին Մեծը 321 և 331<sup>1</sup> թուականներին երկու օրէնքով յանձնել էր եպիսկոպոսներին, բիւզանդական իրաւունքի մէջ երկար չմնաց. բայց երբ այդ օրէնքները դադարեցին գործելուց, եպիսկոպոսներին էլի մնաց դատաստանական գործունէութեան (судебная компетенция) մի մեծ շրջան՝ առանձնապէս հոգևորականներէ գործերի նկատմամբ: Ապաստան տալու (jus asyli)<sup>2</sup> և

1 321 թուի օրէնքը իրաւունք էր տալիս բոլոր դատուողներին փոխադարձ համաձայնութեամբ ամեն մի քաղաքացիական գործ ներկայացնել եպիսկոպոսի դատաքննութեանը. եպիսկոպոսի վճիռը, մի քանի բացառութիւններով, վերջնական և անբողոքելի ոյժ ունէր: 331 թուի օրէնքը—բացարձակապէս վերջնական և անբողոքելի յատարանք եպիսկոպոսների դատավճիռները, վերացնելով մինչև այդ ժամանակ եղած բոլոր բացառութիւնները: Բացի դրանից դատուող կողմերից իւրաքանչիւրին իրաւունք էր տրուում գործը եպիսկոպոսի դատաստանին յանձնել նոյն իսկ այն դէպքում, երբ դատուող միւս կողմը անհամաձայն և գործը պետական դատարանում արդէն սկսուած լինէր, միայն եթէ դատավճիռը դեռ չէր գրուած եղեր Մ. Խ:

2 Ապաստանի իրաւունքի (jus asyli) հիման վերայ եպիսկոպոսները եկեղեցիներում ապաստան էին տալիս դատական և վարչական հարձանքից փախչողներին. քրէական պատժից այս կերպ խոյս տալով՝ յանցաւորները ենթարկուում էին եկեղեցական ապաշխարութեան: Մ. Խ:

միջամտելու (jus intercessionis) իրաւունքը,<sup>1</sup> որ պատկանում էր եպիսկոպոսներին, նոցա առաջ ճանապարհ էր բաց անում քրէական իրաւարարութեան<sup>2</sup> ընթացքի վրայ ազդելու: Մաղթանք և խաչ կանգնեցնելու կրօնական արարողութիւնը կատարելով՝ եպիսկոպոսները կեանքի էին կոչում եկեղեցական հաստատութիւններ, ինչպէս քաղաքացիական իրաւունքի իրաւաբանական անձեր<sup>3</sup>: Եպիսկոպոսը քաղաքային իշխանութեան<sup>4</sup> և քաղաքի նշանաւոր անձանց հետ միասին նշանակուում էր երեխաների համար խնամակալներ, անչափահասների և խելագարների աղջիկներին օժիտ իսկ տղաներին ամուսնական նուէր (propter nuptias donatio): Նա իրաւունք ունէր քաղաքային վարչութեան պաշտօնեաներ ընտրել և նոյն իսկ դաւաճապետի պաշտօնի համար արժանաւոր թեկնածու ցոյց տալ: Եպիսկոպոսը պատուաւոր քաղաքացիների հետ ստուգում էր քաղաքների եկամուտների գործադրութեան նպատակայարմար լինելը, հաշիւ էր առնում կառավարիչներից, հետեւում էր, որ բնակիչների մէջ ջուրը հաւասար բաժանուի, չէր թոյլ տալիս, որ կամայական սուրբերով և պարտականութիւններով քաղաքացիներին ապօրինի կերպով ծանրաբեռնեն: Եպիսկոպոսները քաղաքացիական վարչութիւններին հաւասար իրաւունք ունէին ուրիշների իշխանութեան տակ գտնուած իգական սեռի անձնաւորութիւններին (աղջիկներին և ստրկուհիներին) պաշտպանել, որպէս զի չստիպեն նոցա անառակ կեանք վարել. հսկել բանտերի վրայ, չորեքշաբթի և ուրբաթ

1 Միջամտելու իրաւունքը—հասարակ բարեխօսութիւն չէր, այլ մի գորաւոր միջամտութիւն, որով եպիսկոպոսը քրէական դատաստանին ենթակայ և որոշ պատժի դատապարտուած յանցաւորներին ազատ էր կացուցանում պետական իշխանութեան ձեռքից և ինքն էր ենթարկում դրանց եկեղեցական ապաշխարութեան Մ. Խ:

2 Уголовное правосудие.

3 Юридическое лицо.

4 Городское начальство.

օրերը այցելել նոցա, հարց ու փորձ անել բանտարկեալներին բանտ նստելու պատճառի մասին. դիտել՝ արդեօք բանտերի մէջ նոցա մարդասիրութեամբ են պահում և դատաւորական իշխանութիւններին՝ ենթարկուած նոցա գործերը իւր ժամանակին են քննում և այլն... Եպիսկոպոսները նոյն իսկ վերահսկում էին դաւառների փոխանորդների գործունէութեան ձևին և եթէ վերջինները բնակիչներին ճշում էին, նոքա՝ մանաւանդ իրաւարարութեան մերժման դէպքում, պէտք է յայտնէին կայսրրին. եպիսկոպոսները նմանապէս հետամուտ էին լինում առհասարակ բոլոր դատաւորների և աստիճանաւորների գործունէութեան եղանակին: 10-րդ դարից յետոյ եպիսկոպոսներին և կրօնաւորներին<sup>2</sup> բարձր պալատական և պետական պաշտօններ յանձնելը բաւական սովորական երևոյթ էր դարձել: Բացի դրանից զահի ժառանգման համար օրինական հաստատուն կարգ չլինելու պատճառով և հարստութիւնների յաճախակի փոփոխման շնորհիւ՝ հոգևորականութիւնը և Պօլսի պատրիարքին գլուխ ունենալով՝ հնարաւորութիւն ստացաւ զօրեղ կերպով ազդելու կայսրների գահակալման վրայ, մանաւանդ երբ թեկնածուն ուղղափառ չէր լինում, այլ որ և է հերետիկոս:

4. Ընդհակառակը՝ պետութեան օրդանները պէտք է հսկէին եկեղեցական կարգապահութեան՝ օրէնք դարձած հրամանագրութիւնների կատարման վրայ: Յուստինիանոսի 6-րդ նովելլան, որ պարունակում է իւր մէջ հոգեւոր կարգապահութեան վերաբերեալ զանազան հրամաններ, ուղղուած էր ոչ միայն պատրիարքներին ի գիտութիւն և ի կատարումն, այլ և պրետորիանների պրեֆէկտներին և, որ աւելի ևս նշանաւոր է, 123-րդ նովելլան, որ կարելի է կանոնական իրաւունքի համառօտութիւն

1 Судебная власть.

2 Монахъ.

3 Дисциплина.

համարել (compendium juris canonici), ուղղակի պետական բարձր աստիճանաւոր Պետրոսին էր ուղղուած (magister sacrorum officiorum). որի վրայ պարտականութիւն էր դրուում հսկել այդ նովելլայի մէջ եղածի ընդհանուր կատարման վրայ: Իսկ 127-րդ նովելլայում, որ ուղղուած էր նոյն պետական աստիճանաւորին, դաւառական փոխանորդներին յանձնարարուած է՝ հետևել այդ նովելլայի մէջ եղած օրէնքների կատարմանը, որ վերաբերում են եպիսկոպոսների և առհասարակ հոգևորականների ձեռնադրութեանը. այսինքն թեկնածուի ընտրութեանը, նորա դէմ յայտնուած մեղադրանքների քննութեանը և այլն, — և առանձնապէս հսկել, որ մետրապօլիտները տարեկան ժողովներ դոււմարեն. այլ և քաղաքացիական վարչութիւններին ծանր պատիժ սպառնալով հրամայուած է՝ յորդորել մետրապօլիտներին և եպիսկոպոսներին ժողովներ կազմել. իսկ այդ յորդորանքների անյաջողութեան դէպքում յայտնել կայսրին: Պատրիարքական սինօդի նիստերին ներկայ էին լինում և պետական բարձր աստիճանաւորներ:

§ 4. Երանելի Օգուսինոսի աշխարհայեցողութիւնը իբրև սեսական հիմք միջին դարի հիերոկրատիկ սիստեմի:

Այն գաղափարը, թէ ինչպէս հոգին առաւել է մարմնից, ոգին նիւթից և երկնայինը երկրայինից, նոյնապէս էլ քահանայութիւնը թագաւորութիւնից, որ արեւելքում զանազան անձինք զանազան ժամանակներում և զանազան առիթով արտայայտած էին, 5-րդ դարի սկզբում ամբողջ սիստեմի վերածեց արևմտեան լատին եկեղեցու վարդապետ, Հիպոսի եպիսկոպոս (հիւսիսային



Ափրիկայում) երանելի Օգոստինոսը: Սորա աշխարհա-  
յեցողութիւնը շարադրուած է իւր զանազան գրուածք-  
ներում, գլխաւորապէս «Աստուածային թագաւորութեան  
մասին» հռչակաւոր գրուածքում (De civitate Dei): Այդ  
երկի 22 գրքերում Օգոստինոսը հետեւողական կերպով  
զուգնթացաբար առաջ է բերում երկու թագաւորութիւն,  
այն դուալիզմը, որը սկսուեց դեռ ստեղծագործութեան  
առաջին օրերում, երբ չար ոգիները բաժանուեցան բա-  
րիներից, և սկսած Ադամի որդիներից, Կայէնից և Աբե-  
լից, շարունակուեց մարդկային սեռի ամբողջ պատմու-  
թեան ընթացքում: Երկրային թագաւորութեան (civitas  
terrena) նպատակը միայն երկրային բարօրութիւնն է,  
ասում է նա. այդ նպատակին ձգտում է նաև ոչ քրիս-  
տոնեական պետութիւնը, որը միայն այդ չափով էլ քրիս-  
տոնեաներին իրեն հպատակեցնելու իրաւունք ունի, որով-  
հետև աստուածային թագաւորութիւնն էլ (civitas Dei)  
իւր երկրային արտայայտութեան մէջ կարիք ունի երկրա-  
յին թագաւորութեամբ ապահովուած խաղաղութեան:  
Բայց մի պետութիւն, որ միայն այդ նպատակին է ձրգ-  
տում, նոյնքան մեղանշական է, որքան առհասարակ իւ-  
րաքանչիւր մարդու բացառիկ ձգտումը դէպի միայն երկ-  
րային բարօրութիւնը: Այն պետութիւնը, որ ցանկանում  
է յենուել միայն իւր վրայ, անջատում է Աստուծոց,  
սուտ աստուածներին, դեւերին դերադատում է ճշմարիտ  
Աստուծոց, դառնում է սատանայի թագաւորութիւն (civi-  
tas diaboli), և այդպիսով չի կարող նոյն իսկ միայն երկ-  
րային նպատակին հասնել: Երջանկութեան (felicitas) և  
խաղաղութեան (pax) փոխարէն թագաւորում են միայն  
թշուառութիւններ (miseria) և կռիւ (bellum). պետու-  
թիւնը դառնում է մի աւազակային մեծ ընկերչակութիւն  
(magnum latrocinium). ուր բացակայում է ճշմարիտ աս-  
տուածապաշտութիւն, արդարութիւն և սէր դէպի մերձա-  
ւորը: Այդպիսի պետութեան մէջ չի կարող լինել ոչ մի  
առաքինութիւն, բացի այն կարծեցեալ կամ կեղծ առա-

քինութիւններից, որ էութեամբ փայլող արասներ են:  
Իւր իշխանութեանը չենթարկուելու համար, երկրային  
պետութիւնը պէտք է ծառայէ երկնայինին—եկեղեցուն.  
այսինքն իւր օրէնագրութեան և ամբողջ դարձուէութեան  
մէջ առհասարակ պէտք է համակերպուի եկեղեցու պա-  
տուէրներին, պէտք է արգելէ և պատժէ ինչ որ հակա-  
ռակ է աստուածային պատուէրներին և ամենից առաջ իւր  
ստիպողական միջոցները պէտք է դարձնէ կռապաշտու-  
թեան, հերետիկոսութիւնների և հերձուածների դէմ,  
որովհետև ստիպողական ոյժը այսպիսի դէպքերում բա-  
րիներին պահպանում է գայթակղութիւնից, տատանուող-  
ներին և անգէտներին խելքի է բերում, իսկ չարերին  
պատժում է: Հէնց այդ է թագաւորների կողմից՝ Աստուծուն  
ծառայելը, որպէս թագաւորների և ոչ թէ մասնաւոր  
մարդկանց. որովհետև թագաւորը Աստուծուն այլ կերպ է  
ծառայում, հասարակ մարդը այլ կերպ: Նոյն սկզբունք-  
ներին համաձայն պէտք է կառավարէ նաև քրիստոնեայ  
կայսրը. հակառակ դէպքում նորա պետութիւնը կլինի  
սատանայի թագաւորութիւն: Սակայն կայսրը չպէտք է իւր  
սեփական դատողութեամբ որոշէ, թէ որն է Աստուծու կամ-  
քը, այլ եկեղեցու կամ, ուրիշ խօսքով, եկեղեցին ներ-  
կայացնող քահանայութեան՝ ցուցմունքներով, որովհետև  
քահանայութեան ձեռքին են այն շնորհատու միջոցները,  
առանց որոնց ոչ ոք չի կարող փրկուել: Ուրեմն Աստուծու  
կամքը եկեղեցու կամքն է, իսկ եկեղեցու կամքը քահա-  
նայութեան կամքն է: Եթէ պետութեան օրէնքները հա-  
մաձայն են եկեղեցու պատուէրներին, այն ժամանակ  
հպատակները պէտք է հնազանդ լինին օրէնքներին, ինչ-  
պէս Աստուծու կամքին. որովհետև այդ դէպքում Քրիստոս  
ինքն է հրամայում կայսրի միջոցով: Իսկ եթէ ընդհա-  
կառակը կայսերական հրամանները հակառակ են եկեղե-  
ցու պատուէրներին, հետևապէս հակառակ են և աս-

1 Священство.

տուածային պատուիրանին, քրիստոնեան էլ չպէտք է հնազանդութի դրանց. որովհետեւ Աստու պատուիրանները բարձր են կայսերական օրէնքներից: Այսպիսով Օգուստինոսի սխառեմի մէջ աշխարհական իշխանութիւնը զըրկուում է ոչ միայն հոգևոր և նուիրական բնաւորութիւնից, այլ և այն ինքնուրոյն առաքելութիւնից (արդարութիւն հատուցանել և աստուածային աշխարհակալութեան օրգան լինել), որի մասին խօսել են առաքեալները. իսկ Աստու կամքը նոյնանում է քահանայութեան կամքին: Այն ժամանակ, երբ Օգուստինոսի գաղափարները հանդէս եկան, գեռ հնարաւորութիւն չունէին գործնական կերպով իրականանալու և կայսրներին ու թագաւորներին նուիրապետութեան հեղինակութեանը հպատակեցնելու. որովհետեւ հռովմէական կայսրութեան աւանդութիւնները աւելի զօրեղ էին, քան ս. հօր տեսական հայեացքները: Բայց այդ հայեացքները, որ Օգուստինոսը տրամաբանօրէն յօրինեց և պարզ կերպով ձևակերպեց, յետագայում միջին դարի մեծ պապերի համար ծրագիր դարձան. նորա ձգտում էին այդ իրագործել, որի համար ճարպիկ կերպով և նոյն իսկ հարկադրուած օգուում էին պատմական անցքերից: Օգուստինոսի հայեացքները այս մտքով դարձան «տիեզերական պատմութեան ասպարայ զարգացման տեսական հիմքը» (Niehues):

§ 5. Միջին դարի հիերոկրատիկ<sup>1</sup> սխեսմը:

Առեւմուտքի պատմական զարգացման առանձնայատկութիւնները, իսկ մանաւանդ երկու չափազանց կարևոր նշանակութիւն ունեցող պատմական հանգամանք հնարաւոր դարձրին նուիրապետութեան բարձրագոյն ներկա-

1 Երոկրатическій

յացուցիչների-Հռովմի եպիսկոպոսների-համար երանելի Օգուստինոսի կրօնա-քաղաքական գաղափարների իրականացումը: Այդ երկու անցքերից մէկը պապերի քաղաքական վեհապետութեամբ<sup>1</sup> եկեղեցական պետութեան<sup>2</sup> հիմնադրութիւնն է առանձին տերրիտորիումի (երկրի) սահմանում, և միւսը հռովմէական կայսրութեան վերականգնիլը նախ յանձին ֆրանկների թագաւոր Կարլոս Մեծի, իսկ յետոյ, Կարոլինգեան տան անկմամբ, յանձին գերմանական թագաւորների: Եկեղեցական պետութիւնը կազմուեց մասամբ հողերի այն բազմութիւնից, որ հնուց հռովմէական եկեղեցու սեփականութիւնն էին, իսկ գլխաւորապէս Իտալիայի այն մասից, որը իրաւունքով դուռնում էր Բիզանդիայի կայսրի ծայրագոյն իշխանութեան տակ (Ռավեննայի էկզարխատը), սօրանից նուաճել էին Լոմբարդացիք, իսկ սոցանից կրկին խել էր Պիպին Կարճահասակը և վերջը ընծայել էր Ս. Պետրոսին, այսինքն Հռովմէական եկեղեցուն: Հռովմի եպիսկոպոսը իւր սեփականութեան մէջ միապետ դառնալով՝ իրեն աւելի ամուր հողի վրայ էր զգում, քան այն գէպում, եթէ մի այլ միապետի հպատակ մնար: Հռովմէական կայսրութեան վերականգնումը կայսերական կոչմանը յատուկ այն գաղափարի հետ, թէ կայսրը պէտք է պաշտպան լինի ընդհանրական եկեղեցու (advocatia ecclesiae), նոյնպէս նպաստեց հիերոկրատիկ գաղափարի յաղթանակին: Եկեղեցու պաշտպանութեան գաղափարը ինքն ըստ ինքեան չպէտք է անհրաժեշտօրէն այդ հետևանքին հասցնէր. քանի որ մի եկեղեցա-պետական կարգը և այդ կարգի հիմքը-ընդհանրական հաւատը-պաշտպանում էին և քրիստոնեայ հռովմէական կայսրները, որոնք սակայն այդ գաղափարը իրագործում էին ինքնակալ<sup>3</sup> կերպով և ոչ թէ

1 Политическій суверенитетъ.  
2 Церковное государство.  
3 Самодержавный.

նուիրապետութեան հեղինակութեանը ենթարկուելով՝ Արևմուտքում հռովմէական վերականգնած կայսրութեան առաջին կայսրը, Կարլոս Մեծը, նոյնպէս հետևեց Կոստանդինի, Թէոֆոսի և Յուստինիանոսի օրինակին՝ պահելով իւր ձեռքում կայսրութեան թէ պետական և թէ եկեղեցական գործերի բարձրագոյն կառավարութիւնը՝ թէ պետական և թէ եկեղեցական կարգի գլուխ կանգնած էր կայսրը, որի վերաբերմամբ եպիսկոպոսները նոյնպիսի օգնականներ էին հոգևոր կառավարութեան շրջանում, ինչպէս կոմսերը՝ աշխարհական կառավարութեան. և Հռովմի եպիսկոպոսին աւելի բարոյական քան իրաւական՝ բարձրագոյն հեղինակութիւն էին տալիս: Պապը, նոյն իսկ որպէս Կարլոս Մեծի հօրից նորան շնորհուած տերրիտորիումի աշխարհական պետ, անկախ դիրք չունէր Կարլոսի նկատմամբ, որ կայսրութեան պետն էր: Բայց արդէն Կարլոս Մեծի անմիջական յաջորդների ժամանակ երևաց, որ միակ իրաւական հիմքը, որի վրայ կարող էր արևմտեան կայսրութիւնը հաստատել իւր օրինաւորութիւնը իւր ախոյեանների—արևելեան կայսրների—դէմ, որոնք կայսերական տիրոջը միմիայն իրենց բացառիկ սեփականութիւնն էին համարում, պապի ձեռքով օժուելն ու թագադրուելն էր: Մինչդեռ հռովմէական կայսրների իշխանութիւնը յեռուում էր հռովմէական պատմութեան դարաւոր աւանգութիւնների վրայ, որ անկախ էին եկեղեցուց և այդ եկեղեցու վրայ դրել էին հին—հռովմէական նուիրական իրաւունքի կնիքը, արևմտեան կայսերական իշխանութիւնը առաջ էր եկել եկեղեցուց: Միայն եկեղեցուց ստացած օժման և կայսերական թագադրութեան շնորհիւ ֆրանկների Կարլոս թագաւորը կայսերական իշխանութիւն ստացաւ. գաղափարով մի նոյնքան համաշխարհային իշխանութիւն, որքան համաշխարհային էր այն եկեղեցին, որի պաշտպանութիւնը կայսրի կոչումն

1 Юридическій.

էր: Թէպէտ 10-րդ դարում և 11-րդի սկզբում հռովմէական եկեղեցին խոր անկման մէջ էր և կայսրները, ինչպէս Օտտոն 1-ը և Հենրիխ 3-րդը, կարողացան մի առժամանակ եկեղեցու նկատմամբ Կարլոս Մեծի դիրքը բռնել, սակայն 11-րդ դարի երկրորդ կիսից սկսած եկեղեցա-պետական յարաբերութիւնները արևմուտքում ուղղակի հիէրոկրատիկ ուղղութիւն ստացան: Այդ ուղղութիւնը Գրիգոր 7-րդ Հիլդեբրանդ պապի ամբողջ գործունէութեան եղանակի հիմք դարձաւ, տեսականապէս պաշտպանուեց միջին դարի գիտութեան մէջ և Բոնիֆացիոս 8-րդ պապի նշանաւոր հրովարտակում (Unam Sanctam Բուլլայում. 1302 թ.) ստացաւ օրէնսդրական արտայայտութիւն: Այդ հրովարտակով եկեղեցին (իսկ եկեղեցի ասելով պէտք է հասկանանք համաշխարհային և մի եկեղեցա-պետական կարգը) ունի մի Տէր, մի հաւատ, մի մկրտութիւն և մի տեսանելի գլուխ, որը Քրիստոսի ներկայացուցիչն է և Պետրոսի յաջորդը: Նորա ձեռքում են այն երկու սուրբ, որոնց մասին խօսում է Աւետարանը (Ղուկ. ԻԲ, 34 և շար.) և որոնցով պէտք է հասկանանք հոգևոր սուր (gladius spiritualis) և աշխարհական կամ նիւթական սուր (gladius materialis): Բայց պապը անմիջապէս իրագործում է միայն հոգևոր սրի, այսինքն բանի՝ իշխանութիւնը, իսկ նիւթական սուրը պապից յանձնուում է աշխարհականներին և գործադրում է նորա հրամանով ի պաշտպանութիւն եկեղեցու թագաւորների և զինուորների ձեռքով: Վերջին սուրը պէտք է ենթարկուի առաջինին և աշխարհական իշխանութիւնը հոգևոր իշխանութեանը հոգևոր իշխանութիւնն է նշանակում աշխարհական իշխանութիւնը և դատում, եթէ նա ուղիղ ճանապարհից շեղուել է. և առհասարակ իւրաքանչիւր մարդ արարածի Հռովմի քահանայապետին ենթարկուած լինելը հաւատի մի դողմայ է, որ անհրաժեշտ է հոգու փրկութեան համար:—Երկու սրերի տեսութիւնից, ինչպէս որ այդ հասկացուել և պաշտպանուել է հիէրոկրատիկ տեսակէտից, հե-

տեւեցնում էին հետեւեալ մասնակի եզրակացութիւնները:

1) Պապերը ամբողջ աշխարհի վրայ ծայրագոյն իշխանութիւն ունեն և կայսրներն ու թագաւորները, ինչպէս առաքելական աթոռի վաստակներ, նոցանից են ստանում աւատական իրաւունքով իրենց տերրիտորիումները. այնպէս որ ուրեմն ոչ միայն հոգևոր, այլ և աշխարհական գործերում աշխարհական իշխանութիւնը ենթարկուած է պապին: Աւելի ուշ, երբ ֆէոդալական կաղմակերպութիւնն ընկաւ և թագաւորների իշխանութիւնը զօրացաւ, հիէրոկրատիկ հայեացքի կողմնակիցները աշխարհական գործերի մէջ պապի ունեցած այդ «անմիջական» իշխանութեան (potestas directa) փոխարէն սկսեցին, այսպէս անուանուած, «միջնորդական» կամ «կողմնակի» իշխանութեան մասին խօսել (potestas indirecta), պաշտպանելով, թէ պապը իշխանութիւն ունի իւր քրիստոսեան և դատաստանին ենթարկել ամեն տեսակ աշխարհական գործեր, որքան դրանց մէջ մեղքի տարր է լինում:

2) Ընդհակառակը՝ աշխարհական իշխանութիւնը եկեղեցու կառավարման գործերին խառնուելու, միջամուխ լինելու իրաւունք չունի. օրինակ՝ ժողովներ գումարել, եկեղեցական պաշտօնեաներ նշանակել, կղերին աշխարհական դատաստանի ենթարկել և այլն. այն էլ հոգևոր (եկեղեցական) և ոչ հոգևոր գործերի սահմանը բացառապէս հոգևոր իշխանութեան հայեցողութեամբ պէտք է որոշուի:

3) «Այս աշխարհի իշխանութիւնը» պետական իշխանութիւնը (saeculum) կարող է բարոյապէս արգարանալ և սրբագործուել մի միայն եթէ իւր ոյժերը և միջոցները եկեղեցուն ծառայելու համար գործ դնէ՝ որպէս եկեղեցու հրամանները կատարող աշխարհական ձեռք և մկանունք (brachium saeculare), որ շարժոււմ են եկեղեցու կանքով: Աշխարհական իշխանութիւնը լուսաւորում է ոչ թէ սեփական լուսով, այլ փոխառած. այնպէս, ինչպէս երկու լուսաւոր մարմիններից-արեւից և լուսնից, որ Աս-

տուած դրել է երկնքի հաստատութեան վրայ, վերջինը իւր լոյսը փոխ է առնում առաջինից:

4) Այն օրէնքները, որ դրել է աշխարհական իշխանութիւնը հակառակ եկեղեցական պահանջներին, պապը կարող է բեկանել, ինչպէս անվաւեր<sup>2</sup> բաներ:

5) Բացի դրանից այն աշխարհական իշխանութիւնը, որի ներկայացուցիչը չէ կատարում եկեղեցու պահանջները, պապի հայեցողութեամբ կարող է մի ուրիշ տրուել. այնպէս որ կայսրը կամ թագաւորը, եթէ ուղիղ ճանապարհից շեղուել են, կարող են իրենց պաշտօնից զրկուել. իսկ նոցա հպատակները կազատուին նոցա տուած հաւատարմութեան երգումից:

Այս բոլորից երևում է, որ հիէրոկրատիկ սիստեմը բիւզանդականի նման՝ եկեղեցին պետութիւնից չէր տարբերում ինչպէս առանձին համախմբութիւններ, <sup>5</sup> կեանքի առանձին կարգեր. այլ մի մեծ համաշխարհային համախմբութեան մէջ հոգևոր և աշխարհական իշխանութիւններ էր որոշում. այդ համախմբութիւնը տեսականօրէն ընդգրկում էր ոչ միայն բոլոր քրիստոնեաներին, այլ և ամբողջ մարդկութիւնը՝ աշխարհական իշխանութիւնը հոգևոր իշխանութեան համար մի ստորագրեալ գործիք համարելով:

§ 6. Հիէրոկրատիկ հայեացքների դէմ եղած ընդդիմադրութիւնը միջին դարում:

Պապականութեան և կայսրութեան միջնադարեան կռիւների ժամանակ կայսերական իշխանութիւնը իրեն

1 Кассировать.

2 Недѣйствительный.

3 Общение.

կողմնակիցներ գտաւ ոչ միայն Գիրելեաններ ըստ զարա-  
կան կուսակցութեան, այլ և ժամանակի եկեղեցական  
գրականութեան ներկայացուցիչների մէջ: Միջնադարեան  
հեղինակների մի մասի ձայնը ձիշտ նոյն կերպ բարձրա-  
ցաւ կայսերական իշխանութիւնը պապական իշխանու-  
թիւնից գերազանց պահելու համար, ինչպէս որ միւս  
մասը պապական իշխանութեանն էր տալիս այդ գերա-  
զանցութիւնը: Սակայն կայսերական իշխանութեան կող-  
մնակիցներն էլ մնացին մի քրիստոնէական եկեղեցա-պե-  
տական կարգի նոյն հոգի վրայ, միայն թէ այդ երկու իշ-  
խանութիւնների յարաբերութիւնը ձևակերպում էին հա-  
կառակ հիերոկրատիկ սիստեմին և յօգուտ կայսրի: Իրենք  
կայսրները, հէնց որ իրականութիւնը հնարաւոր էր  
գարձնում իրագործելու կայսերական ձևակերպութիւնը,  
գործում էին նոյն եղանակով, ինչ եղանակով որ գործում  
էին պապերը: Պապը գահընկէց էր անում կայսրին եկե-  
ղեցական հրամաններին անհնազանդ լինելու համար և  
իրեն տէր էր յայտարարում կայսերական թագի, որ կարող  
է տալ ուժ և կամենայ (ինչպէս որ Գրիգոր 7-րդը Հեն-  
րիխ 2-րդի և Յովհաննէս 22-րդը Լուդովիկոս Բաւարացու  
հետ վարուեցին): Իսկ կայսրները գահընկէց էին անում  
պապին հերետիկոսութեան համար՝ իրենց իրաւունք հա-  
մարելով Հռովմի աթոռը տնօրինել ըստ իրենց հայե-  
ցողութեան: Բայց ոչ պապը, ոչ կայսրը և ոչ այս կամ  
այն իշխանութեան կուսակիցները չէին կասկածում, որ  
եկեղեցին և պետութիւնը կազմում են մի մարմին, և ինչ  
որ եկեղեցին դատապարտում է՝ պետութեան մէջ էլ  
գոյութիւն ունենալու իրաւունք չունի: Մի և նոյն ժամա-  
նակ անկասկածելի էր համարուում, որ աշխարհական իշ-  
խանութիւնը կառավարում է հպատակների միայն մար-  
մինը, իսկ հոգին կառավարում է հոգեւոր իշխանութիւնը:  
Հասկանալի է, որ միջնադարեան աշխարհայեցողութեան  
այս անհաշտ հակասութիւնների պատճառով կայսերական  
իշխանութիւնը պէտք է տուժէր պապի հետ ընդհարուե-

լիս. որովհետև միջին դարերի կրօնամուտ տրամադրութեան  
շնորհիւ Իննսկենտիս 3-րդ պապի հետևեալ խորհրդա-  
ծութիւնը պէտք է անհամեմատ աւելի համոզիչ հանդի-  
սանար, քան այն բոլոր ազացոյցները, որ խօսում էին  
յօգուտ կայսրների գերազանցութեան: Ահա այդ խորհր-  
դածութիւնը. «Հոգեւորը նոյնքան ազնուագոյն է անցա-  
ւորից, որքան հոգին գերազանց է մարմնից» (Spiritualia  
tanto sunt temporalibus digniora, quanto animus praefertur  
corpori): Մանաւանդ որ միջին դարը շատ նեղ հասկացո-  
ղութիւն ունէր աշխարհական կամ պետական իշխանու-  
թեան նպատակների մասին, և նորա գործունէութեան  
չըջանը սահմանափակում էր միայն արտաքին թշնամի-  
ների դէմ պաշտպանելու և ներքին կարգը պահպանելու  
գերով: Աւելի բարձր կարգի բոլոր ինդիքներն և շահերը  
(գիտութիւն, գեղարուեստ, բարեգործութիւն), նոյն իսկ  
արդիւնագործութեան և վաճառականութեան շահերը, մէկ  
խօսքով այն բոլորը, ինչ որ արդի հասկացողութիւնը պե-  
տութեան մասին՝ դնում է սորա հոգացողութեան շրջանի  
մէջ, միջին դարում ոչ թէ աշխարհական կայսերական, այլ  
հոգեւոր իշխանութիւնից էր պաշտպանութիւն գտնում,  
կամ մշակում էր ինքնօրէն ընկերակցութիւնների՝ ձեռքով  
(գիլդերի և համբարների). ինչպէս օրինակ վաճառականու-  
թիւնն ու արդիւնագործութիւնը: Հոգեւոր իշխանութիւնը  
ունենալով համեմատաբար աւելի բարեկարգ դատարան՝  
աշխարհական իրաւարարութեան պակասները լրացնում էր.  
որովհետև հոգեւոր իշխանութեանն էին դիմում երբ աշ-  
խարհական դատարանները հրաժարում էին իրաւարարու-  
թիւնից: Միջին դարերի պատմութեան մէջ ամենից աւելի  
նշանաւոր է այն փաստը, որ պապականութիւնը յարատև  
և սիստեմօրէն կռիւ էր մղում ոչ թէ թագաւորների և  
թագաւորութիւնների դէմ, այլ գերմանական ազգի սըր-  
բազան հռովմէական կայսրութեան դէմ: Պատճառն այն

1 Корпорация.

էր, որ կայսրութիւնը նոյնպէս թեկնածում էր համաշխարհային և գլուխ լինել ամբողջ քրիստոնէական մարմնի համար, ինչպէս որ պապականութիւնը, և հետևապէս sacerdotium-ի և imperium-ի, երկու բարձրագոյն իշխանութիւնների կամ այդ մարմնի պետերի մէջ ծագած կուում՝ պապը կայսրին պէտք է իրեն հակառակորդ տեսնէր։ Պապը ցանկանում էր թագաւորական թագերը բաժանել իբրև աւատ.<sup>1</sup> Բայց կայսրն էլ միջնադարեան տեսութեամբ ներկայանում էր գերագոյն աւատատէր<sup>2</sup> միւս թագաւորների նկատմամբ, որոնք իւր վերաբերմամբ դաւառական թագաւորներ էին կոչուում (reges provinciales)։

Վեռ 1338 թ. կարելի էր գիտել այն հետաքրքրական տեսարանը, երբ Անգլիայի Էդուարդ թագաւորը եկաւ Վերմանիա Լուդովիկոս Բաւարացու մօտ, և վերջինս իւր համաշխարհային իշխանութեան հիման վրայ՝ «չնորհեց» նորան Ֆրանսիական թագաւորութիւնը, որին թեկնածում էր անիրաւացի կերպով Վալուեան Փիլիպպոսը», Էդուարդին Ֆրանսիայում «կայսրութեան ներկայացուցիչ» նշանակեց և աւատական երդում առաւ նորանից (Huldigung)։ Ինքն ըստ ինքեան հասկանալի է, որ այդ «չնորհումը» Էդուարդի և Փիլիպպոսի դիրքը մի մազի չափ էլ չէր փոխում. բայց տեսութեանը պատիւ արուեց։ Նոյն իսկ 15-րդ դարում ժամանակի գերմանացի քաղաքագէտը գրում էր. «Ներկայումս թագաւորների մեծ մասը, աւելի de facto, քան de jure, կայսրին գլուխ չէ ճանաչում և գրաւում է կայսրութեան բարձր իրաւունքները»։ Վերմանական իրաւաբանները այնպէս էին դատում, թէ կնթաղութիւնը (պրեսումցիօ) խօսում է յօգուտ՝ ժողովրդի և թագաւորների գերմանական կայսրից կախումն ունենալուն, և թէ ով որ հաստատում է հակառակը, պէտք է բացառութիւնը ապացուցանէ։

Իրօք «գաւառական թագաւորները», առանց համաշխարհային իշխանութեան թեկնածելու, իրենց սահմաններում կայսրից աւելի ազատ էին գործում, և աւելի կամ պակաս յաջողութեամբ պահպանում էին թագաւո-

1 Лень.  
2 Суверень.

րական իշխանութեան իրաւունքները հիերոկրատիկ յաւակնութիւններից։ Միւս երկրներից վաղ այդ յաւակնութիւններին դիմադրութիւն ցոյց տուին Անգլիայում, ուր Հենրիխ 2-րդ թագաւորի օրով Կլարենդոնում 1164 թ. գումարուած ժողովում հոգեւորականութեան վրայ եղած եկեղեցու իրաւասութիւնը՝ բաւական սահմանափակեցին, բարձրաստիճան հոգեւորականների կալուածները թագաւորական աւատ յայտարարեցին, եպիսկոպոսների ընտրութիւնները հրամայեցին թագաւորի մօտ սորա բարոնների մասնակցութեամբ կատարել, բարձրաստիճան հոգեւորականների արտասահման ճանապարհորդելու և Հռովմ բողոք յայտնելու, նոյնպէս և թագաւորի անմիջական վաստաւներին և աստիճանաւորներին եկեղեցուց մերժելու համար պարտադիր հրամայեցին թագաւորից թոյլտուութիւն ստանալ։ Կլարենդոնի կանոնադրութիւնը առիթ եղաւ թագաւորի և Թովմաս Բեկետ արքեպիսկոպոսի ընդհարմանը, վերջինիս սպանումը, որ տեղի ունեցաւ աստուածապաշտութիւն կատարելիս, խիստ փլասեց թագաւորին։ Մեղադրուելով այդ սպանութեան գրգռման մէջ և Հռովմի կողմից բանադրանքի (ինտերդիկտ) սպառնալիք ստանալով՝ թագաւորը ստիպուած եղաւ խոնարհուել, և շուտով դրանից յետոյ Յովհաննէս Անհօղը յայտնեց պապի լեգատին (1213 թ). որ նա իւր թագաւորութիւնը — Անգլիան և Իրլանդիան — ապաւինէ պապին և նորա յաջորդներին իբրև սեփականութիւն, միայն թէ ինքը այնուհետև իբրև վաստաւ տիրապետէ այդ թագաւորութիւններին. այլ և պարտաւորուեց ամեն տարի պապին հարկ վճարել և հաւատարմութեան երդում տուեց։ Աւելի հաստատ յաջողութեամբ գործեց հիւսիսում, Սկանդինաւիայում, Նորվեգիայի Սվերրիւր թագաւորը (12-րդ դարի վերջում). սա պաշտպանեց Հռովմի դէմ հոգեւորականութեան վրայ եղած թագաւորի իրաւասութիւնը և երկրի

1 Юрисдикція

եկեղեցական գործերի վրայ եղած թագաւորական իշխանութիւնը, թէպէտ նորան մերժեցին և բանադրեցին՝ Աւելի մեծ յաջողութեամբ, այն էլ սիստեմօրէն գործեցին Պրանսիայի թագաւորները՝ Պրանսիայում Հռովմի դէմ կռիւը սկսուել էր Փիլիպպոս Գեղեցիկ թագաւորից՝ որը ցանկանում էր հակառակ պապական արգելքի հոգևորականութեան վրայ էլ միւս գասակարգերի նման հարկեր դնել, և վերջացաւ պապականութեան վճռական պարտութեամբ։ Չնայելով որ վերոյիշեալ (տես § 5) Unam Sanctam հրովարտակը (բուլլան) ուղղուած էր եղել առանձնապէս Փիլիպպոս Գեղեցիկի դէմ, բայց և այնպէս Բոնիֆացիոս 8-դի յաջորդ Կլիմենտ 5-դը, որ պապական աթոռը Հռովմից Սվինիոն փոխադրեց և Պրանսիայի թագաւորի քաղաքական ծրագիրները գործիք դարձրեց, «Meruit» հրովարտակը (բրեւէ) արձակեց. այս հրովարտակում Պրանսիան, Փրանսիական ժողովուրդը և թագաւորը բացառութիւն են յայտարարուում այն դողմայի նկատմամբ, որ Unam Sanctam բուլլայի մէջ էր արտայայտուած և որով իւրաքանչիւր մարդ արարած յաւիտենական փրկութիւնից չզրկուելու համար պէտք է հնազանդուէր պապին։ Պրանսիան (յատկապէս Փարիզի համալսարանը) եղաւ Հռովմի դէմ սկսուած եպիսկոպոսականութեան շարժման<sup>1</sup> գլխաւոր բոյնը։

1 Այս շարժումը (episcopale движение) սկսուեց 15-րդ դարում, որպէս մի ընդգրկմադրութիւն պապի միահեծանութեան դէմ։ Այս ընդգրկմադիր կանոնական տեսութեան համաձայն (որ գործնականապէս արտայայտուեց Պիզայի, Կոնստանցի և Բազիլի եկեղեցական համագումար ժողովներում) եկեղեցու ծայրագոյն իշխանութիւնը համագումար ժողովին է պատկանում, որ իրաւունք ունի պապին խրատելու, պատժելու և դաճնելու անելու. պապը—եկեղեցու գործադիր գլուխն է, եկեղեցու միութեան կէտրոնը և հսկող ժողովից սահմանուած կանոնները գործադրութեանը. համագումար ժողովն է համայն եկեղեցու ներկայացուցիչը. պապը սրա հրամանատար օրգանն է, որի կարգադրութիւնների դէմ կարելի է բողոքել նոյն ժողովին։ Մ. Խ.

ւոր բոյնը։ Նոյն Պրանսիայում Բազիլի ժողովի (1431—37) ազատամիտ հրովարտակները հրատարակուեցին իբրև թագաւորական օրէնք կարլոս 7-րդ թագաւորի «Պրագմատիկ սանկցիայ»-ի անունով, և, շնորհիւ թագաւորական իշխանութեան և Փրանսիական նուիրապետութեան մէջ եղած համերաշխութեան՝ հնարաւոր եղաւ շատ ազգային առանձնայատկութիւններ և կարգեր կազմակերպել, որ «Գաղղիական եկեղեցու ազատութիւններ»-ի<sup>1</sup> անուն ստացան։ Երկրի եկեղեցական կառավարութեան մէջ թագաւորին ազատ մասնակցութիւն տալուց և մի և նոյն ժամանակ պապի՝ այդ կառավարութեան վրայ ունեցած կողմնակի (նուիրակների միջոցով) և անմիջական ազդեցութիւնը սահմանափակելուց յետոյ, «Գաղղիական ազատութիւնների» մէջ յիշատակուած էր իբրև մի անխախտ ճշմարտութիւն, որ Պրանսիայի թագաւորները աշխարհական գործերի մէջ անկախ են պապից, որ թագաւորի հպատակները չեն կարող ազատուել թագաւորին տուած հաւատարմութեան երդումից, որ թագաւորական աստիճանաւորները թագաւորի կարգադրութիւնները կատարելու համար չեն կարող մերժուել եկեղեցուց, որ առհասարակ քաղաքացիական գործերի նկատմամբ եկեղեցական մերժում թոյլ չէ տրուում, որ պապը իրաւունք չունի օրինաւոր դարձնել ապօրինի ծնուածներին<sup>2</sup> քաղաքացիական իրաւունքի<sup>3</sup> հետեանքներով և վերականգնել այն մարդկանց պատիւը, որոնք քաղաքացիական անուանարկութեան են ենթարկուած և այլն։ 15-րդ դարում Սպանիայում էլ թագաւորները՝ գործելով խիստ կաթոլիկ, նոյն իսկ ուլտրակաթոլիկ ոգով, աւելի դարհուրելի հաւատաքննու-

1 Libertés de l'église gallicane: «Գաղղիական» էր կոչուում Փրանսիական ազգի կաթոլիկ եկեղեցին, որ որոշ չափով անկախ գիրք դրուեց Հռովմի եպիսկոպոսի նկատմամբ և իւր վայելած «ազատութիւնների» շնորհիւ մասամբ ազգային բնաւորութիւն ունէր։ Մ. Խ.  
 2 Незаконнорожденный.  
 3 Гражданское право.

Թիւն կազմակերպելով քան այլ երկրներում, մի և նոյն ժամանակ Հռովմի նկատմամբ անկախ դիրք բռնեցին և իրենց իշխանութեամբ կարգաւորում էին երկրի եկեղեցական գործերը: Վերջապէս նոյն իսկ Գերմանիայում՝ կայսերական դահլը տնօրինելու յաւակնութիւններին, որ յայտնել էր Յովհաննէս 22-րդ պապը, հակառակեցին գերմանական կայսր ընտրող իշխանները (կուրֆիւրստները). սորա Բենդի ժողովում վճռեցին, որ միաձայն կամ իրենց (կուրֆիւրստների) ձայների բազմութեամբ ընտրուած գերմանական թագաւորը (որ է նաև գերմանական ազգի հռովմէական սրբազան պետութեան կայսր) կարօտ չէ պապի անուանագրութեան, հաստատման կամ հաւանութեան՝ կայսերութեան ունեցուածքները և իրաւունքները տնօրինելու և թագաւորական տիրոջ ընդունելու համար: Բայց այս քիչ է: Կայսերական իշխանութեան ուժասպառ լինելը պապականութեան դէմ վարած մշտատև կռիւների մէջ, մանաւանդ Հոհենշտաուֆէնների տան անկումից յետոյ, Գերմանիայում նպաստեց տեղական իշխանութիւնների, այսինքն կայսերական քաղաքների և հոգևոր ու աշխարհական իշխանների, զօրեղանալուն. այնպէս որ 16-րդ դարում այդ տեղական իշխանութիւնները իրօք անկախ էին դառել կայսրից, որին դրեթէ լսի տիրոջն էր մնացել՝ զուրկ իրական բովանդակութիւնից: Գերմանիայի եկեղեցապետական յարաբերութիւնների համար այս փաստը խիստ կարևոր նշանակութիւն ունեցաւ: Այժմ իւրաքանչիւր տեղական իշխանութիւն (Landesherr) յաւակնութիւն յայտնեց ձեռք բերել եկեղեցին պաշտպանելու (advocatia ecclesiae) այն իրաւունքը, որ տիեզերական եկեղեցու վերաբերմամբ վայելում էր կայսրը, և որ այժմ տեղական իշխանութիւնների համար նոցա երկրների սահմաններում յարմար ճանապարհ բաց արեց իշխելու նոյն երկրի եկեղեցիների և վանքերի վրայ: Սորա հետ միասին պետական իշխանութեան նպատակներին վերաբերեալ հայեացքների մէջ 15-րդ դարում բաւական

մեծ փոփոխութիւն է նկատուում. սկսում է քաղաքավարական<sup>1</sup> (ներքին կառավարութեան) օրէնսդրութիւնների հրատարակութիւնը, որով պետութեան նպատակները այլ ևս չեն սահմանափակուում միայն հպատակներին արտաքին թշնամիներից պաշտպանելու և պետութեան ներքին իրաւական կարգը և խաղաղութիւնը պահպանելու գործով, այլ ստանում են դրական բնաւորութիւն՝ հոգալ քաղաքացիների<sup>2</sup> բարեկեցութեան և բարի բարքերի մասին: Որովհետև միջին դարի վերջում եկեղեցական կեանքը տառապում էր անտանելի անկարգութիւններից, որ եկեղեցու թէ գլխի և թէ անդամների վերանորոգման կարիք առաջ բերեց, ուստի իշխանները՝ տեսնելով, որ եկեղեցական օրգանները անհոգ կերպով են կատարում իրենց պարտականութիւնները, պէտք է սրանց լրացնէին և փոխանակէին: Օրինակ. Սաքսոնիայի կուրֆիւրստները իրաւունք և պարտք համարեցին իրենց երկրի վանքերը այցելել և բարենորոգել, կատարել այն բոլորը, ինչ որ անհոգութեան պատճառով հոգևոր իշխանութիւնը չէր անում. այն էլ այցելութիւնները անել ոչ թէ փչացած հոգևորականութեան, այլ բարեպաշտ և եռանդուն աշխարհականների միջոցով: Jus reformandi—«բարենորոգելու իրաւունք»<sup>3</sup> ասածը, որ վերանորոգութեան ժամանակ կաթոլիկ եկեղեցու համար մի անսպասելի դարկ ստացաւ, նախավերանորոգչական և կաթոլիկական ծագում ունի. ինչպէս և դեռ կուրֆերի վերանորոգութիւնից առաջ երե-

1 Полицейский.

2 Гражданинъ.

3 Միջին դարի վերջում այսպէս կոչում էր կաթոլիկ պետական կառավարութեան իրաւունքը՝ բարեկարգել իւր երկրի կրօնական, եկեղեցական գործերը, Իսկ կրօնական վերանորոգութեան (ռեֆորմացիո) շրջանում այդպէս կոչում էին աշխարհական (պետական) իշխանութեան իրաւունքը և պարտականութիւնը՝ Աւետարանի ճշմարիտ իմաստի համաձայն կարգի բերել ժողովրդի կրօնական կեանքը: Մ. Խ:



ւան էին եկել այն հանդամանքները, որոնց շնորհիւ կազմուեց աւածը dux Cliviae est papa in terris suis («կլիվէ հերցոգութեան գլուխը պապ է իւր երկրում»)։ Այս բոլոր հանդամանքները Գերմանիայում հեշտացրին նոր եկեղեցա-պետական կարգի հաստատուիլը, որի համար հիմք ծառայեցին 16-րդ դարի սկզբի գերմանական և գլխեքական վերանորոգիչների (ռեֆորմատոր) գաղափարները։

§ 7. Կրօնական վերանորոգութեան (ռեֆորմացիո) գաղափարների ազդեցութիւնը եկեղեցա-պետական յարաբերութեան վրայ։

16-րդ դարի վերանորոգիչները յենում էին եկեղեցա-պետական համախմբութեան միութեան միջնադարեան գաղափարի վրայ։ Վերանորոգութեան ժամանակ, ինչպէս և միջին դարում, բոլորն էլ խօսում էին եկեղեցու և պետութեան մասին՝ ոչ իբրև երկու առանձին համախմբութիւնների, այլ իբրև մի քրիստոնէական համախմբութեան կամ մարմնի մասին, որ ունի երկու իշխանութիւն կամ երկու սուր (Լութերն ասում էր. «Christus hat nicht zwei noch zweierlei Art Körper einen weltlichen, den andern geistlich. Ein Haupt ist und einen Körper hat Er») <sup>1</sup>։ Բայց երկու սրերի յարաբերութիւնը արդէն բոլորովին այլ կերպ էր ներկայանում համեմատած կաթոլիկականի հետ։ Աշխարհական իշխանութիւնը չէր հակադրուում հոգևորին՝ ինչպէս ստորինը բարձրին, որովհետև քրիստոնէութեան բոլոր անդամները հաւասար հոգևոր բնակարանութիւն ունեն. հետևապէս աշխարհական իշխանութիւնն էլ քրիստոնէական մարմնի անդամ է՝ նոյնքան հոգևոր, որքան, այդպէս անուանուած, հոգևոր

<sup>1</sup> «Քրիստոսը երկու կամ երկու տեսակ մարմին չունի՝ մէկը աշխարհական միւսը հոգևոր։ Մի գլուխ է և մի մարմին ունի նա»։

իշխանութիւնը։ Հոգևոր և աշխարհական իշխանութիւնները տարբերում են միմեանցից ոչ թէ իրենց հոգևոր և ոչ հոգևոր բնակարանութեամբ, այլ կոչուածով կամ պաշտօնով։ Աշխարհական իշխանութիւնը միայն մարմնի վրայ չպէտք է հոգս տանի (corpora tueri, ինչպէս ասում էր Մելանխտոնը), որովհետև այդ դէպքում նա ուղղակի անասունների հօտի հովիւ կլինէր։ Երկու իշխանութիւնների ոչ խնդիրներն են տարբեր, ոչ էլ նպատակները. վերջնական կէտ-նպատակը մի և նոյնն է՝ փառաբանել Աստծուն (ut Deus glorificetur).—տարբեր են այն պաշտօնային <sup>1</sup> գործառնութիւններն ու միջոցները, որ տանում են դէպի այդ նպատակը։ Հոգևոր պաշտօնը գործում է աստուածային խօսքի քարոզով և խորհրդակատարութիւնով, առանց յաւակնութեան՝ որ և է աշխարհական գործ կատարելու կամ ստիպողական իշխանութիւն ունենալու. իսկ աշխարհական իշխանութիւնը հէնց ուղղակի Աստծուց առաքելութիւն է ստացել նիւթական սուրբ, իրաւական իշխանութիւնը և մարմնական ստիպողութիւնը անորինելու։ Խօսելով աշխարհական իշխանութեան մասին, վերանորոգիչները ի նկատի ունէին ոչ թէ կայսրին, որպէս գերմանական կայսրութեան համաշխարհային իշխանութիւն, այլ տեղական իշխանութիւնները, այսինքն իշխաններին և կայսերական քաղաքների իշխանութիւնները։ Այժմ Լութերի վարդապետութիւնը ընդունող իշխանութիւնների ձեռքում՝ jus reformadi-ն սկսում է ծառայել եկեղեցական գործերը այդ վարդապետութեան օգով կարգաւորելու և նոյն վարդապետութիւնը ստիպողական կերպով հպատակների մէջ տարածելու նպատակին. որովհետև վարդապետութեան միութեան պաշտպանութիւնը, ինչպէս Լութերը գրում էր Սաքսոնիայի կուրֆիւրստին, պատկանում է աշխարհական իշխանութեան հոգացողութեանը։ Աշխարհական իշխանութիւնը պէտք է

<sup>1</sup> Должностной.

հսկէ, որ այդ վարդապետութեան առթիւ հպատակներէ մէջ վէճեր, երկպառակութիւններ և խռովութիւններ առաջ չգան, ինչպէս որ գործում էր մի ժամանակ Կոստանդին կայսրը: Այսպիսով եթէ դեռ միջին դարի վերջում նկատելի էր, որ պետական իշխանութեան խնդիրների և նպատակների մասին եղած հասկացողութիւնները փոփոխութեան են ենթարկւում, վերանորոգչական գաղափարներն դրանց նկատմամբ արդէն կատարեալ յեղաշրջում առաջ բերին: Աշխարհական իշխանութիւնը պէտք է հոգ տանի պետութեան հասարակութեան բոլոր կարիքների մասին և առանձնապէս վարդապետութեան մաքրութեան, կանոնաւոր աստուածապաշտութեան և հպատակների հոգիների փրկութեան մասին: Նոյն հայեացքն ունէին և զվիցերական վերանորոգիչները: Կազմակերպուեցին այսպէս կոչուած Landeskirchen (երկրի եկեղեցիներ), այսինքն իւրաքանչիւր առանձին երկրի (տերրիտորիումի) մէջ պետական մարմինը ձուլուեց որոշ դաւանութեան հետ՝ կաթոլիկ իշխանների երկրներում կաթոլիկ դաւանութեան հետ, վերանորոգչական շարժումով համակուած երկրներում բողոքական կամ վերանորոգչական դաւանութեան հետ, տեղ չտալով այլ դաւանութիւնների բացի նոյն երկրում տիրապետող դաւանութիւնից: Միևնոյն ժամանակ աւետարանական տերրիտորիալ իշխանութիւնը՝ անմիջապէս Աստուծոց համարելով իւր իշխանութիւնը և յենուելով այն մտքին, թէ իւր պաշտօնը թերի կատարելու համար Աստուծու առաջ սեփական պատասխանատուութեան է ենթարկուելու, եկեղեցական գործերը վերից վար կարգաւորում էր և խնամակալում քրիստոնէական կեանքը, վերացնելով ինքնօրէն՝ համայնական կազմակերպութեան հնարաւորութիւնը, չնայելով որ վերանորոգչութեան անդրանիկ սկզբունքներում հաւատացեալների համայնքը առաջնակարգ տեղ էր բռն-

1 Автономный.

նում: Եթէ իշխանութիւնը երբեմն անհրաժեշտութիւն էր զգում աստուածաբանների կարծիքը հարցնելու, այս դէպքում սորա ոչ թէ եկեղեցու և եկեղեցական իշխանութեան ներկայացուցիչ էին համարուում, այլ իբրև գիտակ մարդիկ իշխանները կարող էին ոչ միայն իրենց, այլ և միւս իշխանութեանց պատկանող աստուածաբաններին դիմել, երբ ցանկանում էին որ և է խնդրի վերաբերմամբ սոցա կարծիքն իմանալ:

§ 8. Բնական իւրաւունքի գաղափարների ազդեցութիւնը եկեղեցա-պիտակական յարաբերութիւնների վրայ:

Պետական իշխանութեան այն գիւրքը, որ կազմակերպուեց կրօնական վերանորոգչութեան գաղափարների ազդեցութեան տակ, բնական իրաւունքի փիլիսոփայութեան ազդեցութեամբ սկզբունքով մի այլ ձևակերպութիւն ստացաւ: Այս փիլիսոփայութեան տեսակէտից՝ պետութիւնը, պետական իշխանութիւնը և այլ կարգութիւնները<sup>1</sup>, օրինակ ամուսնութիւնը, վերուստ՝ Աստուծոց չեն ծաղոււմ, այլ առաջ են գալիս դաշնադրութիւնից, մարդկանց ազատ կամքից և բանական համոզմունքից: Առանց դաշնադրութեան չկայ իշխանութիւն, nullum imperium sine pacto: Պետութեան նպատակը՝ Աստուծոն փառաբանելը և հպատակների ճշմարիտ քրիստոնէական կեանքի մասին հոգալը չէ, այլ նոյն պետութեան բարիքը, շահը և օգուտը (ratio status). կրօնը միայն մի միջոց է, որ տանում է այդ նպատակին: Պետական իշխանութեան ծաւալը և բովանդակութիւնը անսահման ընդարձակուում են. վրայ է հասնում, այսպէս անուանուած, քաղաքավարական պետութեան<sup>2</sup> դարը: Կրօնի մա-

1 Институтъ.

2 Полицейское государство.

մասին հոգ տանելը՝ հպատակների միւս շահերի հոգացողութեան նման համարուով է պետութեան բարեկեցութեան և ապահովութեան ներքին կառավարութեան<sup>1</sup> վերաբերող մի խնդիր, և ոչ թէ իշխանութեան վրայ Աստծուց դրուած մի պարտականութիւն: Սակայն Գերմանիայում, առանձնապէս անցքերի ընթացքի շնորհիւ, ինչպէս տեսութեան, «համախմբութեան տեսութեան»<sup>2</sup>, նոյնպէս և գործնականի<sup>3</sup> մէջ թողին այն միտքը, թէ պետութիւնը անպատճառ պէտք է ձուլուի որ և է մէկ դաւանութեան վարդապետութեան հետ, և մի և նոյն երկրում զանազան կրօնական ընկերակցութիւնների<sup>4</sup> գոյութիւնը հնարաւոր եղաւ, որ հաւասարապէս անհասկանալի էր թէ միջնագարեան կաթոլիկութեան և թէ 16-րդ դարի վերանորոգիչների համար: 18-րդ դարի դերմանական պետութիւնների մեծ մասի եկեղեցական քա-

1 Полиция благосостоянія и безопасности.

2 Բնական իրաւունքի վարդապետութիւնը ընդունում էր, որ մարդիկ, իրենց անկազմակերպ կենցաղավարութեան և «բնական վիճակին» վերջ դնելու համար, դաշն են կապում՝ միմեանց հետ միանալու, իրենց իրաւունքները մի անձին յանձնելու և սորան հպատակուելու. որով և ծագում է պետութիւնը իւր իշխանութիւնով «Համախմբութեան (կոլլեգիալ) տեսութիւնը» վարդապետում էր, որ պետութիւն կազմելիս և ունեցած իրաւունքները հրաժարուելիս յօգուտ պետական կառավարութեան՝ մարդիկ իրենց վերապահեցին կրօնական իրաւունքները. ուստի եկեղեցական գործերի նկատմամբ անկախ մնացին պետութեան իշխանութիւնից և ապառ նրան հպատակուելուց: Այս կրօնական պէտքերին բաւարարութիւն տալու համար՝ մարդիկ միանում և մի առանձին կրօնական համախմբութիւն են կազմում (որ Պուֆենդորֆը «կոլլեգիում» անուանեց, որտեղից տեսութիւնն էլ «կոլլեգիալ» կոչուեց): Կրօնական համախմբութեան, կամ եկեղեցու, ներքին կառավարութիւնը նոյն համախմբութեան—նրա համայնքին—է պատկանում. իսկ պետական իշխանութիւնը այդ համախմբութեան նկատմամբ միայն հսկելու և պաշտպանելու իրաւունք ունի: Ծ. Խ.

3 Практика.

4 Религиозное общество.

ղաքականութեան ամենաբնորոշ վարդապետութիւնը դրանում են պրուսական «ընդհանուր օրէնագրում»<sup>1</sup>: «Լանդրեխտի» (այդ օրէնագրի) համաձայն՝ պետութիւնը ներկայանում է իբրև մարդկային ամբողջ հասարակութիւնն իւր մէջ պարփակող մի կարգ: Այդ կարգի մէջ թոյլ է արւում, որ կրօնական ընկերակցութիւններ գոյութիւն ունենան: Մի և նոյն ժամանակ եկեղեցու և այլ կրօնական ընկերակցութիւնների մէջ տարբերութիւն չէ դրւում, այլ տարբերութիւնը դրւում է հէնց կրօնական ընկերակցութիւնների մէջ: Մի քանիսը համարում են իբրև իրաւունակ ընկերակցութիւններ և այս դէպքում նկատում են ինչպէս պետական կազմակերպութեան մի մաս, միւսները ընկերակցութիւններ չեն համարում և այս դէպքում ոչ մի հանրային<sup>2</sup> նշանակութիւն չունեն՝ մնալով մասնաւոր<sup>3</sup> խմբակցութիւններ (ֆերայններ): Կրօնական այն համախմբութիւնների վերաբերմամբ, որ մտել են պետական կարգի մէջ, պետութեան գլուխը նոյն բարձրագոյն իշխանութիւնն է վայելում և նորա՝ այս կամ այն դաւանութեան պատկանելը նշանակութիւն չունի: Բնական իրաւունքի փիլիսոփայական հայեացքով՝ պետութեան գլուխը կարող է նոյն իսկ քրիստոնեայ չլինել և սակայն, իբրև պետութեան գլուխ, նա իշխանութիւն ունի այն բոլորի վրայ, ինչ որ գտնւում է պետական տերրիտորիումի սահմաններում: Ինքը իշխանը, ինչպէս եկեղեցու անդամ (եթէ նա պատկանում է քրիստոնէական եկեղեցուն), չունի առանձին իրաւունքներ, որ զանազանէին նորան եկեղեցու իւրաքանչիւր հասարակ անդամից. բոլոր իրաւունքները և ամբողջ իշխանութիւնը պատկանում են նորան, որպէս պետութեան գլխի, թէ այն կրօնական համախմբութեան

1 «Allgemeines Landrecht» օրէնգիրքը օրէնքի ոյժ ստացաւ 1794 թուին. պարունակում է իւր մէջ Պրուսիայի քաղաքացիական, քրէական, պետական և եկեղեցական իրաւունքը: Ծ. Խ:

2 Публичный.

3 Частный.

վերաբերմամբ, որին նա անձամբ պատկանում է, և թէ այլ համախմբութիւնների, որ մտնում են պետական կարգի մէջ: Այս է էական տարբերութիւնը վերանորոգիչների հայեացքներից, որոնք քրիստոնէական կառավարութեանը Աստուծոց նրան տուած իշխանութիւն էին շնորհում, և մի և նոյն ժամանակ ենթադրում էին, որ պետութեան մէջ տիրում է մի ճշմարիտ քրիստոնէական վարդապետութիւն (այն է վերանորոգութեան մտքով): Մինչդեռ վերանորոգութեան կրօնական գաղափարները թագաւորին պետական կեանքի մէջ եկեղեցական պահանջների առաջնորդ դարձրին, բնական իրաւունքի հայեացքները եկեղեցական կեանքի մէջ պետական պահանջների առաջնորդ ընտրեցին նորան: Գործնականում առաջին և երկրորդ տեսակի հայեացքները սովորաբար խառնում էին, որովհետեւ երկուսի էլ գործնական հետեանքը նոյնն էր՝ թէ եկեղեցական և թէ պետական իշխանութիւնը պէտք է միապետի ձեռքին լինին, որը այս կամ այն օրգանների միջոցով երկրի եկեղեցական և պետական կարգը միացնում է իւր անձի մէջ:

§ 9. Կրօնական վերանորոգութեան եւ բնական իրաւունքի վիլիստիայութեան գաղափարների ազդեցութիւնը կարողիկ պետութիւնների եւ կաթոլիկ եկեղեցու յարաբերութիւնների կազմուելու վրայ:

Աւետարանական իշխանների օրինակը ազդեց և կաթոլիկ պետերի վրայ. սոքա չէին կարող չզիտակցել, որ իրենց և իրենց հպատակների կողմից կաթոլիկութեան հաւատարիմ լինելը կախուած է իրենց բարի կամքից և իրենց արժանիքն է. ուստի իրաւունք էին համարում կառավարել իրենց պետութեան սահմանում եկեղեցական

գործերը. մանաւանդ որ իրենք պապերն էլ թագաւորներից աջակցութիւն էին պահանջում՝ վերանորոգութեան շարժումից խանգարուած եկեղեցական կարգապահութիւնը վերականգնելու համար: Իսկ միւս կողմից բնական իրաւունքի վիլիստիայութիւնը առաջ էր տանում իւր գործը ոչ միայն բողոքական, այլ և կաթոլիկ Եւրոպայում: Վերջինում, ինչպէս և առաջինում եկեղեցին դարձաւ պետական մի հիմնարկութիւն: Պետութեան և եկեղեցու յարաբերութեան սխտեմը, որ առաջ եկաւ այս շրջանում յիշեալ ազդեցութիւնների տակ, դերմանական դրականութեան մէջ ընդունուած է անուանել պետական եկեղեցականութիւն (Staatskirchentum)<sup>1</sup>: Այս տերմինը յիրաւի աւետարանական պետութիւնների աւետարանական եկեղեցու հետ ունեցած յարաբերութեանն էլ է վերագրուում. բայց գլխաւորապէս ծառայում է 17-րդ և 18-րդ դարի պետութիւնների և կաթոլիկ եկեղեցու յարաբերութիւնը որոշելու համար: Պետական եկեղեցականութեան սխտեմի էութիւնն այն է, որ եկեղեցու բոլոր արտաքին կողմը, եկեղեցականութիւնը, ենթարկուում է պետութեան գլխի ծայրագոյն իշխանութեան, սա կարող է կարգադրել, վերացնել և փոփոխել եկեղեցական շրջանում այն բոլորը, ինչ որ չէ հիմնուում Ս. Գրքի անմիջական աստուածային կանոնադրութեան վրայ: Հռովմէական կաթոլիկ եկեղեցու գլխի—պապի հետ հաղորդակցութիւնը չխզուեց, բայց նորա բարձրագոյն եկեղեցական իշխանութեան բանեցնելը որոշ պետութեան սահմանում կամ չէր թոյլատրում կամ պետութեան խիստ հսկողութեան տակ էր դրւում: Պետական եկեղեցականութեան սխտեմը կարելի է հիերարխատիկ ուղղութեան հակապատկերը համարել՝ գործող ֆակտորների կամ «արերի» տեղափոխութեամբ, այսինքն հոգևոր սուրբ ենթարկելով աշխարհականին: Գլխաւորապէս Վեստֆալեան

1 Государственная церковность.

խաղաղութեան հիման վրայ մշակուեց պետական իշխանութեան՝ եկեղեցու վերաբերմամբ ունեցած իրաւունքները հետեւեալ դասաւորութիւնը (jura majestatis circa sacra), որ մինչև այսօր էլ չէ կորցրել իւր նշանակութիւնը Գերմանիայում. 1) jus reformandi—եկեղեցական կեանքը բարեփոխելու իրաւունք (այդ իրաւունքում implicite պարունակուում է նաև պետական տերրիտորիումի սահմանում որոշ վարդապետութիւն և որոշ կրօնական ընկերակցութիւն թոյլ չտալու իրաւունք). 2) jus inspiciendi cavendi—զանազան միջոցներով եկեղեցու գործունէութիւնը վերահսկելու և սահմանափակելու իրաւունք՝ պետութեան շահերը պաշտպանելու նպատակով. այդ միջոցներն են՝ սահմանափակող օրէնքներ և կարգադրութիւններ հրատարակելը. բուլլաների, բրեվէների, պապի և տիեզերական ժողովների ամեն տեսակ վճիռների—առանց պետութեան գլխի հաճութեան (placet)—յայտարարման արգելելը. եկեղեցական գատարանների վճիռների դէմ պետական հիմնարկութիւններին բողոքել (l'appel comme d'abus, recursus ad principem) և այլն. 3) jus advocatae, Schutzrecht—եկեղեցուն՝ իւր նպատակներին հասնելու գործում պաշտպանելու, աջակցելու և հովանաւորելու իրաւունք այնչափով, ինչ չափով որ պետութիւնը այդ նպատակների իրագործման մէջ իւր սեփական շահն է գտնում: Սակայն առանձին կաթողիկ պետութիւններում պետական եկեղեցականութեան սիստեմի գործնական իրականացման նկատմամբ աչքի են ընկնում ոչ փոքր տարբերութիւններ: Դէպի Հռովմը եղած վերաբերմունքը երբեմն թշնամական, երբեմն բարեկամական էր լինում. պետութեան ամենակարողութիւնը հիմնում էր երբեմն ողորմութեամբ Աստուծոյ հաստատուած թագաւորութեան, երբեմն բնական իրաւունքի գաղափարների վրայ. միւս կրօնական վարդապետութիւնների նկատմամբ, բացի կաթողիկոսութիւնից, տիրում էր կամ բացարձակ անհամբերողութիւն կամ համեմատական հանդուրժամութիւն: Օրինակ Բաւարիայում

խիստ պաշտպանութիւն գտան placet, recursus ad principem, հաւատացեալների եկեղեցական կեանքի վերահսկողութիւնը, դրքերի ցենզուրը յանձնուած էր աշխարհական հիմնարկութիւններին, եկեղեցական գատարանների իրաւասութիւնը ոչնչացած էր՝ բացի հոգևորականութեան կարգապահութեան վերաբերեալ թեթև զանցառութիւններից. կրօնաւորական կարգերին (օրդեններին) արգելուած էր յարաբերութիւն ունենալ իրենց օտարերկրեայ գլխաւորների հետ, կառավարութեան հոգևոր խորհրդի մէջ մտան աշխարհական մարդիկ և այլն. բայց պետութեան գլուխը այստեղ գործում էր ինչպէս պահապան և պաշտպան կանոնների (custos et vindex canonum), որին այն էլ ինքը պապը տալիս էր իւր լիազօրութիւնը.— ինքն ըստ ինքեան հասկանալի է, որ իւրաքանչիւր հակաթողիկ շարժում Բաւարական պետական կառավարութեան կողմից ճնշիչ միջոցներ պէտք է առաջ բերէր:— Փրանսիայում թագաւորի իշխանութեան բացարձակ բնաւորութիւնը առանձին զօրութեամբ երևան եկաւ Լուդովիկոս 14-րդի օրով. սա պետութեան մարմնացում էր համարում իրեն. մի պետութեան, որ բովանդակում է իւր մէջ բոլոր իրաւունքները, և մի և նոյն ժամանակ իւր իշխանութիւնը հիմնում էր «Քրիստոսի սեփական խօսքերի վրայ»: Ինչ որ եկեղեցական էր՝ ենթարկուած էր պետական գաղափարին և գաղղիական եկեղեցին իւր ազատութիւններով հանդերձ դարձաւ պետական մի հիմնարկութիւն. այնպէս որ Ֆենելոնը աւելի իրաւացի էր գտնում խօսել գաղղիական եկեղեցու «ստրկութիւնների» մասին և ոչ թէ «ազատութիւնների» (servitudes և ոչ libertés de l' église gallicane): Լուդովիկոս 14-րդը Հռովմի հետ այնքան լարուած յարաբերութեան մէջ էր, որ նոյն իսկ ուզում էր Հռովմից անկախ մի ազգային պատրիարքութիւն կազմել:

Հռովմի հետ ընդհարուելու առիթ էր տուել ապաստանի իրաւունքի (jus asyli) և այսպէս ասուած ուղղափառների մասին

եղած վէճը: Ապաստանի իրաւունքի մասին եղած վէճում թաղաւորը պնդում էր, թէ Հռովմում ֆրանսիական դեպարտութեան ոչ միայն ապարանքը, այլ և այն փողոցը, որի վրայ գտնուում է այդ ապարանքը, հալածուող յանցաւորներին համար պէտք է լըրև ասպատանարան ծառայէ, որ պատը չէր կարող թող տալ: Այսպէս անուանուած ուղեգալիաների վէճը առաջ եկաւ այն բանի համար, որ իբրև ֆեոդալական ժամանակների մնացորդ՝ պահպանուում էր ազգային սովորոյթի (coutume) ձևով մինչև Լուզովիկոս 14-րդը. այն է՝ եպիսկոպոսութիւնները համարուում էին աւատներ և, որպէս աւատներ, եպիսկոպոսի մահից յետոյ պէտք է յետ արուէին աւատատէրին մինչև նոյն աթուի յաջորդի ինվեստիտուր ստանալը և երգում տալը: Ընդհատման ժամանակամիջոցին թագաւորները օգտուում էին թափուր եպիսկոպոսութիւնների եկամուտներից և իրաւունք էին ստանում նշանակելու հովուութեան հետ չմիացած այն բոլոր հոգևոր պաշտօնները, առանձնապէս կանոնիկոսութիւնները, որ եպիսկոպոսական աթուի թափուր մնալու ժամանակ ազատ էին մնում: Այդ սովորոյթը համատարած չէր. Գլենի, Պրովանսի, Լանգեդոկի և Գոֆինէի գաւառները այդ սովորոյթը չունէին. բայց Լուզովիկոս թագաւորը իւր «եպալիաների իրաւունքը» տարածեց և այդ գաւառների վրայ այն հիմամբ, որ «Ֆրանսիայի թագը կոչուր է»: Եպիսկոպոսները թագաւորի կողմը պահեցին՝ հակառակելով այդ նորամուծութեան զէմ բողոքող պապին, և պատրաստ էին Հռովմից բաժանուել: Ահա այսպիսի հանգամանքներում երևան եկաւ 1682 թ. «Ռազդիական հոգևորականութեան յայտարարութիւնը»<sup>1</sup>: Բանն այն է, որ Բոսսիւեաթ իւր կարգակից ֆրանսիական եպիսկոպոսներին — չթողեց, որ Հռովմից բաժանուեն՝ մեղմացնելով ըստ կարելոյն այդ Յայտարարութեան 4 յօդուածների դարձուածքները: Թագաւորը հրամայեց Ֆրանսիայի բոլոր պարլամենտներում արձանագրել այդ Յայտարարութիւնը և արգելեց որ և է հակառակ բան վարդապետել. իսկ համալսարանները

ընն հրամայեց, որ աստուածաբանութեան և կանոնագիտութեան դիտնական աստիճանը տան միայն այն դէպքում, եթէ թեկնածուն կրօնապանէ իւր թեղիաներից մէկի մէջ այդ Յայտարարութեան վարդապետութիւնը:

Մի և նոյն ժամանակ Լուզովիկոս 14-րդը պետութեան բացարձակ ինքնակալութեան նոյն գաղափարին յենուելով՝ թող չէր տալիս Ֆրանսիայում որ և է այլ կրօն դաւանել բացի այն կրօնից, որին ինքն էր պատկանում, այսինքն բացի կաթոլիկ դաւանութիւնից. սրանով է բացատրուում Նանտի հրովարտակի վերացումը և Հուդենտոսների արիւնահեղ հալածանքը: Լուզովիկոս 14-րդի և նորա յաջորդի օրով դաղդիականութիւնը հանդէս եկաւ ամենախստելի գծերով, որպիսիները կարող է ունենալ մի պետական եկեղեցի. պճնասէր եպիսկոպոսները և վանահայրերը, որ թագաւորական պալատում ապրելը ամեն ինչից վեր էին դասում, թողին եկեղեցական գործերի հոգատարութիւնը և իրենց ահագին եկամուտների շնորհիւ աշխարհիկ սանձարձակ կեանք էին վարում և մի և նոյն ժամանակ աչքի էին ընկնում կեղծաւորութեամբ ու կրօնական անհամբերողութեամբ. սորա շատ նպաստեցին կաթոլիկ կրօնի դէմ տածած ատելութեան բռնկմանը, որ արտայայտուեց յեղափոխութեան ժամանակ. — Աւստրիայում տեսնում ենք կրկին մի այլ բան: Այստեղ սկզբում՝ կրօնասէր և խիստ ջերմաւանդ կաթոլիկ Մարիա Թերեզիա կայսրուհին գործում էր պետական — եկեղեցականութեան ոգով. իսկ յետոյ՝ նորա օրդի և յաջորդ Յովսէփ 2-րդ կայսրը այդ ընդհանուր հիմունքի վրայ կազմեց մի այնպիսի սիստեմ, որը «Յովսէփականութիւն» («Լիոգեֆինիզմ») յատուկ անունը ստացաւ: Յովսէփ 2-րդ տիպական ներկայացուցիչ էր, այսպէս ասուած, քաղաքավարական պետութեան՝ բնական իրաւունքի գաղափարների այդ ինքնակերպ մարմնացման, որ ձգտում էր հասնել ընդհանուր բարեկեցութեան: Սկզբունքով տերրիտորիա-

<sup>1</sup> Բոսսիւեի կազմած այս յայտարարութեան՝ «Գալիկան Կրեկարացիայի» (Declaration du clergé gallicane) իմաստն էր — ամենամիախելի պապի բացարձակ իշխանութիւնը: Չարս յօդուածով այս յայտարարութիւնը հրատարակուում էր, որ պապը իշխանութիւն ունի միայն հոգեւոր գործերում. իսկ աշխարհական ինքիւնեւում քաղաւորները, իշխաններ եւ սրանց հպատակները բարոյսով անկախ եւ ազատ են պապին հնազանդուելուց. պապը պարտաւոր է իրեն համար պարտալիք նախաչել տրոհելու ժողովների կամեանքներ, հնազանդ սովորոյթներ, դարաւոր կարգեր. իսկ կրօնի վերաբերեալ խնդիրներում պապի կամեանքի իշխանութիւնը կախուած է համարուում ամբողջ եկեղեցու հաւանութիւնից, առանց որի նրա վիճակները անապիք են յայտարարուում: Թ. Խ:

լիստ<sup>1</sup> լինելով, մի և նոյն ժամանակ պետական բարեկեցութեան շահերի համար լուսագոյն կարգ հաստատելու ցանկութեամբ ոգևորուած՝ Յովսէփ 2-րդը բարենորոգեց եկեղեցական կեանքի բոլոր կողմերը. աստուածաշուքութիւնը, հովուութիւնը, կրօնաւորական կեանքը, թեմերի (գիեցեզների) և ծխերի բաժանումը, հոգևորական դառնալու և եկեղեցական պաշտօններ ստանձնելու պայմանները, եկեղեցական դատաստանը, ամուսնական իրաւունքը<sup>2</sup>, եկեղեցու ունեցուածքի իրաւունքը<sup>3</sup>։ Բոլոր բարենորոգութիւնները կայսրը ինքն էր կատարում՝ միայն իւր սեփական հայեցողութեամբ և կշռադատութեամբ. որովհետև միմիայն իրեն էր համարում պետական համախմբութեան կամքի օրինաւոր ներկայացուցիչ և միայն իրեն էր վերագրում դատողութիւն անել այն բանի մասին, թէ ինչ է օգտակար և ցանկալի պետական բարիքի շահերի համար՝ առանց ուշադրութիւն դարձնելու թէ ժողովրդի սովորյալների վրայ և թէ հոգևոր նուիրապետութեան հայեացքների. նա իւր կոչումն էր համարել «իւր տեսութիւնների տրամաբանութեամբ վերածնել Աւստրիան»։ Մի և նոյն ժամանակ նորա հրովարտակները աչքի էին ընկնում ամենամանրակրկիտ քաղաքավարական կարգաւորումներով։ Պետութեան և եկեղեցու մէջ եղած կապը Յովսէփականութեամբ չէր քանդուում. բայց պետութիւնը կրօնի և հոգևորականութեան վրայ նայում էր ինչպէս պետական բարեկեցութեանը հասնելու մի պի-

1 Այսպէս են կոչում «տերրիտորիալ տեսութեան» կամ «տերրիտորիալիզմ» հետեողները, որ եկեղեցին համարում են պետական մարմնի մի մասը, եկեղեցական իշխանութիւնը պետական իշխանութեան մի ճիւղը։ Այս տեսութեան համաձայն՝ պետութեան գլուխը մի և նոյն ժամանակ նաև եկեղեցու գլուխ է և կառավարում է սրա գործերը։ Պետութեան գլուխը ունի այդ իրաւունքը՝ որովհետև նա իրաւունք ունի տիրապետելու այն ամենին, ինչ որ գտնուում է իւր տերրիտորիումի (հողի) սահմաններում։ Մ. Խ։

2 Брачное право.

3 Имущественное право.

տանի միջոցի վրայ. մի կողմից նրա համար, որ առհասարակ ոչ մի բարեկարգ պետութիւն չէ կարող կառավարուել, եթէ իւր քաղաքացիները նախախնամութեան և յաւիտենական պատժի հաւատը չունենան. միւս կողմից նրա համար, որ եկեղեցու ամբիոնը մի նպատակաշարմար ճանապարհ է առողջ քաղաքացիական գաղափարներ տարածելու. օր. գիւղատնտեսական։ Բայց ի պատիւ Յովսէփ 2-րդ կայսրի՝ պէտք է ասել, որ եկեղեցապետական միութիւնը նա հասկանում էր բոլորովին այլ կերպ, քան Լուդովիկոս 14-րդը. Յովսէփ 2-րդը խղճի ազատութիւնը ճանաչելու դործում մի կարևոր քայլ արեց, նա իւր պետութեան մէջ թոյլ տուեց չորս—կաթոլիկ, լութերական, վերանորոգչական և յոյն—արևելեան—պաշտամունքների ազատ կատարումը։

§ 10. Յրանսիական-յեղափոխական օրէնսդրութիւնը և Նապոլեոնի կոնկորդատը<sup>1</sup>։

Մեծ յեղափոխութեան առաջին օրերում բնական իրաւունքի գաղափարները արտայայտուեցան մօտաւորապէս նոյն ձևերով, ինչ ձևով որ առաջ եկան տերրիտորիալիզմը, քաղաքավարական պետութիւնը և Յովսէփականութիւնը Գերմանիայում. միայն թէ ժրանսիայում

1. «Կոնկորդատը»—փոխադարձ համաձայնութիւն է, որ եկեղեցին և պետութիւնը, եկեղեցական և պետական կառավարութիւնների ձեռքով կայացնում են այն խնդիրների նկատմամբ, որ հաւասար կապ ունեն թէ եկեղեցու և թէ պետութեան շահերի հետ։ Կոնկորդատները մեծ մասամբ շոշափում են առանձին վիճելի իրաւական խնդիրներ. թէպէտ եղել են կոնկորդատներ, որ նպատակ են ունեցել սկզբունքով որոշել եկեղեցու և պետութեան փոխադարձ աշարերութեան ընդհանուր խնդիրը։ Մ. Խ։

աւելի խիստ արժատական վերանորոգութիւն տեղի ունեցաւ և պետական ինքնակալութիւնը անցաւ ժողովրդին։ Յեղափոխութեան այդ առաջին շրջանի (դեռ Լուզովիկոս 16-րդի կենդանութեան ժամանակ) յիշատակարան մնաց, այսպէս ասուած, «Հոգևորականութեան քաղաքացիական սահմանադրութիւնը», որ 1790 թ. հաստատուեց ազգային ժողովի հրովարտելով՝ առանց պապի հետ հաղորդակցելու և նոյն իսկ Ֆրանսիական եպիսկոպոսների ժողովի կարծիքը լսելու։ Սահմանադրութեամբ արժատական կերպով քանդուեցան երկրի թեմերի և ծխերի (գիեցեղների և պարոխիաների) բաժանումը։ Ֆրանսիայի դեպարտամենտների վարչական-քաղաքական բաժանման համաձայն՝ որոշուած էր, որ իւրաքանչիւր դեպարտամենտ պէտք է կազմէ եկեղեցական մի գիեցեղ, և արգելուած էր այն եպիսկոպոսի կամ միտրոպոլիտի հեղինակութիւնը ճանաչել, որի աթոռը հաստատուած է օտարերկրեայ իշխանութիւնից (այսինքն պապի ձեռքով)։ Իւրաքանչիւր գիեցեղի մայր եկեղեցին պէտք է իւր սկզբնական դրութեանը դառնար, այսինքն լինէր մի և նոյն ժամանակ թէ եպիսկոպոսական և թէ ծխական եկեղեցի, սրանով վերացուած էր առաջնորդանիստ քաղաքում առանձին, զատուած ծխերի գոյութիւնը։ Եպիսկոպոսը, որպէս առաջնորդանիստ քաղաքի միակ ծխատէր (պարոխ), պէտք է ունենար մի քանի փոխանորդներ (12—16, նայելով բնակիչների թւին), իւրաքանչիւր գիեցեղում պէտք է լինէր մի սեմինարիա՝ չորս առանձին փոխանորդների առաջնորդութեամբ հոգևոր պաշտօնեաներ պատրաստելու համար։ Այս և միւս փոխանորդները ի միասին կազմում էին եպիսկոպոսի մշտական խորհուրդը, և եպիսկոպոսը չէր կարող գիեցեղի և սեմինարիայի նկատմամբ ոչ մի գործի ձեռնարկել առանց նոցա կարծիքները լսելու։ 6000 հոգուց ոչ աւելի բնակիչ ունեցող միւս բոլոր քաղաքներում և տեղերում պէտք է միայն մի ծխական համայնք լինէր, միւսները պէտք էր վերացուէին, աւելի բազմամարդ քաղաքներում

մի ծխական համայնք կարող էր ծխականների աւելի մեծ թիւ ունենալ, իսկ ծխական համայնքներ այդպիսի քաղաքներում պէտք է այնքան լինէր, որքան հարկաւոր էր՝ նայելով ժողովրդի կարիքներին և տեղական հանգամանքներին։ Ապա՝ կապիտուլները, բոլոր կանոնիկոսութիւններով<sup>1</sup>, և երկու սեռի վանքերը կրօնաւորութեան հետ միասին վերացուան։ Եպիսկոպոսական աթոռի համար թեկնածու պէտք է ընտրէր նոյն քաղաքական ժողովը (ինչ դաւանութեան էլ պատկանելիս լինէին ընտրողները), որ ընտրում էր դեպարտամենտի վարչական խորհրդէ անդամներին։ Ընտրող ժողովը կանչում էր պրեկուրորը, դեպարտամենտի գլխաւոր սինդիկը, և ընտրութիւնը պէտք է կատարուէր մայր եկեղեցում պատարագից յետոյ, և ներկայ պէտք է լինէին բոլոր ընտրողները (սոցա թւում և ոչ կաթոլիկները)։ Ընտրուածին կանոնական հաստատութիւն էր տալիս միտրոպոլիտը (միտրոպոլիտներ և միտրոպոլիտական վիճակներ պէտք է 10 լինէր), իսկ հաստատելու մերժումը պէտք է պատճառաբանուած լինէր և բողոքելու հնարաւորութիւն էր տրուում (appel comme d'abus)։ Նոր եպիսկոպոսը չպէտք է դիմէր պապին, որ իրեն հաստատէ. նա պէտք է միայն գրաւոր կերպով յայտնէր պապին, որպէս անգերական եկեղեցու անձանելի գլխին, իւր միութիւն, հաւատի և հաղորդակցութեան նկատմամբ։ Ծխական կիւրենները ընտրուում էին նոյն ձևով, ինչ որ հրամայուած էր դաւառի (գիտարիկա) վարչական խորհրդի անդամների ընտրութեան համար, և այլն։ Հոգևորականութեան մեծ մասը մերժեց երգում տալ այդ սահմանադրութեանը, և պապը դատապարտեց

1 Կաթոլիկ եկեղեցում առաջնորդական (մայր) եկեղեցու հոգևորականութիւնը (միաբանութիւնը) վարչական մի հաստատութիւն է հանդիսանում—«կապիտուլ» անունով, որի անդամները «կանոնիկոս» են կոչուում, իսկ սրանց պատճառը «կանոնիկոսութիւն»։ Այս կապիտուլի խորհրդով կամ համաձայնութեամբ պարտաւոր է գործել որոշ գործերում եպիսկոպոսը։ Ծ. Խ։



այդ սահմանադրութիւնը. սկսուեցին ճնշումներ և յեղափոխութիւնը նոր շրջանի մէջ մտաւ: Հալածանքը ուղղուեց կաթողիկ եկեղեցու և նոյն իսկ ընդհանրապէս քրիստոնէութեան դէմ: Բնական իրաւունքի տեսութեան ներկայացուցիչները արդէն 17-րդ դարում յայտնել էին իրենց մտքերը «բնական կրօնի» մասին, զանազանելով սրան այն դրական կրօններից, որոնց մէջ ճշմարտութիւնը միշտ խաւարուած և խեղաթիւրուած է լինում յաւելուածներից. մինչդեռ բնական կրօնում ճշմարտութիւնը լիակատար կերպով է երևան գալիս: Այդ «բնական կրօնի» բովանդակութիւնը քաղում էին մասամբ որոշ բանաւոր ճշմարտութիւններից, որոնց թիւը ըստ կարելոյն աշխատում էին կարճել, որպէս զի կարելի լինէր այդ ճշմարտութիւնները գտնել բոլոր կրօնների մէջ (օրին. Աստծու գոյութիւնը, մահից յետոյ հատուցումը). մասամբ որոշ բարոյական պարտականութիւններից: Փրանսիայում այդ դաղափարը խիստ կտրուկ և որոշ կերպով յայտնել էր ժամ ժակ Ռուսսոն. սա վարդապետում էր, թէ պետութեան գլուխը որոշ պետական համախմբութեան մէջ ներկայացուցիչ լինելով իշխանութեան բոլոր լիազօրութիւնների ամբողջութեան՝ կարող է հրամայել բոլոր քաղաքացիներին մի ընդհանուր—պարտադիր պետական կրօն, որի յօդուածները կամ ճշմարտութիւնները պետութիւնը կորոչէ ոչ թէ հաւատի եկեղեցական դոգմաների մտքով, որ անհրաժեշտ են հոգու փրկութեան համար, այլ պետական այն սկզբունքների մտքով, առանց որոնց ոչ ոք չի կարող լաւ քաղաքացի և հաւատարիմ հպատակ լինել: Փրանսիայի Կոնվենտը դորձնականապէս իրագործեց Ռուսսոյի այդ տեսական դաղափարը նրանով, որ յօրինեց բանականութեան կրօն, հալածեց Փրանսիայից կաթողիկութիւնը, վերացրեց քրիստոնէական ամբարը և նոր թուական սկսեց՝ ամիսների նոր անուններով, շաբաթները (եօթնեակները) և կիրակի օրերը փոխելով դեկադների (տասնեակների) և այլն: Այս խոսով յեղափոխու-

թեան ժամանակ պետութիւնը սկսեց եղած եկեղեցական կարգը արմատից քանդելուց և վերջացրեց նրանով, որ ոչ միայն եկեղեցու հետ իւր ունեցած կապը կտրեց, այլ և եկեղեցին Փրանսիայից դուրս քշեց: Նապոլեոնի օրով կաթողիկութիւնը վերականգնեցաւ 1801 թ. պապի հետ կոնկորդատ կապուեց, իսկ 1802 թ. արդէն ինքը Նապոլեոնը, առանց պապի համաձայնութիւնը ստանալու, հրատարակեց այսպէս կոչուած «Օրգանիկ յօդուածները», որ պէտք է ծառայէին կաղմակերպելու կոնկորդատում արտայայտուած սկզբունքների ի կատար ածելը կամ գործադրելը: Նապոլեոնը հասկանում էր կրօնի նշանակութիւնը ժողովրդի կեանքում. բայց նա ցանկանում էր՝ որ կրօնը և հոգևորականութիւնը իւր ձեռքում մի դործիք լինէին, որ կարողանար տնօրինել յօդուած իւր քաղաքականութեան և ոչ թէ եկեղեցու շահերի: Ուստի «Օրգանիկ յօդուածները» կազմուեցան քաղաքավարական պետութեան ոգևոր:

Յիրաւի շատ բան այդ «Յօդուածներում» նախկին «Փաղղիական ազատութիւնների» կրկնութիւնն է. օրին. placet, appel comme d'abus, 1862 թ. Հոգևորականութեան յայտարարութեան պարտադիր գորութիւնը: Բայց Նապոլեոնը չվերականգնեց գաղղիականութիւնը, այլ ընդհակառակը, առանց ադ ցանկանալու, նպաստեց Փրանսիայում գաղղիական ոգու կտտարեալ ոչնչանալուն և ֆրանսիական հոգևորականութեան ուլտրամոնտանական դառնալուն: Նախ՝ վերացան այն ենթագրութիւնները, որոնց շնորհիւ Փրանսիայի «ամենաքրիստոնէայ» թագաւորների օրով հնարաւոր էր գաղղիականութիւնը՝ կաթողիկ եկեղեցին դադարեց բացառիկ լինելուց, որովհետև միւս պաշտամունքների հրատարակական կատարումը թող տրուեց. պետութեան գլուխը այլ ևս չէր տալիս եկեղեցուն brachium saeculare-ը (աշխարհական աջակցութիւն) հերետիկոսների, հերձուածողների և ազատ մտածողների դէմ, զպրոցական կրթութեան մեծաշնորհ և զբարեկեցութիւնը. հոգևորականութիւնը դադարեց պետութեան մէջ մեծ հոգաւոր, զօրեղ դասակարգ լինելուց, որովհետև եկեղեցու անշարժ կայքերը յեղափոխութեան ժամանակ պետութիւնը զբաւել էր (աշխարհականացրել էր)<sup>1</sup> և եկեղեցու վերականգման ժամանակ

1 Секуляризировать.

կոնկորդատի համաձայն հոգևորականութեան համար նշանակուեց միայն որոշ, համեմատաբար չափաւոր, գրամական ոսճիկ՝ Նրկրորդ՝ մասամբ Ֆրանսիայի ներքին եկեղեցական գործերը, մասամբ ընդարձակ քաղաքական ծրագրերնրը ստիպելին Նապոլեոնին զնալ այնպիսի ճանապարհով, որը ոչ մի կազ չունէր գաղղիականութեան աւանդութիւններէ հետ: Մինչդեռ Ֆրանսիայի նախկին թագաւորաւանդութիւններէ հետ համերաշխ գործում էին ները ազգային հոգևորականութեան հետ համերաշխ գործում էին պապի բացարձակ իշխանութեան դէմ, Նապոլեոնը աշխատում էր պապի միջոցով ճնշում գործ դնել Ֆրանսիական նախաւարտութեան վրայ: Այսպէս՝ դեռ առաջին կոնսուլ եղած ժամանակ նա պէտք է ի նկատի առնէր յեղափոխութեամբ ստեղծուած այն անբնական փաստը, որ մի քանի տասնեակ եպիսկոպոսներ գաղթել էին Անգլիա, ապրում էին Անգլիայի հաշուով և կառավարում այնտեղից Ֆրանսիայի եկեղեցական գործերը: Նապոլեոնը չէր կարող այդ եպիսկոպոսներին իրենց աթոռները յետ գարձել, քանի որ նա քաջաշունչի ուսյալիստներ էին—նոր ռեժիմի հակառակորդներ: Բայց նա նմանապէս չէր կարող այդ աթոռների վրայ այլ անձեր նշանակել, որովհետե կանոնական իրաւունքով՝ այդ աթոռները թափուր չէին համարոււմ. իսկ կանոնական իրաւունքը լսանգույն այդ կէտում կը նշանակէր նորից յեղափոխական փոթորիկ բարձրացնել: Ուստի պահանջում էր՝ որ գաղթական եպիսկոպոսները աթոռընկեց լինեն, իսկ նոր նշանակուած եպիսկոպոսներին պապը կանոնական հաստատութիւն տայ: Այնուհետե կայսր դառնալով Նապոլեոնը իւր քաղաքական ծրագրերնրը ընդարձակեց աւելի քան բուրբոնեան թագաւորների միապետութեան յաջորդ լինելը, նա ցանկանում էր Կոստանդին Մեծի և Կարլոս Մեծի յաջորդ—կայսր լինել: Այդ ընդարձակ ծրագրի մէջ պապը պէտք է նշանաւոր տեղ բռնէր, որպէս կայսրութեան սահմաններում բարձրագոյն հոգևոր հեղինակութիւն, որի վրայ մի և նոյն ժամանակ հնարաւոր կլինէր ճնշում գործ դնել յօգուտ կայսերական քաղաքականութեան: Այսպիսի կառադատութեամբ՝ Նապոլեոնը միշտ պապին դէպի այս կամ այն եկեղեցական ձեռնարկութիւնը ստիպելու և արդէն պապի միջոցով եպիսկոպոսների վրայ ազդելու կանոնին էր հետևում: Իսկ պապին ստիպելը դժուար չէր. պապի եկեղեցական պետութիւնը մտնէ էր Ֆրանսիական հանրապետութեան<sup>2</sup> տերրիտորիումի մէջ. ինքը պապն էլ Ֆրանսիայում էր պահուում իրրև գերի: Բայց Նապոլեոնն ընկաւ. պապը Հռոմում

1 Каноническое право.  
2 Республика.

վերստին հաստատուեց, իսկ Ֆրանսիական հոգևորականութիւնը ժառանգեց Նապոլեոնական գաղափարը—պապին համարել մի բարձրագոյն իշխանութիւն, որից բխում են եկեղեցական կառավարական ակտերը (կարգադրութիւններ):

§ 11. Պետութեան եւ եկեղեցու յարաբերութեան հիւսիս-ամերիկական սիստեմը:

Ամերիկական սիստեմը, որ ընդունուած է անուանել եկեղեցու բաժանում (Trennung) պետութիւնից, հակադրութիւն է թէ պետական եկեղեցականութեան քաղաքավարական սիստեմին և թէ պետութեան պառակտմանը եկեղեցուց, որ տեղի ունեցաւ Ֆրանսիայում՝ յեղափոխութեան ժամանակ: Հիւսիս-ամերիկական սիստեմը կազմել էին հին աշխարհի գաղթականները, կրօնատէր մարդիկ, որոնց համար թանկ էին իրենց կրօնական համագումները և որոնք սեփական փորձով հասկացել էին կրօնական ոտիպողութեան չարիքը, փախչելով կրօնական հալածանքներից, որ գործադրուում էին Եւրոպայում: Կրօնը և նորա հոգացողութիւնը յանձնուած են հաւատացողների մասնաւոր կարիքին. և այն բոլորը, ինչ որ Հիւսիս-Ամերիկայի Միացեալ Նահանգների սահմանագրութիւնն առում է կրօնի և եկեղեցու մասին, միայն այս երկու որոշումն է.

1) Պետական պաշտօն ստանալու համար չէ պահանջուում մի որոշ դաւանութիւն.

2) Կանգրէսը չէ կարող հրատարակել օրէնքներ, որոնց միջոցով որ և է կրօն ներմուծուէր, կամ ընդհակառակը որ և է կրօնի ազատ կատարումը արգելուէր:

Պետութիւնը եկեղեցիների և այլ կրօնական համախումբութիւնների մէջ իտարութիւն չէ դնում. այս պատճառով գոյութիւն ունեն միայն մասնաւոր կրօնական համախումբութիւններ, որ կազմուել են մասնաւոր, այս

դէպքում կրօնական, կարիքներին բաւարարութիւն տալու համար. և պետութիւնը այդ համախմբութիւններին թոյլ է տալիս հետամուտ լինել իրենց նպատակներին այն բոլոր միջոցներով, որ գտնուում են քաղաքացիների ձեռքում. միայն թէ չխանգարուեն պետական օրէնքները և ընդհանուր մարդկային բարոյականութեան սկզբունքները: Ընդհանուր կանոնով պետութիւնը կրօնական համախմբութիւններին չէ տալիս նոյն իսկ իրաւաբանական անձի իրաւունք. այնպէս որ համախմբութեան ունեցուցքը իրաւունքով վերագրուում է որ և է ֆիզիքական անձի: Պետութիւնը չէ խառնուում կրօնական համախմբութիւնների կազմակերպութեանը. բայց միւս կողմից չէ էլ դիմում սրանց որ և է ծառայութիւն պահանջելու: Ամերիկացիների կեանքի առանձին ուղղութեան շնորհիւ, ուր մինչև այժմ էլ դեռ երևում է առաջին գաղթականների խիստ կրօնական սուրբատանական խմորը, կրօնի նկատմամբ պետութեան անտարբերութիւնը հասարակական կեանքում փաստակար հետևանքներ չէ առաջացնում, քանի որ հասարակութեան մէջ այդ անտարբերութիւնը չկայ: Կրօնը, թէպէտ անթիւ աղանգների է բաժանուած, մինչև այժմ էլ մնում է Ամերիկայում իբրև ահագին հասարակական մի ոյժ. այնպէս որ քրիստոնէութիւնը համարուում է ընդհանուր կամ սովորոյթի իրաւունքի բաղկացուցիչ մասը: Պետութեան համար էլ անհնարին եղաւ սկզբունքի խիստ պահպանութեամբ և հետևողութեամբ եկեղեցու պետութիւնից բաժանման սիտեմը կազմակերպել: Այսպէս պետութիւնը նպաստում է կիրակի օրը պահելուն՝ արգելելով այդ օրը ոչ միայն աշխատանքները, այլ և հասարակական զուարճութիւնները. բացի դրանից թէ առանձին նահանգների կառավարութիւնները և թէ նահանգների գաշնակցութեան նախագահը առանձին տօնի օրեր են հաստատում Աստուծոյ գոյութիւն մատուցանելու, կամ պահքի ու ապաշխարհութեան համար: Կոնգրէսի իւրաքանչիւր նիստ բացուում է մաղթանքով. և մաղ-

թանք կատարելու համար կայ հոգևորականութիւն, որ պետութիւնից ռոճիկ է ստանում. նմանապէս զօրքի և նաւատորմիղի համար պետական—պաշտօնային հոգևորականութիւն կայ: Մի քանի նահանգներում աստուածանարգութիւնը պատժուում է ոչ միայն ժողովրդի գայթակղութեան և կրօնական զգացմունքը վիրավորելու տեսակէտից, այլ ինչպէս մի յանցանք, որ ուղղակի ուղղուած է Աստուածութեան դէմ: Վերջապէս մատնացոյց են անում և այն բանի վրայ, որ անսահման կրօնական ազատութիւնը հնարաւորութիւն է տալիս կաթոլիկութեան աւելի ու աւելի զօրեղանալուն ի հաշիւ այլ կրօնական համախմբութիւնների, և որ այս հանգամանքը կարող է մօտակայ ապագայում էապէս ազդել այդ պետութեան վիճակի վրայ, ուր ամեն բան ընդհանուր ձայնատուութեան վրայ է հիմնում, հետևապէս և ձայների մեծամասնութեան:

Ներսրական պետութիւններից ամենքից առաջ Բելգիան փորձեց պետութեան և եկեղեցու յարաբերութիւնը կազմակերպել Ամերիկայի օրինակով (1731 թ. սահմանադրութեան մէջ), բայց աւելի ևս պակաս հետևողականութեամբ քան հիւսիսային Ամերիկայում: Միայն եկեղեցու պետութիւնից ազատ լինելու սկզբունքը պահպանուեց: Պետութիւնը հրաժարուեց որ և է ազդեցութիւն ունենալ եկեղեցական պաշտօններ հիմնելու և նշանակելու վրայ, placet-ից, ունեցուածքի վերահսկողութիւնից, վանքերի հիմնարկման վերաբերեալ բոլոր սահմանափակող միջոցներից և այլն: Այս սկզբունքն էլ 1881-ին սահմանափակեցին՝ արգելելով օտարերկրեայ հոգևորականութեան Բելգիայում եկեղեցական զործաւնութիւններ կատարել: Իսկ ինչ վերաբերում է պետութեան եկեղեցուց ազատ լինելուն, մասամբ իրագործուեց (պետութիւնը չէ տալիս brachium saeculare եկեղեցական դատարանի կարգապահական վճիռները ի կատար ածելու և եկեղեցական տուրքեր հաւաքելու համար, եկեղեցական գործաւնութիւններին չէ շնորհում քաղաքացիական նշանակութիւն ամուսնադրութեան և ամուսնութիւնից բխած իրաւունքների վերաբերմամբ). բայց ամենակարևոր կէտը մնաց. Բելգիայի հոգևորականութեանը պետութիւնից թոշակ է տրուում: Այսպէս անուսուած «հիմնական իրաւունքների մէջ», որ 1848 թ. մշակեց Ֆրանկֆուրտի սարլամենտը, հրատարակուած է եկեղեցու պետութիւնից բաժան-

ման սկզբունքը Գերմանիայի համար. սակայն գործնականապէս այդ սկզբունքը գերմանական պետութիւններից և ոչ մէկի մէջ չկարողացաւ գործադրուել: Ճիշտ նոյն կերպ Իսպիայում կոմս Կափուրի ծրագիրը՝ «Ազատ եկեղեցի ազատ պետութեան մէջ» (libera chiesa in libera stato) եկեղեցու պետութիւնից բաժանման Ամերիկայի սիւստեմի մտքով, անյարմար գտնուեց: Շատ բան, յիշուի, Իտալիայում կարգաւորուեց այս ուղղութեամբ. օրին. պետութիւնը յաւանուութիւն չունի խառնուել եկեղեցական պաշտօններ նշանակելուն, չէ պահանջում նոյն իսկ եպիսկոպոսների երգումը, placet, recursus ab abusu. միւս կողմից չէ ապահովում պետական օրգանների օգնութեամբ եկեղեցական իշխանութեան կարգադրութիւնների ստիպողական ի կատար ածումը, ամուսնութեան նկատմամբ եկեղեցական պահանջներին քաղաքացիական ոյժ չէ տալիս: Բայց Իտալիայի թագաւորութեան համար աւելի քիչ հնարաւոր էր, քան մի այլ պետութեան համար կաթոլիկ եկեղեցին ընդունել որպէս մի «մասնաւոր համախմբութիւն»: այն պատճառով, որ կաթոլիկ եկեղեցու գլուխը Իտալիայում է նստում: Դրա համար իտալական 1871 թ. օրէնքը (այսպէս անուանուած «Ապահովութեան օրէնք») պապին այնպիսի իրաւունքներ է տալիս, որ ոչ մի կապ չունեն եկեղեցու, ինչպէս մասնաւոր ընկերակցութեան վրայ ունեցած հայեացքի հետ: Պապը ճանաչում է միապետ. իւրաքանչիւր յանցափորձում նորա անձի ապահովութեան դէմ համարում է յանցանք մեծութեան դէմ. պապը ունի գեսպանութեան ներգործական և կրաւորական իրաւունք բոլոր միջազգային արտօնութիւններով: Պապի պալատները և բազիլիկները համարում են արտատերրիտորիալ և Պետութիւնը իւր պարտականութիւնն է համարում կոնկլավի (ծիրանաւորների ժողովի, պապ ընտրելու գէպքում) և Խեզերական ժողովների վերաբերմամբ (երբ Իտալիայում են գումարում) ձեռք առնել պահպանութեան անհրաժեշտ միջոցներ. նոյնպէս և պապի՝ ամբողջ կաթոլիկ աշխարհի հետ ունեցած հաղորդակցութեան և թղթակցութեան դիւրութեան նկատմամբ, գնելով պապի կարգադրութեան տակ իտալական փոստային հիմնարկութեանները, նորան իրաւունք տալով թագաւորութեան սահմաններում կազմել և պահպանել սեփական փոստ. անկախ այդ բոլորից պետութիւնը պարտաւորուեց պետական զանձարանից սրապին տարեկան հասոյթ տալ:

1 Экстерриториальный.

§ 12. Քրիստոնէական պետութեան (կամ պետական քրիստոնէութեան) և համասիճանութեան (կոորդինացիո) տեսութիւնները:

Ընդհանուր—Եւրոպական կրօնա-քաղաքական յետադիմութիւնը, որ հետեւեց Նապոլեոն 1-ի անկմանը, արտայայտուեց սրբազան դաշնակցութեան մէջ, սորա վաւերագրի մէջ, ուր ստորագրել են ցամաքային Եւրոպայի երեք հզօր միապետները—Ռուսաց և Աւստրիայի կայսրներն ու Պրուսիայի թագաւորը,—արձանագրուած է, թէ միապետները և նոցա ժողովուրդը իրենց համարում են մի քրիստոնէական ազգութեան անդամներ. այս ազգութեան իսկական միապետ ճանաչում են աշխարհի քաւիչ Քրիստոսին և ցանկանում են գործել յօգուտ կրօնի, խաղաղութեան և արդարութեան պահպանութեան: Սրբազան դաշնակցութիւնը կազմող միապետները պատկանում էին երեք զանազան դաւանութիւնների. բայց և այնպէս հնարաւոր դատեցին խօսել ընդհանրապէս քրիստոնէական պետութեան մասին: Սրանից արդէն հետևում է, որ «քրիստոնէական պետութիւնը» միապետների աշխարհայեցողութեան մէջ չէր նոյնանում դաւանական պետութեան հետ, ինչպէս միջին դարում պետութիւնը կապուած էր կաթոլիկութեան հետ, իսկ վերանորոգութեան ժամանակից պետութիւններից շատերը կապուած էին բողոքականութեան և կալվինականութեան հետ: Յիշուի՝ մասամբ այդ աշխարհայեցողութեան բացատրութիւնը դրականութեան մէջ, մասամբ էլ քրիստոնէական պետութեան իդեալի իրագործմանը ձգտող մի քանի թագաւորների (առանձնապէս Պրուսիայի Ֆրիդրիխ Վիլհելմ 3-րդ և Ֆրիդրիխ Վիլհելմ 4-րդ թագաւորների) գործնական ձեռնարկութիւնները ցոյց են տալիս, որ քրիստոնէական պետութիւն ասելով՝ հասկացում էր մի պետութիւն, որ ստորագրում է ընդհանուր քրիստոնէութեան և ոչ թէ դաւանական քրիստոնէութեան, որը որոշ

գոգմատիկ դաւանաբանական (կոնֆեսիոնալ) վարդապետութիւններն մի ամբողջութիւն է. իսկ այդ ընդհանուր քրիստոնէութիւնը քրիստոնէական դաւանութիւններէ գլխաւոր հիմնական սկզբունքների մի վերացութիւն, քաղաձք է. այսինքն արեւմուտքի համար՝ հռովմէական—կաթոլիկ, լութերական և վերանորոգչական դաւանութիւններն: Պետութիւնն, այս տեսութեան համաձայն, մի որոշ եկեղեցու իշխանութեան տակ չէ գտնուում, ինչպէս այդ պահանջում էր միջին դարի հիբերոկրատիկ սիստեմը. ոչ էլ ընդհակառակը՝ իշխում է եկեղեցու կեանքի բոլոր արտաքին երևոյթների վրայ, ինչպէս քաղաքավարական պետութիւնն էր իշխում: Քրիստոնէական պետութիւնը գտնուում է ընդհանուր քրիստոնէութեան տիրապետութեան տակ. առաջնորդուում է Ս. Գրքով, որ համայն քրիստոնէութեան սեփականութիւնն է, և ամենից առաջ քրիստոնէական բարոյական օրէնքով. և այս օրէնքը պէտք է կարգաւորէ ոչ միայն քաղաքացիները մասնաւոր յարակցութիւնները, այլ և թագաւորների բոլոր ձեռնարկութիւնները: Քրիստոնէական պետութիւնը պաշտպանում է կիրակի օրերի և գլխաւոր քրիստոնէական տօների պահելը. ընդհանուր քրիստոնէական կարգութիւններին<sup>1</sup> — մկրտութեանը և պսակադրութեանը — պետական կեանքում հանրային նշանակութիւն է տալիս. հոգ է տանում չորրորդ դասակարգի մասին՝ պաշտպանելով նորան գործարանատէրերի և բանուորատէրերի շահագործումներին: Չանազան ոչ քրիստոնէական կրօնական համախըմբութիւնների հետ քրիստոնէական պետութիւնը վարուում է այնպէս, ինչպէս պահանջում են քրիստոնէական հանդուրժամութիւնը և քրիստոնէական սերը դէպի մերձաւորները. ոչ քրիստոնէաներին շնորհուում է մասնաւոր կամ քաղաքացիական իրաւունքներ, դատաստանական պաշտպանութիւն և հասարակական բարեկեցու-

1 Институтъ.

թեան մի քանի հիմնարկութիւններին մասնակցելու իրաւունք: Եւ ընդհակառակը՝ քանի որ քրիստոնէական պետութեան գաղափարի հետ կապուում է քրիստոնէական իշխանութիւն, ապա ամեն տեսակ վարչական պաշտօններ, ամբողջ օրէնսդիր, դատող և դործադիր իշխանութիւնը և իւրաքանչիւր ընտրական իրաւունք (ներգործական և կրաւորական) պէտք է ոչ քրիստոնէաների համար անմատչելի լինեն. որանց կցուում էր երդւեալ դատաւոր և նոտարական վաւերացութիւն կատարելիս վկայ լինելու իրաւունքը: Բոլոր այսպիսի իրաւունքները, որ Ֆրանսիայում «droits politiques» էին անուանում, Գերմանիայում ընդունուած էր «staatsbürgerliche Rechte» անուանել: Քրիստոնէաների ոչ քրիստոնէութիւն ընդունելը, ինչպէս և քրիստոնէայ ծնողների զաւակներին առանց մկրտութեան թողնելը արգելուում է: Պետութեան քրէական իրաւունքը պէտք է արտացօլէ իւր մէջ քրիստոնէական յայտնութեան բարոյական բնաւորութիւնը և իւր օրէնքները պէտք է հիմնէ հատուցման և ողորմածութեան միացեալ սկզբունքի վրայ:

Այս կամ այն դաւանութեան մի որոշ եկեղեցու հետ քրիստոնէական պետութիւնը պէտք է համաստիճանութեան (կոորդինացիո) յարաբերութեան մէջ գտնուի: Գոնէ կաթոլիկութեան կողմից՝ համաստիճանութեան տեսութիւնը մշակուած է որպէս քրիստոնէական պետութեան տեսութեան մի յաւելուած կամ լրացումն: Համաստիճանութեան էութիւնն այս է. պետութիւնը և մի որոշ եկեղեցի կանգնած են միմեանց կից՝ ինչպէս երկու փոխադարձաբար անկախ շրջաններ, որոնցից ոչ մէկը միւսի վրայ բարձրագոյն իշխանութիւն ունենալու յաւակնութիւն չունի. այնպէս որ պետութիւնը չէ միջամուխ լինում եկեղեցական գործերին, իսկ եկեղեցին սահմանափակուում է այն գործերի շրջանով, որ ծագում են եկեղեցական խընդիրներից: Հիբերոկրատիկ սիստեմի տեսակէտից՝ եկեղեցին ինքը, անկախ որ և է երկրային իշխանութիւնից գծում է

իւր գործունէութեան սահմանը. պետական եկեղեցականութեան տեսակէտից, ընդհակառակը՝ պետութիւնն ինքն է որոշում, անկախ եկեղեցուց, իւր և սորա գործունէութեան շրջանները. իսկ համաստիճանութեան տեսութիւնը սկզբունքով պահանջում է երկու իշխանութիւններ ի ևս փոխադարձ համաձայնութիւնը՝ խառն բնաւորութիւն ունեցող գործերի համար, որոնց շրջանները բաժանելու նկատմամբ կարող է հարց ծաղել: Այս պատճառով կոնկրետաբար իսկապէս մի անտեղի բան է թէ հիերոկրատիկ և թէ պետական եկեղեցականութեան սիստեմում. որովհետեւ ոչ այս և ոչ էլ միւսը թոյլ չեն տալիս խօսել ոչ պայմանակիցներ հաւասար իրաւունակութեան, ոչ էլ պայմանադրութեան՝ երկու կողմի համար էլ հաւասար չափով պարտադիր լինելու մասին: Իսկ համաստիճանութեան տեսակէտից՝ կոնկրետաբար դառնում է մի կանոնաւոր միջոց վիճելի հարցերը լուծելու և վիճելի եկեղեցա-պետական յարաբերութիւնները կարգաւորելու համար. այն էլ հանդիսանում է իսկական մտքով մի դաշնադրութիւն, որպէս երկու՝ հաւասար իրաւունակութիւն ունեցող կողմերի համար ևս իրաւական պարտաւորիչ մի ակտ:

Քրիստոնէական պետութեան տեսութեանը հակառակելով ասում են՝ թէ շատ բան, որ մտել է գրա ծրագրի մէջ, եկեղեցու և պետութեան յարաբերութիւնների միւս սիստեմների մէջ էլ կարող է ձեռք բերուել (օրինակ՝ կիրակի օրուայ պահելը նոյն իսկ եկեղեցու պետութիւնից բաժանման դէպքում էլ հնարաւոր է, ինչպէս Ամերիկայում. իսկ քրիստոնէական—բարոյական օրէնքի սկզբունքներով պետական օրէնսդրութեան ներշնչուելը մի անխուսափելի բան է քրիստոնէական քաղաքակրթութեան արդի պետութեանց մէջ, և մասնաւորապէս թոյլերի մասին հոգալը համարուում է սոցա էական խնդիրներից մէկը).—Թէ ոչ քրիստոնէականներին դանազան սահմանափակումների ենթարկելով և քրիստոնէականներին արգելելով ոչ քրիստոնէայ դառնալ, այսպէս ասուած, քրիստոնէական պետութիւնը պէտք է հակասէ խղճի ազատութեան, որ քրիստոնէական մի սկզբունք է.—Թէ վերացական—քրիստոնէական ամուսնական իրաւունք ստեղծելը, որ հաւասարապէս բաւարարութիւն տար բոլոր քրիստոնէական գաւառութիւններին, մի անիրագործելի բան է և

այլն . . . Առանձնապէս իւր դէմ հակառակութիւն յարուցեց համաստիճանութիւնը, որպէս քրիստոնէական պետութեան տեսութեան մի յաւերում: Համաստիճանութեան մասին կարելի կը լինէր խօսել միայն կաթոլիկ եկեղեցու նկատմամբ, որի գլուխը չէ գտնուում որ և է պետական իշխանութեան գերիշխանութեան՝ տակ և, ինչպէս հոգևոր գերիշխանութեան տէր, միջազգային գիրք է բռնում նման պետական գերիշխանութեան տէրերին: Ուստի այդ տեսակէտից դժուար կլինէր հակառակել եկեղեցական և պետական իշխանութեան համանմանութեանը և կոնկրետաբար, որպէս խառն բնաւորութիւն ունեցող գործերից առաջացած ընդհարումները վերացնելու ամենալաւ միջոցին: Բայց հէնց կաթոլիկ կանոնական իրաւունքի համար, ինչպէս որ այդ պատմականօրէն մշակուել է, մի խորթ բան է պետական իշխանութիւնը եկեղեցականին հաւասար համարելը. պետական իշխանութիւնը աշխարհական, ծառայական և հոգևորին ստորադրուած մի իշխանութիւն է. և պապի աչքում, որ ամբողջ կաթոլիկ աշխարհի գլուխն է, մի առանձին պետութիւն աւելի բան չէ, քան «գրքի մի գլուխ» (Տէն): Կաթոլիկ կենդրոնի կուսակցութիւնը պրուսական պարլամենտում 70-ական թուականներին (այսպէս անուանուած քաղաքակրթական մարտի ժամանակ Culturkampf) համաստիճանութեան տեսակէտին էր. պաշտպանում էր եկեղեցու պետութեան հաւասար իրաւունակութիւնը և այդ հիման վրայ մերժում պետութեան՝ իւր միակողմանի օրէնսդրութեամբ խառն գործերը կարգաւորելու իրաւունքը: Բայց հէնց կաթոլիկ գրականութեան մէջ այդ հայեացքը կամ հերքուում էր, ինչպէս սխալ կամ ընդունուում էր միայն ինչպէս ժամանակի հանգամանքների առաջ անհրաժեշտ մի զիջողութիւն, որով սակայն դեռ չէին հրաժարուում կանոնական սկզբունքներից (salvis principiis): Իսկ պետական իշխանութեան համար կաթոլիկ եկեղեցին, որ գտնուում է նոյն պետութեան սահմաններում և կազմուած է այդ պետութեան հպատակներից, նոյնպէս աւելի բան չէ, քան «գրքի մի գլուխ»: Պապի ունեցած միջազգային գիրքը չէ խանդարում, որ պետութեան տերրիտորիումի վրայ գտնուած կաթոլիկ եկեղեցու բոլոր անդամներն և օրգանները նոյն պետութեան ծայրագոյն իշխանութեան նկատմամբ հպատակութեան և հնազանդութեան պետական—իրաւական յարակցութեան<sup>2</sup> մէջ լինեն: Իսկ ինչ վերաբերում է կոնկրետաբար, որանք նախ՝ չեն կարող մեշտ գլուխ գալ պետութեան և եկեղեցու

1 Суверенитетъ.  
2 Государственно правовое отношение.

իշխանութիւններն հաւեացակէտերն կտտարելապէս հակառակ լինելու պատճառով. և երկրորդ՝ նոյն իսկ կայացած կանկորդաւանները իրենց կցուող Վրացական յօդուածներն» շնորհիւ կարող են ընդհարումներն նոր աղբիւր ծառայել: Համաստիճանութեան տեսութիւնը աւելի ևս քիչ գործադրելի է աւետարանական եկեղեցու վերաբերմամբ. թէպէտ ոչ միայն գրականութեան մէջ գործադրելու փորձեր են եղել, այլ նաև Գերմանիայի բողոքական պետութիւններինց ամենից նշանաւորն գլուխը, ինքը, Պրուսիայի թագաւոր Ֆրիդրիխ Վիլհելմ 4-րդը, 40-ական թուականներին, գեռ ևս «եկեղեցին պետութիւնից բաժանելու» գաղափարի գործածական դառնալուց առաջ (տես § 11), ամաչելով աւետարանական եկեղեցու մէջ ունեցած իւր եպիսկոպոսական գիրքից՝ դիտաւորուեց «եկեղեցու կառավարութիւնը յանձնել արդար ձեռքերին»: Յետագայ բողոքական գիտութիւնը այդ բանի մէջ լոկ թիւրիմացութիւն է տեսնում: Բողոքական եկեղեցին չէ կարող եկեղեցու վրայ նայել որպէս մի առանձին կազմակերպութեան վրայ, որ՝ պետութեան իշխանութեանը հաւասարազօր իւր սեփական իշխանութիւնն ունի. այսպիսի մի հայեացք չէ համապատասխանում ոչ վերանորոգիչների վարդապետութեան, որոնք ճանաչում և հասկանում էին միայն մի քրիստոնէայ եկեղեցապետական կարգ (տես § 7), — ոչ էլ իրական կեանքին, քանի որ աւետարանական եկեղեցին չունի ոչ մի նախնապետական գլուխ, որ պետութեան գլխի հետ կոնկորդատ կապէ. այլ ընդհակառակը՝ պետութեան գլուխը պետական գերիշխանութեան հետ միացնում է իւր անձի մէջ նաև եկեղեցական գերիշխանութիւնը, նոյն իսկ այնպիսի պետութիւններում, ուր միտպետը անձամբ չէ պատկանում աւետարանական դաւանութեան (օր. Աւստրո-Հունգարիայում և Բաւարիայում): Համաստիճանութեան տեսութիւնից վերջապէս պէտք է բղխեր, որ ոչ միայն պետութիւնը որոշ դաւանութիւններն եկեղեցիներն վրայ՝ որպէս իրեն հաւասար ոյժերն վրայ պէտք է նայէր, այլ այս վերջիններն էլ փոխադարձաբար միմեանց վրայ պէտք է նայէին նոյն տեսակէտից: Մինչդեռ եթէ առհասարակ իւրաքանչիւր քրիստոնէական եկեղեցուն յատուկ է բացասիկ գիրք գրաւելու ձգտումը, քանի որ իւրաքանչիւր եկեղեցի միայն իրեն է համարում քրիստոնէական ճշմարտութիւնը կրող և արտայայտիչ, սպա առանձնապէս այդ միտքը յատուկ է կաթողիկոսութեան, որ թոյլ չէ տալիս որ և է այլ եկեղեցի իրեն համոռնման և հաւասար չափով իրաւունակ ճանաչել: Որպէս զի պետութեան սահմաններում հնարաւոր լինի եկեղեցիների խաղաղ համակեցութիւնը, պետական իշխանութիւնը առանձին եկեղեցիներից բարձր պէտք է

կանգնած լինի և գործադրէ դրանց նկատմամբ իւր գերիշխանութեան իրաւունքները (Kirchenhoheit):

§ 13. Իրաւական պետութեան (rechtsstaatliche Theorie) կամ պետութեան՝ եկեղեցիների վրայ ունեցած գերիշխանութեան (Kirchenhoheit) տեսութիւնը:

Իրաւական պետութեան տեսութեան արմատները գտնուում են բնական իրաւունքի մէջ. բայց այս տեսութիւնը աշխատում է խուսափել թէ ֆրանսիական յեղափոխութեան գործիչների արած սխալից, որոնք քաղաքացու՝ և խղճի ազատութիւն հրատարակեցին և մի և նոյն ժամանակ այդ ազատութիւնը բռնադատեցին, և թէ եկեղեցու բոլոր ներքին գործերին քաղաքավարական միջամխութիւնից, նմանապէս նաև եկեղեցու՝ որպէս մասնաւոր համախմբութեան վրայ եղած ամերիկական հայեացքից: Իրաւական պետութեան տեսութիւնը էապէս տարբերում է նաև թէ հիերոկրատիայից և թէ պետական քրիստոնէութիւնից այն բանով, որ պարզ կերպով գիտակցում է պետական և եկեղեցական մարմինների տարբեր լինելը: Իրաւական պետութիւնը չէ յենում՝ ոչ մի որ և է դաւանութեան դրական եկեղեցական իրաւունքի վրայ, ոչ էլ տարբեր դաւանութիւններից կազմուած մի ընդհանուր քրիստոնէութեան վրայ. այլ գործում է բնական արդարութեան հիմունքով (justitia naturalis): Իւրաքանչիւր քաղաքացու տրուում է խղճի անհատական ազատութիւն և քաղաքացիական ու պետական իրաւունքների անկախութիւն դաւանութիւնից. սակայն մի և նոյն ժամանակ գիտնականները նկատում են, որ բացարձակ և անսահման խղճի ազատութիւն չկայ: Ազատութիւնը ամենից առաջ իւր սահմանը քաղաքացու հա-

1 Гражданинъ.

սակի մէջ է գտնուում, քանի որ երեխայական հասակում չէ կարող լինել կրօնական ազատ ինքնատրոշում: Ապա պետութիւնը՝ պաշտպանելով պետական իրաւական կարգի անխախտ լինելը, խղճի անհատական ազատութեան համար դնում է նիւթական սահմաններ. ոչ ոք իրաւունք չունի, յենուելով իւր խղճի վրայ, անպատուել, սպանութիւն գործել, մի ամուսնութեան գոյութեան ժամանակ երկրորդ անգամ ամուսնանալ. նմանապէս ոչ ոք իրաւունք չունի մերժել անձնական և գոյքական բնաւորութիւն ունեցող այն պարտականութիւնների կատարելը, որ դրուած են իւրաքանչիւր հպատակի վրայ, արգարացնելով իրեն իւր խղճի պահանջով: Իրաւական պետութիւնը եկեղեցական կառավարութեան վրայ չէ նայում, ինչպէս իւր սեփական կառավարութեան մի մասի վրայ և չէ արգելք լինում, որ եկեղեցին կազմուի և զարգանայ իբրև մի հասարակական կազմակերպութիւն: Եկեղեցին մտնում է պետութեան մէջ, ինչպէս ինքնօրինութեան<sup>1</sup> կամ ինքնավարութեան<sup>2</sup> որոշ շրջան ունեցող մի ընկերակցութիւն, և այդ շրջանի սահմանները որոշում է ոչ եկեղեցին, ոչ էլ եկեղեցու ու պետութեան փոխադարձ համաձայնութիւնը, այլ մի միայն պետութիւնը իւր սեփական օրէնսդրութիւնով: Պետութիւնից գծուած շրջանի սահմաններում եկեղեցին վարում է ազատ. եկեղեցին իւր սեփական միջոցներով է իւր կանոնադրութիւնները ընդունել տալիս իւր անդամներին և պետութեան աջակցութիւնը վայելում է այն չափով, որքան որ այդ պահանջում են պետութեան շահերը և չէ հակասում խղճի ազատութեան: Իրաւական պետութիւնը ուղղակի անհնարին բան է համարում վարուել եկեղեցու հետ այնպէս, ինչպէս վարում է մի մասնաւոր ընկերակցութեան հետ, և հէնց կրօնական համախմբութիւնների մէջ զանազանում է մեծ

1 Автономія.  
2 Самоуправление.

պատմական եկեղեցիները, որ ներքուստ ձուլուել են ժողովրդի կեանքի հետ և մեծ իշխանութիւն ունեն իրենց անդամների մտքերի վրայ, միւս կրօնական համախմբութիւններից: Պետութիւնը պատմական քրիստոնէական եկեղեցիները ճանաչում է ոչ միայն իբրև ընկերակցութիւններ՝ քաղաքացիական իրաւունքի իրաւաբանական անձի մտքով, այլ և իբրև արածնեալ ընկերակցութիւններ:

Պետութեան՝ եկեղեցիների վերաբերմամբ ունեցած իրաւունքների համադրումարը գերմանական իրաւաբանական գիտութեան մէջ կոչուում է Kirchenhoheit, ինչպէս հոմանիշ բնական իրաւունքի փիլիսոփայութեան կազմած՝ jura majestatis circa sacra տերմինի («Մեծութեան իրաւունքներ եկեղեցու նկատմամբ»): Բայց բնական իրաւունքը մեծութեան այդ իրաւունքները (որ բաժանում էր jus reformandi, jus inspiciendi cavendi և jus advocatiae, տես § 9) աւելի բացասական նպատակների մտքով էր հասկանում, քան գրական (որոշ կրօնական համախմբութիւններ թոյլ չտալու իրաւունք, իրաւունք ամեն տեսակ վտանգներ հեռացնելու, որ համախմբութեան կողմից կարող են սպառնալ պետութեան շահերին, և իրաւունք փարատելու այնպիսի վտանգներ, որ այլ համախմբութիւնների կամ մասնաւոր անձանց կողմից սպառնում են օրէնքների պաշտպանութիւնը վայելող համախմբութեանը): Թէպէտ բնական իրաւունքը պետական իշխանութեան ձեռքն էր տալիս նաև եկեղեցու կառավարութիւնը (jus in sacra, interna), բայց տեսականօրէն տարբերում էր միմեանցից մեծութեան՝ եկեղեցու նկատմամբ վայելած իրաւունքներն և եկեղեցու կառավարութիւնը: Իրաւական պետութիւնը սկզբունքով հրաժարուում է եկեղեցին կառավարել ինքնօրինութեան այն շրջանում, որ պետական օրէնքներով յատկացուած է եկեղեցուն. իսկ գերիշխանութեան գաղափարը՝ բացասական իրաւունքների ամբողջութեան մտքով, գործադրում է միայն այն կրօնական համախմբութիւնների համար, որ գոյութիւն ունեն պետու-



Թեան մէջ մասնաւոր համախմբութիւնները կամ ընկերակցութիւնների գիրքով (Religionshoheit): Իսկ եկեղեցիների՝ ինչպէս արտօնեալ ընկերակցութիւնների, վերաբերմամբ մեծութեան իրաւունքների գաղափարն ունի հարուստ գրական բովանդակութիւն: Պետութիւնը՝ բնական բարոյական օրէնքին ծառայելով, չէ կարող չղնահատել եկեղեցին, որը քարոզում է աստուածային յայտնութեան բարոյական օրէնքը, ազգում է մարդուս հոգու վրայ և ձգտում է նորան բարոյապէս կատարելագործելու, ի կատարումն աստուածային կամքի: Իբրև համար պետութիւնը ոչ միայն վերահսկում է եկեղեցու գործունէութեանը և գրական կերպով մասնակցում խառն բնաւորութիւն ունեցող գործերին (օր. եկեղեցական պաշտօններ հիմնելը կամ փոփոխելը, եկեղեցական պաշտօնեաներ պատրաստելը և նշանակելը, եկեղեցու ունեցուածքի կառավարութիւնը), այլ և աջակցում է եկեղեցուն՝ պահում կիրակի և տօն օրերը, բոլոր ուսումնական հաստատութիւններում կրօնի դասաւանդութիւնը պարտադիր առարկաների շարքում է դնում. հաստատում և պահում է աստուածաբանական ֆակուլտետներ եկեղեցական գիտութիւնը մշակելու համար. ապահովում է եկեղեցու պաշտօնեայ անձերին՝ պետական թոշակ տալով և պաշտօնապէս նոցա իրենց պաշտօնի մէջ որպէս հանրային իրաւունքի պաշտօնեայ օրգաններ ճանաչելով, իսկ հոգեւոր քահանայապետութեան բարձր ներկայացուցիչներին բարձր պետական դիրք շնորհելով (օր. վերին և ներքին պալատների անդամ նշանակելով). ի կատար է ածում եկեղեցու վարչական և դատաստանական հիմնարկութիւնների կարգադրութիւնները և վճիռները. սահմանում է քրէական պատիժներ այնպիսի յանցանքների համար որ միջին դարում կոչւում էին խառն ատեանի յանցանքներ (delicta mixti fori). Երբ եկեղեցական հիմնարկութիւնները խուզարկութիւն են անում, աջակցում է նրանց. օր. ստորականական հիմնարկութիւնների ձեռքով տեղեկութիւն-

ներ հաղորդելով. պահանջում է եկեղեցական տուրքերը և թոյլ տալիս կրօնի հրատարակական կատարումը: Երբ պետութեան մէջ մի քանի եկեղեցի է լինում՝ պետութիւնը դրանց հաւասար կերպով է վերաբերում. սակայն այդ հաւասարութիւնը (պարիտետ) մատեմատիկական մտքով չպէտք է լինի՝ «բոլորին հաւասար», այլ արդարութեան մտքով՝ «խրաքանչիւրին իւրը»: Պետութիւնը այն եկեղեցին է աւելի դեհահատում և միւսների համեմատ դնում աւելի արտօնեալ դրութեան մէջ, որին պատկանում է պետական տերրիտորիումի ազգաբնակչութեան մեծագոյն մասը և որը, հետեւապէս, գործունէութեան աւելի մեծ չրջան ունի: Իսկ միւս կողմից՝ պետութեան հսկողութիւնն էլ եկեղեցիների վրայ կարող է լինել ոչ միատեսակ. կաթոլիկ եկեղեցին, իւր ամուր կազմակերպութեամբ և միջնադարեան աւանդութիւններով, աւելի ընդարձակ և աչալուրջ վերահսկողութեան անհրաժեշտութիւն է առաջ բերում, քան աւետարանական եկեղեցին:

Վերմանական զիտութիւնը խոստովանում է, որ այս տեսութիւնը ապագայի տեսութիւնն է. որովհետեւ թէպէտ գործնական կեանքը դանազան ցամաքային պետութիւններում ձգտում է եկեղեցա—պետական յարաբերութիւնները կարգաւորել այս տեսութեան ոգով, սակայն ներկայումս եղած սիտատը իսկապէս զանազան սիստեմների կտորների մի անսկզբունք խառնուրդ է: Առանձին դիրք է բռնում Ֆրանսիան, որի եկեղեցա—պետական յարաբերութիւնները շատ քիչ տառչութիւն ունեն իրաւական պետութեան տեսութեան հետ վերևում բացատրուած մտքով: Թէպէտ կաթոլիկ եկեղեցին 1801 թ. մինչև այժմ գործող կոնկորդատի համաձայն Ֆրանսիացիների մեծամասնութեան եկեղեցին է, բայց պետութիւնը հէնց կաթոլիկ եկեղեցու հետ թշնամարար է վարուած: Մյուս կողմից թշնամական յարաբերութեան օրինակներ են՝ պետական բոլոր դրարոցներում կրօնի դասաւանդութիւնը արգելուած է. պետութիւնը չէ ճանաչում խոստովանութեան գաղտնի պահելը. հոգևորականութիւնը չէ ազատում զինւորագրութիւնից. եկեղեցու ունեցուածքի կառավարութիւնը ենթարկում է իւր ծանր հսկողութեանը: Եթէ թշնամութեան պատճառը առաջ այն հանգամանքն էր եղել, որ «կաթոլիկը» հոմանիշ էր «առօտախտին», ուրիմն եղած պետա-

կան կարգի թշնամուն, այս ըստ երևոյթին այդ պատճառը պէտք է վերանայր, երբ պատի և Ֆրանսիական հոգևորականութեան կողմից հանրապետութիւնը ճանաչուեց: Մի բան անկասկած է, որ եթէ մէկը տուժում է այս անկանոն յարաբերութիւնից, այդ ոչ թէ եկեղեցին, այլ պետութիւնն է, որ զրկուում է ամենահաստատ բարոյական հիմքերից՝ դուրս հանելով կրօնը ուսումնարաններից և հոգևորականութեան հետ թշնամաբար վարուելով: Բայց այն պետութիւնների համար էլ, ուր այնպիսի թշնամութեամբ չեն համակուած դէպի եկեղեցին, ինչպէս Ֆրանսիայում, իրաւական պետութեան կամ եկեղեցու վրայ պետական գերիշխանութեան տեսութիւնը եկեղեցու և պետութեան խաղաղ յարաբերութիւնների համար չէ երաշխաւորում: Երաւական պետութիւնը ցանկանում է, որ ինքը իւր սեփական օրէնսդրութիւնով կարգաւորէ այսպէս անուանուած խառն գործերի ամբողջ շրջանը. մինչդեռ եկեղեցական գործերի մեծ մասը հէնց խառն բնաւորութիւն ունի, այսինքն վերաբերում է թէ եկեղեցուն և թէ պետութեանը. օր. եկեղեցական վարդապետութիւնը. պաշտամունքը իւր արտաքին արտայայտութիւններով. եկեղեցու կարգապահական—դատաստանական իշխանութիւնը. եկեղեցական պաշտօններ հիմնելը, փոփոխելը, վերացնելը և նշանակելը. դպրոցական հիմնարկութիւնները, ուր եկեղեցու ապագայ սպասաւորները ստանում են իրենց դաստիարակութիւնը. ամուսնութիւնը. եկեղեցական ընկերակցութիւնները. եկեղեցու ունեցուածքը.—այս բոլորը ոչ միայն եկեղեցու համար են կարևոր, այլ և ունեն պետական կարևոր նշանակութիւն: Ինչպիսի տեսական հիմքեր էլ որ առաջ բերուէին՝ եկեղեցին պետութեան սահմանում գոյութիւն ունեցող ընկերակցութիւններից մէկը համարելու հայեացքը արգարացնելու համար, բայց և այնպէս մի անհերքելի փաստ է, որ սրտով ծայրագոյն իշխանութիւն ունի կաթոլիկ քրիստոնէութեան վրայ, հէնց այդ խառն գործերի վերաբերմամբ յաւակնութիւն ունի օրէնսդրելու և իւր օրէնսդիր իշխանութիւնը ամենից քիչ կարող է զիջանել յօգուտ մի պետութեան, որ սկզբունքով իրեն անկախ է համարում քրիստոնէութիւնից և օրէնսդրում է փոփոխական պարլամենտական հոսանքների ազդեցութեան տակ: 70-ական թուականների, այսպէս անուանուած, «բաղադակրթական մարտը» (Culturkampf), երբ Պրուսիայում զանազան «խառն» բնաւորութիւն ունեցող հարցերի վերաբերմամբ պետական օրէնքների մի շարք հրատարակուեց, և նոյն մարտի ելքը—համարեա այդ բոլոր օրէնքների յետագայ վերացումը—սխալ պայծառ կերպով ցոյց տուին, թէ որքան դժուար է կաթոլիկ եկեղեցու վրայ նայել, ինչպէս պետութեան սահմանում

եղած լոկ մի ընկերակցութեան վրայ: Արևմտեան Եւրոպայի կեանքում նոյն իսկ աւետարանական եկեղեցու և պետութեան մէջ ընդհարումների հնարաւորութիւն է նկատուում, չընայելով որ եկեղեցական իշխանութիւնը այստեղ միանում է պետութեան իշխանութեան հետ միապետի մի անձի մէջ: Եկեղեցական օրէնքներ հրատարակելիս նախապէս կշռադատուում են պետութեան շահերին վերաբերող բոլոր հնարաւոր խորհրդածութիւնները, և եկեղեցական օրէնքը պէտք է հրատարակուի միայն այն ժամանակ, երբ մինիստրները կը ծանուցանեն, որ պետական տեսակէտից օրէնքի դէմ առարկութիւն չկայ. (dass gegen das Gesetz von Staatswegen nichts zu erinnern ist). այնպէս որ միմեանց հակառակող եկեղեցական և պետական օրէնքների երեան գալը ըստ երևոյթին աներևակայելի պէտք է ներկայանար. սակայն իրօք կարող է սլատահել, որ թագաւորը, որպէս եկեղեցական կառավարութեան գլուխ, հրատարակէ մի եկեղեցական օրէնք մինիստրների առարկութեան հակառակ կամ նոյն իսկ առանց մինիստրների ընդդիմութեան. բայց պաշտոնները այդ օրէնքի մէջ կարող են պետական օրէնքների նկատմամբ հակասութիւն գտնել և ապօրինի յայտարարել, որով պետական դատարանները կարող են այդ եկեղեցական օրէնքի պարտաւորիչ ոյժը ժխտել այն բոլոր յարակցութիւնների համար, որոնք չիւում են քաղաքացիական կարգի հետ: Հետեանքը կլինի ընդհարում, գուցէ աւելի ևս աներանելի, քան պետութեան և կաթոլիկ եկեղեցու ընդհարումը. և այս պարզ կերպով ցոյց է տալիս, թէ միապետի, ինչպէս աւետարանական եկեղեցու գլխի, գերքը այնպիսի մի ընկերակցութեան գլխի կամ նախագահի դերք չէ, որ մտնում է պետութեան կազմի մէջ:

§ 14. Եկեղեցա-պետական յարաբերութիւնները Ռուսաստանում:

Մինչև 18-րդ դարը պետութեան և եկեղեցու յարաբերութիւնները Ռուսաստանում որոշուում էին ընդհանրական սկզբունքներով: Քանի որ Ռուսաց եկեղեցին դեռ կախում ունէր Կ. Պօլսից, նրա բարձրագոյն հոգևոր իշխանութիւնը այդ սկզբունքները դրսից էր ներմուծում,

որովհետև Ռուսաստանից դուրս էր դառնում և ներկայանում յանձին պատրիարքի և կայսրի, որոնք Ռուսաց եկեղեցին համարում էին Կ. Պոլսի պատրիարքութեան մետրոպոլիտական շրջաններից մէկը: Իսկ 15-րդ դարից Ռուսաց եկեղեցա-պետական կեանքը արդէն ինքնիրեն սկսեց կազմակերպուել բիւզանդականի օրինակով: Ռուսի բիւզանդականութեան էական գծերը նաև Ռուսաց եկեղեցա-պետական յարաբերութեան մէջ պէտք է առաջ գային այնպիսի ձևափոխութիւններով, որոնք պայմանաւորուած էին Ռուսաց ազգային կենցաղի առանձնայատկութիւններից:

1) Եկեղեցա-պետական մարմնի միութիւնը Ռուսաստանում կառավարութեան քաղաքականութեան համար նոյնպիսի մի իդէալ էր, ինչպէս և Բիւզանդիայում. եկեղեցին համարում էր մի և նոյն համախմբութեան կրօնական կողմը, պետութիւնը—քաղաքական: Հետևանքը այստեղ էլ պէտք է նոյնը լինէր, ինչ որ Բիւզանդիայում՝ եկեղեցուն չպատկանող անձանց քաղաքական և քաղաքացիական ապիրաւունակութիւնը: Իրօք, այս հետևութեան խստութիւնը մեղմանում էր այն բանով, որ նախ՝ այլազգիների մի մեծ բազմութիւն կար Ռուսաստանում, որոնք չէին պատկանում քրիստոնէութեան, սակայն մտնում էին Ռուսաց պետութեան աւելի ու աւելի ընդարձակուող կազմի մէջ. երկրորդ՝ որ գէթ քաղաքացիական իրաւունակութիւն էր շնորհուած այն անձանց, որոնք պատկանում էին քրիստոնէական օտարերկրեայ դաւանութիւններին. քանի որ ոչ միայն նախնական շրջանում (удѣльно-вѣчевая эпоха), այլ և Մոսկուայի պետութեան ժամանակ, վաճառականական և այլ գործերի պատճառով Ռուսաստանում բնակուում էր օտարերկրացիների մի նշանաւոր թիւ, չնայելով Ռուսաստանի արևմտեան Եւրոպայից բոլորովին կտրուած լինելուն: Իսկ բնիկ ազգաբնակչութեան՝ ուղղափառ եկեղեցուն ստիպողապէս պատկանելը մի անփոփոխ օրէնք էր:

2) Նախ քան Մոսկուայի պետութեան կազմուելը Ռուսաստանում չկար մի այնպիսի աշխարհական իշխանութիւն, որ կարողանար համեմատուել մետրոպոլիտի իշխանութեան հետ և հակադրուել այս վերջինին. որովհետև մետրոպոլիտին—էքզարխին, որը Կ. Պոլսից լիազօրութիւններ էր ստանում, պէտք է հնազանդ լինէին հաւասարապէս թէ եպիսկոպոսները, թէ փոքր (удѣльные) և թէ մեծ իշխանները: Բայց մի և նոյն ժամանակ ոչ առիթ կար, ոչ էլ նպաստաւոր հող որ Ռուսաց յատկապէս եկեղեցա-պետական յարաբերութիւնների համար այն իրաւական հետևանքները առաջ բերէին, որ բղխում էին մետրոպոլիտի նախապատիւ գիրքից, որովհետև մետրոպոլիտի վրայ էլ կար Բիւզանդիայի պատրիարքի և կայսրի բարձրագոյն իշխանութիւնը: Ընդհակառակը՝ Կ. Պոլսից անկախ դառնալուց յետոյ, Մոսկուայի թագաւորը Մոսկուայի զօրեղացած պետութեան մէջ անձամբ պէտք է եկեղեցու կարգի և նուիրապետութեան նկատմամբ նոյն գիրքը բռնէր, ինչ գիրք որ բռնել էր կայսրը Բիւզանդիայում: Թէպէտ Մոսկուայի թագաւորը չանուանեց իրեն ոչ «արտաքին» ոչ էլ «ընդհանուր» եպիսկոպոս, բայց սա էլ ասում էր, որ Մստուած իրեն թագաւոր և հովիւ է դրել հպատակների վրայ, որպէս զի առաջնորդէ նոցա անդրդուելի ուղղափառութեան ճանապարհով, դաստիարակէ նոցա ի ճշմարտութիւն և ի լոյս: Սա էլ հաւաքում էր իւր երկրում կամ իշխանութեան ւսակ դառնուած եպիսկոպոսներին՝ մաքուր ցորենից հերետիկոսութեան որոմները կորզելու: Սա էլ եկեղեցու և պետութեան կարգերի մէջ սահման չէր գծում. հաւասարապէս զբաղուած էր թէ մէկի և թէ միւսի կարգաւորմամբ, և եկեղեցու կարգը հաստատելիս՝ պահպանում էր այդ պետական իշխանութեան բոլոր միջոցներով, «Որպէս զի այդ գործը իւր թագաւորական երկիւղի ներքոյ հաստատ լինի»: Սյս պատճառով եկեղեցական կարգապահութեան զանազան պահանջների խախտման համար սպառնում էին ոչ միայն

աստուածային զայրոյթ և եկեղեցական պատիժ, այլ և թագաւորի սպառնալիքը:

«Վալաամի Սերգիյ և Գերման հրաշագործների խօսակցութիւն» անվաւեր գրուածքում թագաւորին խորհուրդ է տրւում «Իւր խոնարհ թագաւորական սաստով սահմանել, որ վանքերում և ամեն ուրեք մօրուք և բեխ չսփրեն, երեսի խաչակիքիւ լիովին կատարեն, ամեն մարդ, թէ արական և թէ իգական սեռի, 12 տարեկան հասակից սկսած ամեն տեղ և ամեն տարի սպաշխարէ և հարրգուի, խոստովանէ Աստուծոյ և խոստովանահօր առաջ: Թագաւորը պէտք է խիստ հոգատարութիւն ունենայ ամբողջ աշխարհի կողմից իւր հօտի և զօրքի վրայ, որպէս զի բոլորի համար Բարձրագոյն Թագաւորի առաջ պատասխանատուութեան չենթարկուի... Բարեպաշտ թագաւորներին, մեծ իշխաններին և այլ իշխանութիւնները Աստուած ստեղծել է, որ նորա իրենց հոգու փրկութեան համար պահպանեն այս աշխարհը» և այլն:

Քանի որ եկեղեցական կարգադրութիւնները մի և նոյն ժամանակ նաև պետական պարտաւորիչ նորմաներ էին, ուստի պետութիւնը իւր աշխարհական օրէնքներն էլ, որ վերաբերում էին քաղաքացիական կարգին, պէտք է համակերպէր եկեղեցու պահանջներին: Սակայն միւս կողմից Ռուսաստանում չէր կարող անյայտ մնալ «քահանայութեան» և «թագաւորութեան» այն համեմատական գնահատութիւնը, որ հէնց Բիւզանդիայում էլ տեսականի շրջանից երբեմն գործնական հողի վերայ էր տեղափոխուում: Արդէն Մոսկուայի առաջին մետրոպօլիտները շեշտում էին քահանայութեան գերազանց լինելը ամենայն երկրային իշխանութիւնից, և այս գաղափարի գործնական զարգացման համար Մոսկուայում աւելի նպաստաւոր պայմաններ կային քան Բիւզանդիայում: Մոսկուայի թագաւորը չունէր այն պատմական անցեալը, որ ունէին քրիստոնէական հռովմէական կայսրները: Վերջինները բազմադարեան հռովմէական աւանդութիւնների մէջ նեցուկ էին դնում այն հայեացքի համար, որով իրենք հանդիսանում էին իշխանութեան միակ ներկայացուցիչներ, իսկ եկեղեցական կարգը-պետական հանրային կարգի

մի բաղկացուցիչ մաս: Իսկ Մոսկուայի թագաւորը գործում էր «նախանձախնդիր լինելով Տեառն Աստուծոյ համար և պաշտպանելով իւր մայր սուրբ եկեղեցին»<sup>1</sup> ուրեմն ոչ այնքան իւր կառավարական իշխանութեան գիտակցութեամբ էր գործում նա, որքան իւր պարտքի գիտակցութեամբ՝ ծառայել Աստուծոյ և եկեղեցուն բոլոր զօրաւոր միջոցներով, որ թագաւորի կարգադրութեան տակ են, որովհետև այդ պարտքը զանց առնելու համար իրեն թագաւորին սպառնում էր Աստուծոյ բարկութիւնը, որի մասին յիշեցնելու նուիրապետութիւնը ոչ մի առիթ բաց չէր թողնում: Սակայն նշանաւոր է այն, որ քահանայութեան թագաւորութիւնից գերազանց լինելու բիւզանդական նուիրապետական գաղափարներին, այսպէս ասած, թիկունք տալու համար արդէն 16-րդ դարի սկզբում արևմուտքից Ռուսաստան մուտք գործեց երկու սրերի լատին—գերմանական տեսութիւնը:

Եկեղեցու ունեցուացքը գրաւել փորձողները դէմ գրուած մի ճառի անյայտ հեղինակը (ճառը գրուել է մի անյայտ ուսուարէպետի սկիզբի յանձնարարութեամբ) ոչ միայն ասպացուցանում է, որ «աշխարհական իշխանութիւնը գտնուում է հոգևոր իշխանութեան ասկ, քանի որ Աստուծուց գերազատուած է հոգևոր պատիւը», այլ և երկու սրերի տեսութիւնը կրկնում է արևմտեան հիերոկլասիկ ձևով, հիմնուելով Ս. Գրքի նոյն տեղերի վրայ, որոնց վրայ յենուում էին միջին դարի կաթոլիկ կանոնադէտները, և նոյն իսկ յիշում է «աշխարհական բազուկների» մասին (brachium saeculare), որոնց օգնութեամբ եկեղեցին պէտք է գործէ «հակառակորդների ոյժերը փարատելու համար»: Որ «աշխարհական բազուկներին» կրցուում էր այն պարզ գաղափարը, թէ հերետիկոսների եկեղեցու դատապարտումը պէտք է պետութիւնը ի կատար անէ, ամենից լաւ երևում է Նովգորոդի եպիսկոպոս Գեննադիի գործունէութեան եղանակից. սա Վոլոկոլամի արժանապատիւ եպիսկոպոս Յովսէփի հետ մեասին 15-րդ դարի վերջում և 16-րդի սկզբում այն կուսակցութեան գրուելը կանգնեց, որ պահանջում էր հերետիկոսներին մահուան պատժի ենթարկել, և յենուում էր Խալանիայի թագաւորի օրինակին, որը հաւատաքնութիւննով մաքրեց իւր երկիրը հերետիկոսութիւններից: Գեննադին էր, հաւանօրէն, այն արքեպիս-

կապուցը, որի յանձնարարութեամբ անյայտ հեղինակը կազմել էր իւր «ճառը» եկեղեցու ունեցուացքը գրաւորների դէմ: Բիւզանդական նուիրապետութեան այն գաղափարը, թէ քահանայութիւնը գերաբազանց է թագաւորութիւնից՝ երկու սրերի արեւմտեան տեսութեան հետ շփուելու շնորհիւ, ստանում էր ձիշտ իրաւաբանական ձեւակերպութիւն:

17-րդ դարում Միքայէլ Թէոդորովիչի և Ալէքսէյ Միխայլովիչի թագաւորութեան ժամանակ՝ Ֆիլարէտ և Նիկոն պատրիարքները նոյն «մեծ տէր» («Великий государь») տիտղոսն էին կրում, ինչ որ և ինքը թագաւորը. այնպէս որ Մոսկուայի պետութեան մէջ երեւան եկաւ իսկական երկիշխանութիւն կամ երկպետութիւն: Եւ եթէ Միքայէլի թագաւորութեան ժամանակ երկու իշխանութիւնների այդ ակներև համագոյութիւնը ընդհարման առիթ չէր տալիս հայր-պատրիարքի և որդի-թագաւորի մէջ, բայց ընդհարումը անխուսափելի կերպով պէտք է առաջ գար Ալէքսէյ Միխայլովիչի թագաւորութեան ժամանակ, որը «մեծ տէր» տիտղոսին արժանացրեց ոչ թէ իւր հարապատ հօրը, այլ մի օտարի՝ այն էլ եռանդուն և իշխասէր մարդու: Դարձեալ նշանաւոր է և այն, որ Նիկոն պատրիարքը՝ թագաւորի և իշխանաւորների հետ իւր վարած մարտում, քահանայութեան թագաւորութիւնից գերազանց լինելը պաշտպանում էր ոչ միայն այնպիսի ապացոյցներով, որ կարելի էր բիւզանդական աղբիւրներից քաղել: օր. Էպանագոգէից, այլ և այն տեսակ հիմքերով, որոնք պարզ ցոյց են տալիս, թէ նա ծանօթ է եղել արեւմտեան հիերոկրատիկ տեսութեանը: Ոչ թէ քահանայութիւնն է թագաւորութիւնից սկիզբ առնում, այլ թագաւորներն են թագաւորութեան օժուում քահանայութեան ձեռքով, ասում էր Նիկոնը: Քահանայութիւնը սկզբնական իշխանութիւն է, թագաւորութիւնը ածանցեալ. թագաւորը օժուելուց առաջ պէտք է հաւատի խոստովանութիւն արտասանէ, իսկ քահանայապետը՝ լսելուց յետոյ, պէտք է դատէ, արդեօք թագաւորը ճշմարիտ

հաւատ ունի կամ արժան է երդման. թագաւորի իշխանութիւնը լուսին է, որ իւր լոյսը ստանում է արևից. իսկ քահանայապետինը այդ արևն է, որի շնորհիւ թագաւորը լուսաւոր մարմին է դառնում. թագաւորը, որպէս աշխարհական մարդ, եկեղեցում ոչ մի իշխանութիւն չունի, այլ միայն պարտականութիւն՝ գործել իւր սրով ուղղափառ հաւատի թշնամիների դէմ, երբ այդ պահանջում են քահանայապետութիւնը և ամբողջ հոգեւորականութիւնը: Այս նոյն տեսակէտն է, որ միջին դարում Հռովմի պապերն ունէին: Այս տեղ էլ, ինչպէս և 16-րդ դարում, ձիշտ իրաւաբանական ձեւակերպութիւն ստացաւ բիւզանդական քահանայապետութեան այն գաղափարը՝ թէ քահանայութիւնը թագաւորութիւնից գերազանց է: Արևելեան պատրիարքները, որ հրաւիրուել էին Մոսկուա Նիկոն պատրիարքի դատաստանի համար և պատմութեան անպատեհութիւնների շնորհիւ արդէն սովոր էին աւելի համեստ խորհրդածութիւնների, բացաղբցին թագաւորին, որ ինքը «իշխանութիւն ունի իշխելու պատրիարքի վրայ, ինչպէս և բոլոր ժողովների, որովհետև մէկ ինքնակալ պետութեան մէջ չպէտք է երկու գլուխ լինի. այլ թող մէկը լինի աւագագոյնը»: Բայց այս հայեացքը Ռուսաց նուիրապետութեան մէջ ընդհանուր հաւանութիւն չդատու, թէպէտ նոյն նուիրապետութիւնը դատապարտեց Նիկոնին, և վիճելի հարցը լուծուեց Պետրոս Մեծի ժամանակ պատրիարքութեան վերացմամբ:

3) Նուիրապետութեան բարձրագոյն ներկայացուցիչների համար առ հասարակ պետական գործերին մասնակցելու շատ ճանապարհներ էին բացուած: Ռուսաստանի նախնական շրջանում (въ удѣльно-вѣчевой периодъ) քահանայապետները շատ անգամ գործում էին որպէս խաղաղարարներ, վերջ էին դնում և նոյն իսկ լուծում իշխանների մէջ ծագած վէճերը, օրհնում էին նոցա խաղաղութեան դաշինքները, երդմեցնում էին իշխաններին դաշնագրութեան կէտերը ձիշտ պահելու համար, իսկ

երբ գրծում էին, երգմնազանցներին մերժում էին եկեղեցուց: Մոսկուայի թագաւորների ձեռքով առանձին երկիրները միացնելու շրջանում, նուիրապետութիւնը պաշտպանում էր սոցա քաղաքականութիւնը՝ մերժելով եկեղեցուց անհնազանդ փոքր իշխաններին (УДАЛЬНИКЪ КНЯЗЕЙ). Իսկ միւս կողմից ընդունում էր այս վերջիններս իւր պաշտպանութեան տակ Մոսկուայի թագաւորի առաջ, և առ հասարակ միջնորդում էր կամ բարեխօսում նոցա առաջ զայրոյթի ենթարկուած մարդկանց համար: Այնպիսի կարեւոր օրէնսդրութիւններ հրատարակելիս, ինչպէս են Գատաստանագիրքը և 1649 թ. օրէնսդիրքը (УЛОЖЕНІЕ), հայցում էին մետրոպոլիտի կամ պատրիարքի և ամբողջ սուրբ ժողովի օրհնութիւնը. հոգեորականութիւնը մասնակցում էր նմանապէս նաև պետութեան համայնքի ժողովներին (ЗЕМСКІЙ СОБОРЪ): Հոգեւոր իշխանութիւնները վայելում էին մեծ արտօնութիւններ հողատիրութեան և դատաստանի վերաբերմամբ:

4) Եկեղեցա-պետական կազմակերպութիւնը և Մոսկուայի թագաւորների եկեղեցա-պետական իշխանութիւնը սկզբունքով մի լինելով՝ աշխարհական իշխանութեան օրգանները, օրին. գաւառակալները (ВОЕВОДЫ), իրենց կարգադրութեան տակ եղած միջոցներով պէտք է աջակցէին եկեղեցական կարգապահութեան պահանջների պահպանութեանը. որովհետև եկեղեցական պահանջների իւրաքանչիւր զանցառութիւն համարում էր Աստու երկիւղի և թագաւորական պատուէրի մտացումն:

5) 18-րդ դարից սկսած պետութեան և եկեղեցու յարաբերութեան բիւզանդական սխտեմը պետական եկեղեցականութեան, այսինքն այն սխտեմի, խիստ կնիքը ստացաւ, որ այդ ժամանակ ծաղկել էր արևմտեան Եւրոպայի պետութիւններում: սակայն միևնոյն ժամանակ թագաւորի, օրպէս թէ եկեղեցու և թէ պետութեան մէջ ծայրագոյն կառավարչի՝ գաղափարը միացաւ քրիստոնէական թագաւորի գաղափարի հետ: Պետրոս Մեծը վերջ

դրեց պատրիարքութեան, որը շատերին առիթ էր տալիս կարծելու, թէ պատրիարքը «երկրորդ պետ է, հաւասարազօր ինքնակալին կամ նորանից մեծ», և թէ քահանայութիւնը կամ հոգեւոր պաշտօնը «մի այլ և աւելի լաւ պետութիւն է»: Բայց նա իւր եկեղեցական բարենորոգութիւնները պատճառաբանում էր ոչ թէ բնական իրաւունքի գաղափարներով, այլ հետեւեալ կերպով: Պետրոս Մեծը յայտնում էր, որ ժողովրդի կեանքի միւս շրջանները բարեփոխելիս, ինքը՝ ինչպէս քրիստոնէայ թագաւոր, սուրբ եկեղեցու ամենայն բարեկարգութեան և ուղղադաւանութեան պաշտպան, ոչ միայն չէր կարող անուշադիր թողնել հոգեւոր շրջանը դրա «անկարգաւորութեամբ և դործերի մեծ պակասաւորութեամբ», այլ և «իւր խղճի վրայ մեծ երկիւղ էր կրում, չըլինի թէ Բարձրեայի առաջ ապերախա գտնուի, որ նորանից ինչպէս զինուորական նոյնպէս և քաղաքացիական դատակարգը բարելաւելու այսքան օժանդակութիւն ստանալուց յետոյ, արհամարհում է հոգեւոր դասակարգի բարելաւումը»: Պետական եկեղեցականութեան տերրիտորիալ գաղափարը, ի հարկ է, իւր պարզ արտայայտութիւնը գտաւ այն բանի մէջ, որ Սինոդը դասուեց պետական հիմնարկութիւնների կարգը և հոգեւոր տեսչութիւնը — միւս տեսչութիւնների շարքը. մանաւանդ երբ, Պետրոս Մեծի մահից յետոյ, Սինոդը, զրկուելով «կառավարիչ» տիտղոսից, ենթարկուեց Ծայրագոյն Գաղտնի Խորհրդին և Կարինտին: Բայց կայսերական հրովարտակներում, որչափ սրանք վերաբերում էին եկեղեցական գործերին, միշտ կարելի է եկեղեցու բարիքի մասին հոգացողութիւն տեսնել: Արևմտեան Եւրոպայի մտքերի յետագայ հոսանքները նոյնպէս մեծ կամ փոքր չափով աղդում էին Ռուսաց կեանքի վրայ: Այսպէս՝ քրիստոնէական պետութեան տեսութիւնը այն մտքով, ինչպէս որ զարգացաւ արևմուտքում 19-րդ դարի սկզբին, երևան եկաւ Աղէքսանդր Առաջին կայսրի ձեռնարկութիւններում. Աղէքսանդր I-ն քրիստոնէական պետութեան

գաղափարների ոչ միայն եռանդուն կուսակից էր, այլ և գլխավոր սկզբնապատճառներից մէկն էր (տես եր. 63)։ Այդ գաղափարների արդիւնք էր, նախ՝ Բիբլիական ընկերութեան հիմնարկումը, որը՝ միւս քրիստոնէական գաւառութիւնների հոգևոր և աշխարհական անձանց հետ կից, իւր անդամների թւում համարում էր նաև ուղղափառ եկեղեցու բարձրագոյն հոգևորականութիւնը, երկրորդ՝ մասամբ, լուսաւորութեան և հոգևոր գործերի միացեալ մինիստրութեան հիմնարկումը։ Թէպէտ այս մինիստրութիւնը պէտք է իւր տեսչութեան շրջանի մէջ մտցնէր Ռուսաստանում գոյութիւն ունեցող բոլոր, նոյն իսկ և ոչ քրիստոնեայ, դաւանութիւնները, բայց 1817 թուի հրովարտակում դորա հիմնարկումը պատճառաբանուած էր այն ցանկութեամբ, որ քրիստոնէական բարեպաշտութիւնը միշտ ճշմարիտ լուսաւորութեան հիմք լինի։ Նոյնպէս նշանաւոր է, որ Ռուսաստանում նոյն իսկ աւելի վաղ, քան Պրուսիայում, տեղի ունեցաւ բողոքական գաւառութիւնների միացումը մի աւետարանական եկեղեցի կազմելու նպատակով, մի և նոյն ժամանակ Աղէքսանդր I-ը յայտնեց, որ այդ անցքը կձառայէ աւետարանական դաւանութեան պատկանող իւր հպատակների սրտերում այն ճշմարտութիւնների արմատ ձգելուն, որոնց վրայ հաստատում է քաղաքացիական կարգի հիւրը և որոնք դրուած են իբրև գրաւական ապագայ երջանկութեան։ Իսկ երբ պատարներից մէկը եկեղեցական երգացասութեան մի գիրք կազմեց, որ գայթակղութիւն առաջացրեց, կայսրը Աստու և աւետարանական եկեղեցու առաջ իւր սրբազան պարտքը համարեց պաշտպանել եկեղեցին այդ գայթակղութիւնից։ Իրօք նոյն մտքերը յետագայում առաջնորդում էին Նիկողայոս I կայսրին. հռովմի հետ ունեցած սորա յարաբերութեան և բանակցութիւնների մէջ կարելի է տեսնել մի և նոյն ցանկութիւնը՝ եկեղեցական գործերը կարգաւորել յօգուտ հռովմ-կաթոլիկ գաւառութեան քրիստոնեայ հպատակների բարիքի և հռովմ-

կաթոլիկ եկեղեցին ղնել արժանավայել դիրքի վրայ։ — Իսկ ինչ վերաբերում է համաստիճանութեան (կոորդինացիո) տեսութեանը, որը արևմուտքում զարգացաւ ինչպէս քրիստոնէական պետութեան տեսութեան մի յաւելուած, մինչև այժմ էլ այդ տեսութիւնը կրկնուում է ուս հոգևորական հեղինակների մի քանի գրուածքներում։ Այսպէ՛ իրաւական պետութեան գաղափարները անկասկած արտայայտուեցին ուսաց կեանքում, որովհետև մասամբ այդ գաղափարների ազդեցութեանը պէտք է վերագրել, որ ուսաց օրէնսդրութիւնը որոշ չափով ընդունում է քաղաքացիական և քաղաքական իրաւունքների դաւանութիւնից անկախ լինելու սկզբունքը։

Ներկայումս Ռուսաստանում գոյութիւն ունեցող եկեղեցա-պետական յարաբերութեան սիստեմը կարելի է բնորոշել հետևեալ գծերով։

1) Ուղղափառ եկեղեցին և Ռուսաց պետութիւնը գաղափարով դեռ մէկ մարմին են համարում. սակայն իրօք՝ Ռուսաց պետութեան և ուղղափառ եկեղեցու օրգանիկ ձուլումը աւելի ևս քիչ է հնարաւոր, քան Բիւզանդիայում և Մոսկուայի պետութեան մէջ։ Թէպէտ ուղղափառութիւնից հրաժարուելը այժմ էլ պետութեան կողմից հալածանքի է ենթարկուում, բայց ուսաց կայսրութեան այն հպատակները, որ երբէք ուղղափառութեան չեն պատկանել, ընդհանուր կանոնով պետութեան իրաւագոր քաղաքացիներ են (նշանաւոր բացառութիւն են այդ կանոնից հրէաները)։ Զանազան դաւանութիւնների կրօնական գործերի կառավարութիւնը համարում է պետական կարգի մի մաս։ Թէոքոր Իվանովիչ թագաւորի կառավարութիւնը կարող էր ասել, թէ Ռուսաց կայսրը գործ չունի օտարերկրեայ դաւանութիւնների հետ, և այլակրօնների կրօնական համախմբութիւնները մասնաւոր համախմբութիւններ համարել, որոնցով պետական կառավարութիւնը հետաքրքրում է միայն այնչափ, որ նորա չխանգարեն պետական կարգը։ Բայց այն ժամա-

նակից, երբ 18-րդ և 19-րդ դարերում Ռուսաստանին միացան Բալտիկեան երկիրը և Փինլանդիան լուծերական ազգաբնակիւթիւնով, արեւմտեան և լեհական նահանգները—կաթովիկ և Կովկասը հայ-լուսաւորչական ազգաբնակիւթիւնով, և բացի սրանից բազմիցս օտարերկրեայ գաղթականութիւններ կանչուեցան Ռուսաստան՝ Մուսկուայի այդ տեսակէտը ուղղակի անհնարին դարձաւ։ Իրենք այլակրօններն էլ ինդրագրով դիմում էին կառավարութեանը՝ կարգաւորելու իրենց եկեղեցական գործերը։ 19-րդ դարի առաջին կիսում ս. Սինոդը, ինչպէս կայսրից լիազօրութիւն ստացած օրդան, կառավարում էր այլակրօնների հոգևոր գործերը և հազիւ թէ միայն Եկատերինա 2-րդի օրով ազատուեց սկզբունքով այլակրօնների հոգևոր գործերի կառավարութեանը մասնակցելուց։ Կամաց-կամաց, զանազան յաջորդական փոփոխութիւնների ենթարկուելով՝ ստեղծուեց եկեղեցական, իսկ ոչ քրիստոնեաների համար կրօնա-հասարակական կազմակերպութիւն. կաթովիկների նկատմամբ մանաւանդ Հռովմի պապի հետ բանակցելու և համաձայնութեան գալու համար։ Այդ կազմակերպութիւնը, որ կարգաւորում է Ռուսաց կայսրութեան Օրինագրքի (Сводъ законовъ) մէջ մտած օրէնսդրութիւններով (УСТАВЫ), համարում է պետական կարգի մի մաս. այնպէս որ այս մտքով կարելի է ասել՝ թէ ռուսաց պետութիւնը ձուլուած է նաև այլ դաւանութիւնների հետ։ Միևնոյն ժամանակ պէտք է նկատել, որ պետական եկեղեցականութեան սիստեմը արտայայտուել է աւելի այլ քրիստոնէական դաւանութիւնների հոգևոր գործերի նկատմամբ, քան ուղղափառ Մինչդեռ ուղղափառ եկեղեցու հոգևոր գործերի կառավարութիւնը կազմակերպուած է կառավարութեան (ВѢДОМСТВО) մի առանձին շրջանի ձևով, որ պետութեան միւս կառավարութիւններից անջատ գիրք ունի, միւս քրիստոնէական դաւանութիւնների հոգևոր գործերը մտնում են պետութեան ներքին գործոց մինիստրութեան կառա-

վարութեան շրջանը. իսկ ոչ քրիստոնէական դաւանութիւնների հոգևոր գործերը նոյն իսկ մտնում են նահանգական տեսանքերի (губернское правление) տեսչութեան շրջանը։

2) Ամենայն Ռուսաց կայսրը չէ կարող բացի ուղղափառութիւնից մի այլ հաւատ դաւանել։ Նա է Ռուսաստանում տիրող հաւատի դաւանութեան ծայրագոյն պաշտպանը և պահպանը, ուղղահաւատութեան և ս. եկեղեցու ամենայն բարեկարգութեան խնամողը, և այս մտքով 1794 թ. գահի ժառանգութեան ակտի մէջ եկեղեցու գլուխ է անուանուած (ОСНОВ. ЗАК. СТ. 41—43). Հետևապէս ուղղափառութիւնը պաշտպանելու և եկեղեցական բարեկարգութիւնը հաստատելու միջոցների ձեռնարկութեան մէջ նա գործում է որպէս եկեղեցու գլուխ ս. Սինոդի միջոցով կամ պետական կառավարութեան կարգով (օր. Սիբիրում, Րիգայում, Վարչավայում և այլ տեղերում ուղղափառ եկեղեցիներ կառուցանելու գործում)։ Բացի դրանից պատմական աւանդութիւնների իմաստով՝ Ռուսաց կայսրը ամբողջ արևելեան քրիստոնէութեան գլուխ է։ Ռուսաց կայսրի՝ բացի ուղղափառութիւնից որ և է այլ դաւանութեան պատկանելը, հետևապէս, նոյնքան անհնարին բան է, որչափ անհնարին է օր. որ Հռովմի պապը աւետարանական դաւանութեան պատկանէ։ Ռուսաստանը, որպէս ուղղափառ թագաւոր և տիրող ուղղափառ եկեղեցի ունեցող մի պետութիւն, կարելի է անուանել ուղղափառ պետութիւն. կայսրութեան բազմալեզու կազմից ուղղափառ եկեղեցում է ստանում իւր հոգևոր սնունդը Ժողովրդի այն տարրը, որ Ռուսաց պետութեան սերմն և արմատն է եղել։ Բայց Ռուսաստանում գոյութիւն ունեցող միւս քրիստոնէական դաւանութիւնների վերաբերմամբ էլ կայսրի իշխանութիւնը միայն պետական իշխանութիւն չէ, որ պաշտպանում է պետութեան շահերը, այլ մի քրիստոնեայ և ինքնակալ թագաւորի բարեխնամ իշխանութիւն՝ որ կախուած չէ բազմակրօն և անկրօն կազմ ունեցող որ և է պարլամենտից.



և այս մտքով Ռուսաստանը կարելի է անուանել քրիստոնեայ պետութիւն: Վերջապէս Ռուսաց միապետի իշխանութիւնը ոչ քրիստոնէական դաւանութիւնների վերաբերմամբ— պետական իշխանութիւն է, որ կարգ է պահպանում և գործում է քրիստոնէական համբերողութեան և բնական արդարութեան ոգով, այս մտքով Ռուսաստանը կարելի է անուանել իրաւական պետութիւն: Կայսերական իշխանութիւնը քրիստոնէական բարեգործութեան կեդրոնն ու շարժիչն է:

3) Ուղղափառ հոգևոր նուիրապետութիւնը, ինչպէս և միւս քրիստոնէական դաւանութիւնների հոգևորականութիւնը, պետական կառավարութեան գործերին չէ մասնակցում, բացառապէս նուիրուած լինելով իւր հոգևոր կոչմանը:

4) Պետական կառավարութեան օրգանները զանազան միջոցներով աջակցում են եկեղեցական կարգի պահպանութեանը: Այսպէս օր. եկեղեցական գործերի վերաբերեալ մի քանի օրէնքներ հանդէս են եկել որպէս Պետական Խորհրդարանի և մինիստրների Կոմիտեի բարձրագոյն հաստատութիւն ստացած կարծիքներ: Դատաստանական օրգանները օրէնքների հիման վրայ յանցաւորներին սրանց դաւանութեան հոգևոր վարչութեանն են յանձնում եկեղեցական ապաշխարութեան ենթարկելու համար. հաշածում են հերետիկոսութիւնը և եկեղեցուց հրաժարուելը. պատասխանատուութեան են ենթարկում ոչ քրիստոնէականներին, երբ նոքա տնական ծառայութեան կամ այլ աշխատանքի համար վարձուած կամ թէ իրենց մօտ արհեստ սովորող որ և է քրիստոնէական դաւանութեան պատկանող անձերին արգելում են պահել կիրակի կամ սահմանուած տօն օրերը և միւս կրօնական պարտականութիւններ կատարել: Կառավարութեան օրգանները՝ «յանցանքների առաջն առնելու և վերջ դնելու» օրէնքադրութեան (Уставъ о предупрежденіи и пресѣченіи преступленій) և այլ օրէնքների հիման վրայ եկեղեցական


կանոնների զանցաւման առաջն առնելու միջոցների են ձեռնարկում: Նահանգապետներին առանձնապէս պարտականութիւն է դրուում ամեն դէպքում և իրենց ունեցած ամբողջ իշխանութեամբ աջակցել ուղղափառ հոգևոր իշխանութեանը պահպանելու եկեղեցու իրաւունքները և հաւատի անասանութիւնը, ուշի ուշով հսկել, որպէս զի հերետիկոսութիւններ, հերձուածներ և ագիտութիւնից առաջացած մոլորութիւններ չտարածուեն իրենց վստահացած նահանգի բնակիչների մէջ (Ст. 523 ր. II 4. I ԵՅ. 3ԱԿ. օժԱ. ԴԿԾ. ԿԿԲ.): Այս ընդհանուր կանոնի համաձայն նահանգապետները քաղաքային և գաւառական ոստիկանութիւնների միջոցով պէտք է հարկաւոր հսկողութիւնն ունենան, որպէս զի աստուածալաշտութեան և բոլոր եկեղեցական ծիսակատարութիւնների ժամանակ ոչ որ չխանդարէ անհրաժեշտ կարգապահութիւնն ու խաղաղութիւնը և որ ամեն մի հակառակ վարմունքի համար, թէկուզ առանց դիտաւորութեան կատարուած, յանցաւորը օրէնքների համաձայն պատասխանատուութեան ենթարկուի. այս նկատմամբ նահանգապետները հարկաւոր պաշտպանութիւն և աջակցութիւն են ցոյց տալիս կայսրութեան մէջ նաև միւս ազատ դաւանելի կրօններին: (Ст. 524) Առհասարակ բոլոր դաւանութիւնների հոգևոր— կառավարական հիմնարկութիւնների կարգադրութիւնները, որոշումները և վճիռները պետութեան մէջ գործադիր ոյժ ունեն. պետութիւնը պաշտպանում է դաւանական ամուսնական իրաւունքը և յանձնում հոգևորականութեանը մետրիկների մատեանների կամ այլ խօսքով քաղաքացիական դիրքը որոշող ակտերի կազմելը և այլն: Եւ քանի որ եկեղեցա—պետական յարաբերութիւնների օրէնքով դրականապէս կարգաւորելը հիմնուած է զանազան գաւառանութիւնների կրօնական կարգի և պետութեան կարգի միմեանց հետ ձուլման գաղափարի վրայ, ուստի Ռուսաստանում դժուար է ցոյց տալ մի շրջան, ուր այս կամ այն եկեղեցին գործէր բացառապէս իւր կարգապահու-

թեան միջոցներով և իւր անդամների խղճի վրայ ունեցած ազդեցութեամբ: Պետական կառավարութիւնը միշտ կարող է օգնութեան կոչուել և պէտք է պահպանէ եղած եկեղեցական կարգը, որպէս հանրային կարգի մի մաս. օրինակ՝ գործնականը ցոյց է տալիս, որ մի քանի նահանգապետներ՝ о предупреждении и пресѣчѣніи преступленій օրէնսդրութեան 18 և 20-րդ յօդուածների հիման վրայ, բոլոր ծառայողներին պարտաւորեցնում են ամեն տարի խոստովանուել և հաղորդուել, և հետամուտ են լինում այդ պարտականութեան կատարմանը: Առհասարակ յիշեալ օրէնսդրութեան ընդարձակ պրակը՝ «կրօնի դէմ յանցանքների առաջն առնելու և վերջ դնելու մասին» («о предупреждении и пресѣчѣніи преступлений противъ вѣры»), հնարաւորութիւն է տալիս, որ ոստիկանութիւնը բազմակողմանի կերպով աջակցէ եկեղեցական կարգապահութեանը:




Յ Ա Ն Կ

	Երես.
§ 1. Քրիստոնեաների և պետական իշխանութեան յարաբերութիւնը ըստ Ս. Գրքի . . . . .	5
§ 2. Եկեղեցու գիրքը հեթանոս հռովմէական կայսրութեան մէջ . . . . .	7
§ 3. Պետութեան և եկեղեցու յարաբերութեան՝ բիւզանդական սիստեմի էական յատկանիշները . . . . .	12
§ 4. Երանելի Օգոստինոսի աշխարհայեցողութիւնը՝ իբրև տեսական հիմք միջին դարի հիերոկրատիկ սիստեմի . . . . .	23
§ 5. Միջին դարի հիերոկրատիկ սիստեմը . . . . .	26
§ 6. Հիերոկրատիկ հայեացքի դէմ եղած ընդդիմադրութիւնը միջին դարում . . . . .	31
§ 7. Կրօնական վերանորոգութեան (ռեֆորմացիօ) գաղափարների ազդեցութիւնը եկեղեցա-պետական յարաբերութեան վրայ . . . . .	40
§ 8. Բնական իրաւունքի գաղափարների ազդեցութիւնը եկեղեցա-պետական յարաբերութիւնների վրայ . . . . .	43
§ 9. Կրօնական վերանորոգութեան և բնական իրաւունքի փիլիսոփայութեան գաղափարների ազդեցութիւնը կաթոլիկ պետութիւնների և կաթոլիկ եկեղեցու յարաբերութիւնների կազմուելու վրայ . . . . .	46
§ 10. Ֆրանսիական-յեզուիտական օրէնսդրութիւնը և Նապոլեոնի կոնկրետը . . . . .	53
§ 11. Պետութեան և եկեղեցու յարաբերութեան հիւսիսամերիկական սիստեմը . . . . .	59
§ 12. Քրիստոնէական պետութեան (կամ պետական քրիստոնէութեան) և համաստիճանութեան (կոորդինացիօ) տեսութիւնները . . . . .	63
§ 13. Իրաւական պետութեան (rechtsstaatliche Theorie) կամ պետութեան՝ եկեղեցիների վրայ ունեցած զերիշխանութեան (Kirchenhoheit) տեսութիւնը . . . . .	69
§ 14. Եկեղեցա-պետական յարաբերութիւնները Ռուսաստանում . . . . .	75



## ՎՐԻՊԱԿՆԵՐԻՑ ԿԱՐԵՒՈՐՆԵՐԸ

երես.	սող.	սյուած է	ուղիղը
12	3 ն.	դաւանուելու	դաւանելու
13	1 ն.	Іерархія	Іерархія
15	4 վ.	կարգի	կարգերի
43	3 ն.	մա-	
46	6 վ.	,և	և
»	17 վ.	լինին	լինի
48	18 վ.	բողոքել	բողոքելը
51	6 վ.	գաղափարին	գաղափարին
53	1 ն.	յարաբերութեան	յարաբերութեան
57	5 վ.	վերականգնեցաւ	վերականգնեցաւ.
63	7 վ.	ուր	որ
64	3 ն.	է	են
80	4 վ.	-րազանց	-զանց



« Ազգային գրադարան »



NL0219473

38.863

348

U-80